

## KÂLAWK BOUT POENAE (Deuteronomy)

### *Horeb ceitakhai hanelah kê poenae*

<sup>1</sup> Kahrawngum, Jordan palang teng, Shuph khopui, Paran khopui, Tophel khopui, Hazeroth, Dizahab khopuinaw koevah, Mosi ni Isarelnaw koe bout a dei e lawk teh:

<sup>2</sup> Kadeshbarnea hateh, Seir mon lam lahoi Horeb e a onae hoi hnin 11 lamcei ahla.

<sup>3</sup> Mosi ni Heshbon khopui kaawm e, Amor Siangpahrang Sihon thoseh, Edrei ram, Ashtaroth khopui kaawm e Bashan siangpahrang Og thoseh, a thei hnukkhu

<sup>4</sup> Kum 40 thapa yung 11 apasuek hnin dawc Moab ram

<sup>5</sup> Jordan palang teng vah, Cathut ni lawk a poe tangcoung e patetlah Isarelnaw koe bout a dei e kâlawk hateh,

<sup>6</sup> Maimae BAWIPA Cathut ni, Horeb hmuen dawc, na dei pouh e teh, nangmouh ni atueng a kuep ditouh hete mon dawc na o awh toe.

<sup>7</sup> Kamlang awh nateh bout kamthaw awh haw. Amor mon totouh thoseh, hote mon hoi kahnai e hmuen tanghling, akalah, tuipui teng, Kanaan ram, Lebanon mon, Euphrates tuipui totouh cet awh haw.

<sup>8</sup> Hote ram teh nangmouh hmalah ka hruek toe. Cathut ni, nangmae na pa Abraham, Isak, Jakop koehoi kamtawng teh a catounnaw ka poe

han telah lawk a kam e ram hah kâen nateh coe awh, telah atipouh.

*Kacuenaw thaw poenae*

<sup>9</sup> Hatnavah, Kai ni nangmouh koe ka dei e thaw heh ka madueng ka phawt thai mahoe.

<sup>10</sup> Nangmae BAWIPA Cathut ni nangmouh na pung sak awh vaiteh, nangmouh teh kalvan âsi patetlah sahnin na o awh.

<sup>11</sup> Nangmae na pa BAWIPA Cathut ni nangmouh teh alet 1000 lahoi na pung sak naseh. Lawk a kam e patetlah yawhawi na poe a seh.

<sup>12</sup> Na tawntamnae, thawtawknae, kâyuekâounnae hnokari kai ka madueng ni bangtelamaw ka phu thai han.

<sup>13</sup> A lungkaangnaw, ka thaipanueknaw, hoi ka thoumthainaw hah na miphun thung hoi rawi awh. Ahnimanaw hah ka hrawikung lah ka hruek han telah dei awh pawteh,

<sup>14</sup> nangmouh ni, na dei e patetlah ahawi telah bout a dei awh.

<sup>15</sup> Hatdawkvah na miphunnaw daw k mitkhet kamcu e kacuenaw panuenae ka tawn naw ka rawi hnukkhu nangmouh koe kacue thaw ka taw k hanelah 1,000 ka uk hane, 100 ka uk hane, 50 ka uk hane, 10 ka uk hane ukkungnaw hah ka rawi.

<sup>16</sup> Lawkcengkungnaw hai, na hmaunawng-hanaw e kamcan hah a thai awh vaiteh, hmaunawng-ha reira e kamcan thoseh, Jentelnaw hoi e kamcan thoseh kalancalah lawkceng awh.

<sup>17</sup> Lawkcengnae dawkvah, apie minhmai hai khen hanh. Camo e lawk hah kacue e lawk

patetlah pouk. Apihai taket hanh. Bangkongtet-pawiteh, lawkcengnae teh Cathut e doeh. Na dei thai hoeh e kamcan hah kai koe thokhai awh. Kai ni hai ka thai han telah lawk a thui.

<sup>18</sup> Nangmouh ni na sak awh hane naw hai hatnavah kê na poe toe.

### *Kardeshbanea hoi tami patounnae*

<sup>19</sup> Kaimouh ni Horeb hmuen koehoi ka tâco awh teh, Amor mon totouh ceinae lam teng vah, takikathopounge kahrawngum ka cei awh teh Kadeshbarnea hmuen koe ka pha awh.

<sup>20</sup> BAWIPA ni kê na poe e patetlah hatnavah kai nihai, maimae BAWIPA Cathut ni na poe awh e Amor mon vah nangmouh ni na pha awh toe.

<sup>21</sup> Nangmae BAWIPA Cathut ni ram kahawi teh nangmouh hmalah ka hruek toe. Nangmae napanaw e BAWIPA ni a dei e patetlah cet awh nateh lawm awh, taket awh hanh, na lung hai pout awh hanh telah a dei.

<sup>22</sup> Hatnavah nangmanaw pueng ni kai koe na tho awh teh, kaimae hmalah taminaw ka patoun han. Ahnimouh ni hote ram hah a rip awh hnukkhu, kaimouh teh nâ lam cet pawiteh, bang khopui dawc pha awh han doeh telah a dei awh han telah a dei awh e heh,

<sup>23</sup> kai ni ka ngai dawkvah mipahun buet touh dawc tami buet touh, asumkum 12 touh hah na rawi awh.

<sup>24</sup> Ahnimouh ni mon koe lah a kamlang awh teh Eshkol tanghling koe a pha awh teh a tuet awh.

<sup>25</sup> Hote ram dawk e a paw a hrawm awh teh a thokhai navah, maimae Cathut ni na poe e ram teh kahawi e ram doeh telah a dei awh eiteh,

<sup>26</sup> Nangmouh ni na cet awh laipalah, namamae BAWIPA Cathut e kâ na ek awh.

<sup>27</sup> Cathut ni maimouh na hmuhma teh raphoe sak han na ngai awh dawkvah, Amornaw e kut dawk na poe hanlah, Izip ram hoi na tâcokhai awh khe.

<sup>28</sup> Maimouh ni bangtelamaw cei awh han toung, hmaunawngghanaw ni hote kho dawk e taminaw teh maimouh hlak a len awh. A rasang poung awh. Kalvan ka deng e khopui, rapan hai ao. Hote kho dawk Anakim miphunnaw ka hmu awh telah maimae lungthin a raphoe toe telah nangmouh ni rimnaw dawk na taran awh toe.

<sup>29</sup> Hatnavah kai ni, puen hanh awh, ahnimouh taket a hanh awh.

<sup>30</sup> Nangmae hmalah ka cet e nangmae Cathut ni na hmalae Izip ram hai thoseh,

<sup>31</sup> nangmouh ni na dawn e lam, hete hmuen to-touh a na pa ni a ca a tapam e patetlah nangmae Cathut ni nangmouh na tapam teh, lungmanae na coenae kahrawng hai thoseh, nangmouh han a sak e patetlah nangmouh koe lah taran na kabawp awh han telah a dei nakunghai,

<sup>32</sup> nangmouh ni rim tumpup nahan hmuen tawng awh nateh na cei awh nahan lam na patue hanelah karum vah hmai dawk thoseh, khodai lah tâmai dawk thoseh,

<sup>33</sup> nangmae hmalah ka cet e Cathut e lawk hah hote kong dawk nangmouh ni na yuem awm hoeh toe.

*Isarelnaw reknae*

<sup>34</sup> Nangmae lawk Cathut ni a thai nah a lungkhuek teh,

<sup>35</sup> ahnimae mintoenaw ka poe han ka tie ka lawkkam ram kahawi hah Jephunneh capa Kalep hloilah hete kathoute Miphunnaw buet touh ni boehai kâen awh mahoe.

<sup>36</sup> Ahni teh Cathut e hnuk roup a kâbang daw k a kâen. A coungroe e ram hah ahni koehoi kamtawng teh ahnie catounnaw ka poe han telah lawk ka kam .

<sup>37</sup> Ahnimouh han Cathut ni, kai koehai a lungkhuek, nang teh hote ram na coe mahoe.

<sup>38</sup> Na kut rahim e Nun capa Joshua ni a coe han. Ahni teh Isarelnaw râw ka coe sak hanelah ao daw k. Ahni hah thapoe haw.

<sup>39</sup> Taran ni a lawp e lah ao han na ti awh e camonaw, hatnavah thoe hoi hawi kapek thai hoe h rae canu capanaw ni, hote ram a coe awh vaiteh, kai ni ka poe e patetlah a lawp awh han.

<sup>40</sup> Nangmouh teh na kamlang awh vaiteh tuiquipaling lam lahoi kahrawng lah bout cet awh ei telah a ti.

<sup>41</sup> Nangmouh ni hai, kaimouh ni Cathut hah koe ka payon awh toe. Maimae Cathut ni lawk na thui awh e patetlah atu cei awh vaiteh taran tuk han telah na dei pouh teh, tami pueng puengcang rip a patuep awh teh, mon lah takhang hanelah coungkacoe ao awh.

<sup>42</sup> Cathut ni hai tuk awh hanh, nangmouh koe lah kai kaawm hoe h, na tuk awh pawiteh taran hmalah na sung awh han telah kai ni ka dei e patetlah,

<sup>43</sup> kai ni ka dei nakunghai nangmouh ni na tarawi awh hoeh. Cathut e kâ eknae hoi mon lah na luen awh.

<sup>44</sup> Hatnavah mon dawkvah la kaawm e Amor miphunnaw ni nangmouh koe lah a tâco teh, khi ni a rongyawn e patetlah nangmouh na kayo awh teh Seir hoi Hormah khopui totouh na thei awh.

<sup>45</sup> Nangmouh hai bout na tho awh teh, Cathut hmalah na khui na ka awh. Hatei nangmae na lawk hah Cathut ni thai hoeh.

<sup>46</sup> Hatdawkvah Kadesh hmuen dawkyampa na o awh e patetlah moi ka saw lah na o awh.

## 2

### *Kahrawngum vah kum 40 touh*

<sup>1</sup> Cathut ni kai koe bout a dei e patetlah kaimouh ni kamlang awh vaiteh, Tuipui paling kahrawng lahoi ka cei teh Seir mon hah moi ka saw lah ka lawngven awh.

<sup>2</sup> Cathut nihai, nangmouh ni atueng akuiep nahan hete mon hah na lawngven awh toe.

<sup>3</sup> Atunglah bout cet awh ei.

<sup>4</sup> Nang ni tami pueng koe na dei pouh hane teh, na hmau Esaw miphunnaw a onae Seir ram teng vah, nangmouh na cei awh toteh ahnimouh ni a taki awh han. Hatdawkvah kâhruetcueth awh.

<sup>5</sup> Rek saueng hanh awh. Ahnimae ram hah, kai ni nangmouh na poe hoeh. Na coungroenae khok hmuen tittouh hai na poe hoeh. Seir mon hateh Esaw yo ka poe toe.

<sup>6</sup> Nangmouh ni na canei nahane bu hoi tui hai thoseh, ahnimouh koe tangka hoi na ran awh han.

<sup>7</sup> Nangmouh ni na tawksaknae pueng dawk, nangmae Cathut ni yawhawinae a poe toe. Hete kahrawngpui dawk nangmouh na lawngven awh e a kongnaw a panue. A kum 40 touh thung nangmae BAWIPA Cathut ni nangmouh hoi cung-talah ao nah, banghai nangmouh dawk panki hoeh telah ati.

<sup>8</sup> Seir ram kaawm e maimae hmau Esaw mipun koe cei awh teh, Elath khopui Eziongeber khopui hoi ka cet e lam tâphaï koe ka dawn awh teh, haw hoi bout kamlang awh teh Moab kahrawng lam lahoi ka cei awh.

<sup>9</sup> BAWIPA Cathut nihai, Moab khocanaw rucacat poe awh hanh, tuk awh hanh, ahnimae ram kai ni na poe awh hoeh. Arab ram teh Lot miphunnaw kai ni yo ka poe toe telah ti pouh.

<sup>10</sup> Ayan vah Anakim mipun patetlah ka rasang kalen e Em miphunnaw teh hote ram dawc ao awh.

<sup>11</sup> Ahnimouh teh, Anakim miphunnaw patetlah ao e lah a pouk awh. Hatnavah Moab ram khocanaw ni ahnimanaw teh EM telah a kaw awh.

<sup>12</sup> Ayan vah Hor taminaw teh Seir ram vah ao awh. Ahnimouh hah Esaw miphunnaw ni a thei awh teh, ahnimouh onae hmuen dawc ao awh. Hot patetlah Cathut ni a poe e ram hah Isarel miphunnaw ni ati awh.

<sup>13</sup> Atu cet awh nateh Zered tui rakat awh haw telah a dei e patetlah Ahnimouh ni Zered tui a raka awh.

14 Kadeshbarnea hmuen koe ahmaloe phanae tueng koehoi ka tâco awh teh Zered tui rakanæ tueng totouh kum 38 touh a ro. Cathut ni lawk a kam e patetlah ahmaloe e taran ka tuk thai e ransanaw pueng teh taminaw thungup hoi a due awh.

15 Ahnimouh raphoe hoeh roukrak, Cathut ni ahnimouh koehoi pâmit hanelah a kut a dâw.

16 Taran ka tuk thai e pueng tamihu thung e koug a pâmit sak hnukkhu,

17 Cathut ni nang teh Moab ram,

18 Ar ram a lungui vah sahnin na cei han.

19 Ammon miphunnaw teng na pha torei teh ahnimouh rucatnae poe awh hanh, reksaueng awh hanh. Ammon miphunnaw a onæ ram hah kai ni nangmouh koe na poe hoeh. Hote ram teh Lot miphunnaw kai ni ka poe toe telah kai koe a dei.

20 Hote ram hai kalenpounge taminaw e hmuen doeh telah taminaw ni a pouk awh. Ayan e tueng dawk, hot patetlae taminaw ni ao awh. Ahnimouh hah Ammon ram khocanaw ni Zamzummim telah a kaw awh.

21 Hote miphun teh Anakim miphunnaw patetlah kalenpoug kapap poung e taminaw doeh.

22 Hatei Seir ram dawk kaawm e Esaw miphun e hmalah Hor taminaw hah Cathut ni a raphoe dawkvah, ahnimæ hmuen dawk Esaw miphunnaw ni sahnin totouh ao e patetlah koug a pâmit teh ahnimæ hmuen dawk Arnonnaw ni ao awh.

23 Hot patetlah Hazrim khopui koehoi Gaza khopui totouh ouk kaawm e naw Avvimnaw hai



Kaptor khopui ka tâcawt e Kaptor taminaw ni a raphoe awh teh, ahnimanaw a onae hmuen dawk ao awh.

<sup>24</sup> Nangmouh na thaw awh vaiteh cet awh haw, Arnon tuipui raka awh haw. Amor mipahun, Heshbon siangpahrang Sihon hoi a talai hah nangmae kut dawk ka poe toung dawkvah, khosak awh nateh hote bawi hah tuk awh.

<sup>25</sup> Tâmai rahim kaawm e pueng, miphunnaw ni sahnin nangmouh tâsue taki laihoi ao nahan ka sak han. Nangmae kamthang a thai awh vaiteh, puennae, pâyawnae, runae puenghoi a kâhmo awh han telah ati.

### *Sihon siangpahrang a tâ awh*

<sup>26</sup> Kai hai Kedemoth kahrawng hoi Heshbon siangpahrang Sihon koevah patounenaw ka patoun vaiteh,

<sup>27</sup> Aram lungui vah na cetsak haw, na lam dawk dueng ka dawn han. Avoilah aranglah ka phen mahoe.

<sup>28</sup> Seir ram kaawm e Esaw mipahun, Ar ram dawk kaawm e Moab miphunnaw ni kai dawk a sak awh e patetlah ka ca hane rawca thoseh, nei hane tui hai thoseh, tangka hoi yawt lawih.

<sup>29</sup> Kai teh Cathut ni na poe e ram lah Jordan palang ka raka vaiteh ka pha hoehroukrak Seir ram lungui dawk khok hoi ka cet haw nei telah kâhuikonae lawk hoi ka dei nakunghai,

<sup>30</sup> Kaimouh ka cei nahane Heshbon siangpahrang Sihon ni kê na poe hoe. Bangkongtet-pawiteh, sahnin kamnue e patetlah nangmae Cathut ni hote siangpahrang nangmae kut dawk

na poe hanelah, lung a tha o sak, lungpatanae lungthin a poe.

<sup>31</sup> Cathut ni hai Sihon siangpahrang hoi a talai hah na poe han. Hote talai hah râw lah na pang hanelah lat lawih telah a dei.

<sup>32</sup> Hatnavah, Sihon siangpahrang teh amae tami puenghoi Jahaz vah maimanaw na tuk hanelah a tâco.

<sup>33</sup> Maimae Cathut ni hote siangpahrang hah maimouh koe na poe teh, ama hoi a canaw hoi tami pueng ka thei aw h.

<sup>34</sup> Hatnavah ahnie khopui pueng ka tuk aw h teh, napui tongpa, camonaw buet touh hai hlung laipalah koug ka pâmit aw h.

<sup>35</sup> Saringnaw, khopui daw k e hnopainaw dueng kamamouh hanlah ka la pouh aw h.

<sup>36</sup> Arnon tuipui teng kaawm e Aroer khopui hoi Gilead khopui totouh, tuipui teng kaawm e pueng khopuinaw thung, ka tâ thai hoeh e buet touh hai khopui aw m hoeh. Maimae Cathut ni a cawngca pueng maimouh daw k na poe.

<sup>37</sup> Hatnavah Ammon miphunnaw a onae talai, Jabbok tuipui hoi talai, mon daw k e khopui hoi maimae Cathut ni na cakâ pouh e bang buet touh hai ka hnai aw h hoeh.

### 3

#### *Isarelnaw ni Bashan siangpahrang tânae*

<sup>1</sup> Hatnavah kaimouh kamlang aw h teh Bashan lam lah ka cei aw h. Bashan siangpahrang Og hai a taminaw hoi Edrei vah kaimouh na tuk hanlah a tho aw h.

<sup>2</sup> BAWIPA Cathut ni ahni hah taket aw hah. Ama hoi a taminaw hai thoseh, a talai hai thoseh, nangmae kut daw k na poe aw hah. Heshbon khopui daw k kaawm e Amor siangpahrang Sihon koe na sak e patetlah hete Siangpahrang koehai na sak hah telah kai koe a dei.

<sup>3</sup> Hottelah maimae BAWIPA Cathut ni Bashan Siangpahrang Og hoi a taminaw pueng hah maimae kut daw k na poe vaiteh, buet touh hai hlout laipalah, ka thei aw hah.

<sup>4</sup> Hatnavah kaimouh ni khopui 60, Argob ram, Bashan ram, Og siangpahrang e uknaeram, khopui buet touh boehai hlung laipalah ka tuk aw hah.

<sup>5</sup> Hote khopuinaw teh, ka rasang poung e rapan, longkhanaw hoi kacakpoung khopui lah ao. Alouk lae kho moikapap hai ka la aw hah, ka tuk aw hah teh koung ka raphoe aw hah.

<sup>6</sup> Heshbon siangpahrang Sihon koe ka sak aw hah e patetlah napui camo pueng koung ka thei aw hah.

<sup>7</sup> Saringnaw hoi kho thung e hnopainaw teh kamamouh hanlah ka la aw hah.

<sup>8</sup> Hatnavah Arnon palangpui hoi kamtawng teh, Hermon mon totouh, Jordan palang namran lah kaawm e Amor siangpahrang roi e kut daw k e Arnon yawn koehoi Hermon mon totouh e ram hah kaimouh ni ka la pouh aw hah.

<sup>9</sup> Hermon mon hah Sidonnaw ni Sirion telah thoseh, Amornaw ni Senir telah thoseh a kaw aw hah.

<sup>10</sup> Tanghling daw k e khopuinaw puenghoi Gilead uknaeram pueng Og siangpahrang Og khopui, Edrei khopui totouh, Bashan ram puengpa ka la pouh aw hah.

11 Kalenpounge miphun koehoi ka tho e Bashan siangpahrang Og ama duengdoeh ka hlout. Ayung dong 9, adangka dong 4 touh e sumikhun teh, Ammon ram Rabbah khopui vah ao nahoehmaw.

12 Hatnavah kaimouh ni la pouh e talai hah Arnon palang teng kaawm e Aroer khopui hoi kamtawng teh, Gilead mon a tangawn totouh khopuinaw hoi Reuben miphun hoi Gad miphunnaw ka poe toe.

13 Gilead mon a tangawn hoi Og siangpahrang ni a uknaeram kalenpounge hmuen telah kaw e Argob ram, Bashan ram pueng teh Manasseh miphunnaw atangawn ka poe toe.

14 Manasseh miphun Jair ni Argob ram pueng Geshur kho Maakath kho totouh a la pouh hnukkhu, Sahnin totouh amamae a min a ceisak e lahoi Havvoth- Jair ram telah a kaw awh.

15 Gilead khopui teh Makhir miphunnaw ka poe toe.

16 Reuben miphun, Gad miphunnaw teh, Gilead khopui hoi Arnon palangpui, alungui totouh Arnon ram khori Arabah palang pui totouh hai thoseh.

17 Jordan palang teng Kinnereth hoi Sodom tali e kanitholah kaawm e Arabah Pisgah khopui totouh e hai thoseh ka poe toe.

18 Hatnavah, kai ni, nangmae BAWIPA Cathut ni hete ram heh namamouh han roup na poe toe.

19 Hatnavah tarankahawi e pueng ni puengcang a kâmahrawk awh teh, na hmaunawngaha Isarel miphunnaw e a hmalah a cei awh han.

20 Cathut ni nangmouh karoumcalah na o sak

awh van e patetlah hmaunawngghanaw ka poe hoeh roukrak thoseh, Jordan palang namran e nangmae BAWIPA Cathut ni na poe e talai ahnimouh ni a la hoehnahlan totouh thoseh. Na yu na canaw, saringnaw ni hai kai ni na poe e khopuinaw dawk ao awh han. Nama koe saring moi ao e kai ni ka panue. Thaw ka cum toreï kai ni na la poe e patetlah nangmouh pueng teh lengkaleng na coe han kamcu e talai koe lah bout na ban awh han telah nangmouh kai ni lawk na thui awh.

<sup>21</sup> Hatnavah Joshua hai, na BAWIPA ni hete siangpahrang kahni touh dawk a sak e hno pueng hah nang ni khei na hmu toe. Hot patetlah BAWIPA ni na phanae kho ramnaw dawk a sak han.

<sup>22</sup> Nangmae Cathut ni nanfmouh koe lah kam-pangkhai dawkvah, ahnimanaw hah taket awh hanh.

*Mosi teh Kanaan ram kâen hane pasoung hoeh*

<sup>23</sup> Hatnavah Cathut koe ka kâhei e teh,

<sup>24</sup> Oe Bawipa Jehovah, na san kai koe lentoe e hai thoseh, thaonae kut hai thoseh, sak na kamtawng toe. Nang e thaonae na kamnue sak e patetlah kalvan hoi talai dawk bang patet e cathut ni maw a sak thai han.

<sup>25</sup> Kai teh Jordan palang namran lah ka raka teh, kahawipoung e ram hoi Lebanon mon koe-hoi kamtawng teh kahawi e monnaw na hmawt sak haw telah ka kâhei nakunghai,

<sup>26</sup> Cathut ni nangmouh kecu dawk kai koe a lungkhuek dawkvah, ka lawk hah na thai pouh

hoeh. Cathut ni hai a khout toe. Hete hno hoi kâseng e lawk hah bout na dei pouh hanh lawih.

<sup>27</sup> Pisgah mon som dawkvah luen nateh, kanîtho, kanîloum, atung, aka lah kangvawi nateh ram hah kenhaw! Jordan tui rakat hanh.

<sup>28</sup> Joshua hah lawk thui nateh, thapoe nateh ka bawm haw. Ahni ni hete miphun hmalah a cei vaiteh, na hmu e ram hah râw lah na pang sak han telah a ti.

<sup>29</sup> Hottelah kaimouh teh Bethpeor namran lah kaawm e tanghling dawk ka o awh.

## 4

### *Mosi ni Isarelnaw lawkngai hanelah a hroecoe*

<sup>1</sup> Oe Isarelnaw nangmouh ni na hring awh teh, mintoenaw ni a bawk e BAWIPA Cathut ni na poe e ram na coe thai awh nahan, na sak awh hane kai ni na cangkhai e phunglawknaw hoi lawkcengnaenaw thai awh haw.

<sup>2</sup> Kai ni kê na poe e lawknaw dawk, bout na thap awh mahoe. Na rayu awh mahoe, nangmae BAWIPA Cathut e kêpoelawknaw hah na tarawi awh han.

<sup>3</sup> Cathut ni Baalpeor kecu a sak e hah nangmouh ni na mit hoi na hmu awh toe. Baalpeor kângue pueng nangmae BAWIPA Cathut ni nangmouh thung hoi be a raphoe toe.

<sup>4</sup> Nangmae BAWIPA Cathut dawk kângue e pueng teh, sahnin ditouh na hring awh.

<sup>5</sup> Nangmouh ni na cei awh vaiteh na coe hane ram dawk na sak awh hane kaie BAWIPA Cathut ni kê na poe e patetlah, kai ni phunglawknaw hoi lawkcengnaenaw na cangkhai awh toe.

<sup>6</sup> Hatdawkvah, hotnaw hah tarawi awh. Hot-telah na sak pawiteh, phunglawk ka thai e tami pueng e hmalah nangmae lungangnae hoi panuena e kamnue han. Ahnimouh ni hete miphunpui teh, lungangnae hoi panuena e hoi ka kawi e miphun katang doeh telah ati awh han.

<sup>7</sup> Maimouh ni ratoum na pueng koe maimae BAWIPA Cathut ni na khet na yawt teh, na pahrennae coe e patetlah alouke cathut ni pahren e miphun apimouh kaawm boi.

<sup>8</sup> Kai ni sahnin nangmouh koe ka ta e kâlawk patetlah, phunglawk hoi kalan lah lawkcengnae ka tawn e miphun kalen, apimouh kaawm.

<sup>9</sup> Nangmouh ni Horeb mon van na Cathut hmalah, na kangdue awh navah na mit hoi na hmu awh e naw hah pahnim payon avai. Na hringyung thung na pâkuem thai awh nahan, namamouh kâhruetcu et awh. Kâyawm lahoi tarawi awh. Hotnaw hah na catounnaw hai cangkhai awh.

<sup>10</sup> Hatnavah BAWIPA ni, taminaw kai koe kamkhueng sak haw. Ahnimouh ni talai van a hring na thung kai na taki thai awh nahan a catounnaw a cangkhai sak nahanelah ka lawk hah na thaisak han telah kai koe a dei e patetlah,

<sup>11</sup> Nangmouh ni rek na tho awh teh mon khok koe na kamkhueng awh. Hatnavah, monsom hmai a kak teh kalvan lungui teh duktamang, tâmai hoi akawi teh duk a kamthim.

<sup>12</sup> BAWIPA Cathut ni hmai thung hoi na pato, nangmouh ni a mei na hmawt laipalah lawk duengdoeh na thai awh.

<sup>13</sup> Nangmouh ni na tarawi awh hane

kâpoelawk 10 touh hah a dei teh, lungphen 2 touh dawk a thut.

<sup>14</sup> Nangmouh ni na cei aw hah teh na coe aw hah hane ram dawk na sak aw hah hane nangmouh koe na cangkhai e phunglawknaw hoi lawkcengnae-naw hai Cathut ni kai koe kâ na poe.

*Kutsak na baw mahoe h*

<sup>15</sup> Horeb vah Cathut ni, hmai thung hoi nangmouh koe lawk a dei navah bang e meilam hai na hmu aw hah hoeh dawkvah,

<sup>16</sup> Nangmouh ni tami napui tongpa mei

<sup>17</sup> Talai van kaawm e saring mei, kalvan kamleng e tava mei,

<sup>18</sup> Talai dawk vonpui hoi kâva e saring mei, talai thung tui dawk e tanga mei, hoi kâvan e kutsak hah, nangmouh ni bout na kamlang sin aw hah teh, namamouh han na sak hoeh nahanelah,

<sup>19</sup> Kalvan lah na khet teh, Kanî, Thapa, Âsinaw tie kalvan e hno pueng na hmu navah, nangmae BAWIPA Cathut ni, kalvan rahim kaawm e tami pueng koe a poe e hote hnonaw hah, na bawk aw hah nahane alouke taminaw ni na pasawt thai aw hah hoeh nahanelah, namahoima kâhruetcu et aw hah.

<sup>20</sup> Nangmouh teh sahnin e patetlah BAWIPA Cathut e râw ka coe e mip hun lah na o sak nahan, nangmouh teh Izip ram sum thawngnae takhuen koehoi na tâcokhai aw hah toe.

<sup>21</sup> Hot dueng laipalah, nangmouh kecu daw k, kai koe Cathut a lungkhuek, Jordan tui namran lah rakat laipalah, na coe aw hah hane Cathut ni na poe e ram thung vah kâen hoeh nahanelah lawk a kam toe.



<sup>22</sup> Hatdawkvah, hete ram dawk ka due han toe. Jordan tui ka rakat mahoe h nangmouh ni na raka aw h vaiteh hote kahawipoung e ram na coe aw h han.

<sup>23</sup> Nangmae BAWIPA Cathut ni nangmouh koe na ta pouh e lawkkam na pahnim aw h teh, nangmae BAWIPA Cathut ni a cakâ e kutsak na sak aw h hoeh nahan, namahoima kâhruetcu et aw h.

<sup>24</sup> Bangkoktetpawiteh, nangmae BAWIPA Cathut teh ka kang e hmai, dipma Cathut doeh.

<sup>25</sup> Nangmouh ni na mincanaw na sak aw h teh, hote ram daw k moikasawlah na o aw h hnukkhu, koung na rawk aw h teh buetbuet touh e mei hoi kâlat lah kutsak na sak aw h teh, nangmae BAWIPA Cathut a lung hoe na khuek sak aw h pawiteh,

<sup>26</sup> Jordan tui na raka aw h teh na coe aw h hane ram thung vah, a ro hoehnahlan na kahma aw h han. Moikasawlah kho na sak aw h laipalah, khoeroe na kahmakata aw h han telah nangmae kong daw k na ka panuek khai e lah sahnin kalvan hoi talai ka palaw.

<sup>27</sup> Cathut ni hai nangmouh teh Jentelnaw koe alouklouk lah na kâkapek sak vaiteh, hrek lah kaawm e Jentelnaw koe youn touh na cawi aw h han.

<sup>28</sup> Hote hmuen daw k, tami kut hoi sak e, hmawt thai hoeh, thai thai hoeh, cat thai hoeh, a hmui ka thai thai hoeh e thing cathut, talung cathutnaw hah nangmouh ni na baw k aw h han.

<sup>29</sup> Hateiteh, hote hmuen daw k nangmae BAW-IPA Cathut hah bout tawng han na ngai aw h toteh, lungthin abuemlahoi na tawng aw h paw-

iteh na hmu aw h han.

<sup>30</sup> Nangmouh ni hmalae tueng daw k, rucatnae na khang aw h toteh, hete hnonaw puenghoi na kâhmo aw h navah, nangmae BAWIPA Cathut koe lah bout na ban aw h teh, lawk na tarawi aw h pawiteh,

<sup>31</sup> nangmae Cathut teh pahrennae ka tawn e lah ao dawkvah, nangmanaw na pahnawt aw h mahoe h, na raphoe aw h mahoe h, lawk a kam e pahnim mahoe h.

### *BAWIPA dueng doeh Cathut*

<sup>32</sup> Cathut ni talai daw k tami sak kamtawng hoi nangmouh na o hoe hnahlan kaloum tangcoung e atueng daw k e hnonaw pueng hah, kalvan apoutnae koehoi avanglah apoutnae koe totouh pacei aw h. Hettelah e kalenpounge hno kaawm boi na ou. Het patetlah e hno kamthang thai boi aw h na ou.

<sup>33</sup> Cathut ni hmai thung hoi a dei e lawk nangmouh ni na thai aw h e patetlah alouke miphun ni a thai teh hloutnae a coe aw h boi na ou.

<sup>34</sup> Nangmae BAWIPA Cathut ni, Izip ram nangmae hmalah a sak e patetlah mitnout panuenae hoi, kângairu hnonaw a saknae, kâtuknae a phasaknae, thaonae kut dâwnae, taki ka tho e vision a sak e lahoi, alouke cathut ni a cei teh, miphun buet touh koehoi buet touh ama hanelah ouk a la boi ou.

<sup>35</sup> BAWIPA Cathut lah a onae hai thoseh, BAWIPA hoeh laipalah teh alouke cathut a ohoehnae hai thoseh, nangmouh na panue sak hanelah, hotnaw hah nangmouh koe a kamnue sak.

<sup>36</sup> Nangmouh na cangkhai awh teh, kalvan hoi lawk na thaisak toe. Talai van vah kalenpounge hmai hai na hmu sak teh, hmai thung hoi lawk hah na thai awh toe.

<sup>37</sup> Nangmae mintoenaw ka pahren dawkvah, a catoun hah ka rawi toe.

<sup>38</sup> Nangmouh hlak a tha a sai awh vaiteh, kapap poug e miphunnaw nangmae hmalah hoi ka pâlei teh, sahnin e boiboe lah, a ram dawk a phakhai vaiteh, râw coe sak hanelah, hnotithainae lahoi, Izip ram lahoi na hmalah a hrawi toe.

<sup>39</sup> Hatdawkvah, BAWIPA Cathut teh lathueng lae kalvan hoi rahim lae talai van hai thoseh, Cathut lah ao teh, alouke cathut awm hoeh tie hah, sahnin panuek awh, na lung thung pâkuem awh.

<sup>40</sup> Nangmouh hoi na catounnaw ni khosak ahawi nahan, nangmae BAWIPA Cathut ni na poe e ram dawk, hringsaw nahan thoseh, sahnin kai ni lawk na thui awh e kâpoelawknaw hah, na tarawi awh han telah Mosi ni a dei.

### *Kânguenaë khonaw*

<sup>41</sup> Hatnavah, imri hah taran laipalah, ka thet payon e tami teh,

<sup>42</sup> a yawng vaiteh, a hring hlout nahanelah Jordan palang kanîtholah khopui 3 touh Mosi ni a ta pouh.

<sup>43</sup> Hete khopuinaw e min teh, Reuben mipun onae kahrawng, Bezer khopui, Gad mipun onae, Gilead ram dawk Ramoth khopui, Manasseh mipun onae Bashan ram Golan khopuinaw doeh.

*Kâlawk bout a dei pouh*

<sup>44</sup> Hete kâlawk teh Mosi ni Isarelnaw koe a poe e lah ao.

<sup>45</sup> Ahnimouh ni Izip ram hoi a tâco awh hnukkhu, Heshbon khopui kaawm e, Amor siangpahrang Sihon e ram thung, Jordan tui kanîtholah, Bethpeor khopui dawk kaawm e tanghling dawk Mosi ni a dei e phunglawknaw hoi lawkcengnaenaw doeh.

<sup>46</sup> Mosi hoi Isarelnaw teh Izip ram hoi a tâco awh hnukkhu hote siangpahrang hoi,

<sup>47</sup> Bashan siangpahrang Og tie Jordan tui namran lah kanîtholah, kaawm e Amon siangpahrang 2 touh a thei teh,

<sup>48</sup> Ahnimae ram hah Arnon tui teng kaawm e Aroer khopui, Hermon mon tie Zion mon totouh thoseh,

<sup>49</sup> Jordan tui kanîtho hoi, kâkuen e talîpui teng, Arabah Pisgah totouh a lawp awh.

**5***Kâlawk Hra touh*

<sup>1</sup> Mosi ni Isarelnaw a pâkhueng teh, Isarelnaw thai awh haw, na kamtu awh e kâhruetcueth lahoi na hringkhai thai awh nahan, sahnin ka dei e phunglawk hah kahawicalah thai awh haw.

<sup>2</sup> Maimae BAWIPA Cathut ni Horeb mon dawm maimouh hoi, lawk a kam awh toe.

<sup>3</sup> Hote lawkkam hah Cathut ni maimae mintoenaw hoi dueng a sak e tho hoe, sahnin kahring rah niteh, hi kaawm e maimouh puenghoi hai sak e lah ao.

<sup>4</sup> BAWIPA ni mon dawkvah hmai thung hoi, minhmai kadangka lah a dei toe.

<sup>5</sup> Hatnavah nangmouh ni hmai na taki awh teh, mon dawk na luen ngam awh hoeh dawkvah, kai teh BAWIPA Cathut e lawk na poe e hah dei hanelah BAWIPA hoi nangmae rahak ka kangdue.

<sup>6</sup> A dei e lawk hateh, nangmouh san lah na onae Izip ram hoi na ka tâcawtkhai e nangmae BAWIPA Cathut doeh.

<sup>7</sup> Kai hloilah Cathut alouke na bawk mahoe.

<sup>8</sup> Kalvan hai thoseh, talai dawk hai thoseh, talai thung tui thung hai thoseh, kaawm e hoi kâvan e meikaphawk banghai namamouh han lah na sak awh mahoe.

<sup>9</sup> A hmalah tabo laihoi bawk hanh. Bangkongtetpawiteh, nangmae Cathut, Kai teh dipmasin Cathut, kai na kamaithoenaw e catoun, se thum se pali totouh a napanaw e yon hah a canaw dawk ka pathung e Cathut,

<sup>10</sup> Kai hah lungpataw niteh, kaie kâpoelawka ka tarawi e a catounnaw koe a thongsang totouh pahrennae kamnuek sak e Cathut lah ka o.

<sup>11</sup> Na BAWIPA Cathut e min hah laithoe koe lah na deirumram mahoe. Bangkongtetpawiteh, a min laithoe lah dei e yon a tawn telah BAWIPA ni a panue.

<sup>12</sup> Na BAWIPA Cathut ni lawk na thui e patetlah Sabbath hnin thoungsak hanelah ya awh.

<sup>13</sup> Hnin taruk touh thung thaw na tawk han.

<sup>14</sup> A hnin sari hnin teh BAWIPA Cathut e Sabbath hnin doeh, hote hnin dawk nama hoi na canaw, san napui, san tongpa, maito, la, na saring pueng, na imyin hai thaw tawk mahoe.

Longkha thung duem na o e patetlah san napui san tongpanaw ni duem ao aw hah.

<sup>15</sup> Nang teh Izip ram san lah na onae thoseh, na BAWIPA Cathut ni a thaonae kut a dâw teh, hote ram hoi nang na tâcokhai e pouk haw. Hote a kong daw k nang ni Sabbath hnin na ya han telah BAWIPA Cathut ni a dei.

<sup>16</sup> BAWIPA Cathut ni na poe e ram dawkvah, na hring a saw teh na yawhawi nahanelah, BAWIPA Cathut ni lawk na thui e patetlah na manu hoi na pa barilawa.

<sup>17</sup> Tami thet hanh.

<sup>18</sup> Uicuk hanh.

<sup>19</sup> Ayâ e hno parawt hanh.

<sup>20</sup> Na Imri koe, kahmanhoeh e kapanuekkhaikung lah awm hanh.

<sup>21</sup> Na imri e a yu lungraduek hanh. Na imri e im, law, a san napui, a san tongpa, la, maito, hoi hnopai pueng buet touh boehai noenae lungthin tawn hanh telah a ti.

<sup>22</sup> Hete lawknaw heh mon daw k hoi, hmai tâmai duk kamthim e kahmot e a thung hoi BAWIPA ni puenghoi kacaipoung lawk hoi nangmouh kamkhueng e rangpuinaw koe a dei. Rek bout dei hoeh toe. Hote lawknaw haiyah lungphen kahni touh daw k a thut teh kai koe na poe.

<sup>23</sup> Nangmouh ni hmo na thung e lawk na thai aw hah teh, Monsom hmai a kak lahun nah, nangmae catounnaw daw k e khobawinaw hoi kacuenaw kai koe a tho aw hah teh,

<sup>24</sup> maimae BAWIPA Cathut ni a bawilenna hoi a lentoenae maimouh koe a kamnue sak toe. Hmai thung hoi lawk hah maimouh ni thai aw hah

toe. Cathut teh tami hoi a kâhmo teh a kâpato eiteh, tami teh a hring rah tie panue aw h toe.

<sup>25</sup> Maimouh teh bangkongmaw atu due aw h han vaw. Hete taki ka tho poung hmai ni maimouh teh na kak aw h han toe. Maimae BAWIPA Cathut e lawk dei e hah bout thai aw h pawiteh, due aw h han doeh toe.

<sup>26</sup> Ka hring Cathut ni hmai thung hoi a dei e lawk hah, maimouh ni thai aw h e patetlah, apipatet e tami ni maw ka thai ni teh ka hring vaw.

<sup>27</sup> Nang ni a tengpam cet nateh maimae BAWIPA Cathut ni a dei e pueng thai aw h haw. Maimae BAWIPA Cathut ni kai koe na dei pouh e pueng patuen dei pouh haw. Kaimouh ni ka thai aw h vaiteh ka tarawi aw h han.

<sup>28</sup> Hottelah nangmouh ni kai koe na dei aw h e lawk BAWIPA ni a thai. BAWIPA Cathut nihai, hete miphun ni nang koe a dei e lawk ka thai, a dei e lawk pueng teh ahawi.

<sup>29</sup> Ahnimouh hoi a catounnaw ni ahawinae a hmu nahanelah, kai na taki aw h teh kâpoelawknaw pueng hah pou a tarawi ngainae lungthin hoi kawi aw h naseh.

<sup>30</sup> Rimnaw koe lah bout ban a leih telah dei pouh.

<sup>31</sup> Nang teh hete hmuen daw k ka teng kangd-out. Ahnimouh kai ni ka coe sak e ram daw k a sak aw h hane ahnimouh cangkhai hane kâpoelaw k, phunglaw k hoi lawkcengnae pueng ka dei han telah a ti.

<sup>32</sup> Hatdawkvah maimae BAWIPA Cathut ni kâ na poe e patetlah nangmouh ni na sak aw h nahan, na kâhruetcu et aw h han. Avoilah

nakunghai, aranglah nakunghai na phen takhai awh mahoeh.

<sup>33</sup> Nangmouh na coe awh hane ram dawк, nangmouh ni duethinae dawк hoi na hlout awh vaiteh, hringyung saw nahanelah, nangmae BAWIPA Cathut ni a dei e lamthungnaw pueng dawк na dawn awh han.

## 6

### *Kalenpounge Kâlawk*

<sup>1</sup> Nangmouh hoi na mincanaw ni namamae BAWIPA Cathut hah na taki awh vaiteh,

<sup>2</sup> Kai ni na poe e naw, pueng hah hringyung thung na tarawi thai e hoi, na hringyung a vang sak thai nahan na cei awh vaiteh, na coe hane ram dawк, na sak awh hane kai ni na cangkhai hanlah, nangmae Cathut ni lawк na poe e kâpoelawknaw, phunglawknaw hoi lawкcengnaenaw hateh,

<sup>3</sup> Oe Isarel miphun, mintoenaw e Cathut e lawкkam patetlah nang ni sanu tui, khoitui a lawngnae ram dawк na yawhawi awh teh, na pungdaw awh nahan thai awh, kâhruetcuethoi tarawi awh.

<sup>4</sup> Oe Isarel miphun thai awh haw, maimae BAWIPA Cathut teh buet touh dueng e BAWIPA la doeh ao.

<sup>5</sup> Nange BAWIPA Cathut hah, na lungthin abuemlah, na hringnae abuemlah hoi thaonae abuemlahoi lungpataw haw.

<sup>6</sup> Sahnin kai ni na poe e lawк hah na lung dawк na pâkuem han.



<sup>7</sup> Hote lawk hah panki lahoi na canaw na cangkhai han. Im dawk tahung nahai thoseh, cei nahai thoseh, i nahai thoseh, thaw nahai thoseh, hote lawk hah na dei pouh awh han.

<sup>8</sup> Hote lawk hai na kut dawk mitnout nahanelah thoseh, na mit rahak hai thoseh na bet han.

<sup>9</sup> Im takhang, khopui longkha dawk hai na thut han.

<sup>10</sup> Na kangdue sak hoeh e khopuinaw hai thoseh, hnokahawi hoi kakawi e imnaw hai thoseh,

<sup>11</sup> tuikhu na tai hoeh e hai thoseh, na patue hoeh e misur takha hoi olivekungnaw hai thoseh, nang na poe hanelah na pa Abraham, Isak, Jakop, koe lawkkam e ram koe nangmae BAWIPA Cathut ni na hrawi awh vaiteh kaboumcalah na ca awh han.

<sup>12</sup> San lah na onae Izip ram lahoi nangmouh na ka tâcawtkhai e BAWIPA Cathut na pahnim awh hoeh nahan, namamouh kâhruetcueth awh.

<sup>13</sup> Na BAWIPA Cathut hah na taki awh han. Hote Cathut dueng na bawk awh han. A min lahoi thoe hai na kâbo awh hanh.

<sup>14</sup> Alouke Cathut, na tengpam e mipunnaw e cathut hnuk na kâbang awh mahoe.

<sup>15</sup> Nangmae Cathut teh nangmouh dawk dipma Cathut doeh. Nangmae BAWIPA Cathut teh nangmouh koe a lungkhuek vaiteh, talai van hoi na raphoe han tie taki hane ao.

<sup>16</sup> Nangmouh ni Massah hmuen dawk na tanouk e patetlah na BAWIPA Cathut hah tanouk awh hanh.

<sup>17</sup> BAWIPA Cathut ni na hruek pouh awh

e kapanuekkhaikung, lawkkam, kâpoelawknaw hah panki lahoi na tarawi awh han.

18 Nang na hlout nahanelah,

19 BAWIPA Cathut e a lawkkam patetlah taranaw pueng, nangmae hmalah hoi ka pâlei vaiteh, nangmae na mintoenaw koe ka kam e ram hah na coe awh vaiteh, na o sak nahan, BAWIPA Cathut hmalah kalan e hno sak awh.

20 Hmalae tueng dawк na canaw ni, kaimae Cathut ni na poe e lawkpanuesaknae, phunglawknaw hoi lawkcengnaenaw hah bangmaw a deingai telah na pacei awh pawiteh,

21 Nang ni kaimanaw Izip ram dawк Faro siangpahrang e san lah ka o awh nah BAWIPA e a thaonae kut hoi kaimanaw hah Izip ram hoi na tâcokhai awh.

22 BAWIPA nihai, lentoe kângairunae hah Izip ram hoi Faro imthungkhu lathueng hai thoseh, maimae hmaitung a sak hnukkhu,

23 Mintoenaw koe a kam e ram dawк na kâenkhai teh hmuen na poe hanelah hote ram dawк hoi na tâcokhai awh.

24 BAWIPA ni sahnin totouh na lungma e patetlah hringnae na hlung pouh nahanelah, maimouh hawi nahanlah hete phunglawknaw pueng tarawi han. BAWIPA Cathut taki hanelah lawк na thui awh.

25 Hatdawkvah, maimae BAWIPA ni kâ na poe e patetlah, hete kâpoelawknaw pueng a hmalah tarawi nahanelah, na kâhruetcuеt pawiteh, lan-nae koe na pha awh han telah, bout na dei awh han.

## 7

*Kanaannaw e kutsak na bawk mahoe*

<sup>1</sup> Nange BAWIPA Cathut ni na coe awh hane ram dawk na kâenkhai awh vaiteh, Hit, Girgashite tami, Amor tami, Kanaan tami, Parizzite tami, Hiv tami, Jubusitnaw nangmouh hlak kalen ka rasang e miphun 7 touh hah a pâlei teh,

<sup>2</sup> nangmae kut dawk bout na poe awh navah, na thei awh vaiteh capingkacailah na raphoe awh han, ahnimouh hoi lawkkamnae na sak awh mahoe, na lungma awh mahoe.

<sup>3</sup> Ahnimouh hoi yuvâ lah na awm awh mahoe, na canu hoi na capa, a capa hoi na canu na kâyuva sak mahoe.

<sup>4</sup> Bangkongtetpawiteh, ahnimouh ni na ca hah kai koe thokhai laipalah, alouke cathut bawk hanelah a pasawt awh han. Hatnavah BAWIPA lungkhueknae hoi nangmouh tang na raphoe avai.

<sup>5</sup> Hatdawkvah, ahnimouh dawk bangtelamaw ka sak han, ahnimae thuengnae pueng ka raphoe han, kutsak pueng ka raphoe han. Asherakhung-naw ka tâtueng han. Thuk e meeikaphawk pueng hmai ka pau pouh han.

*BAWIPA hanelah kathounge miphun*

<sup>6</sup> Bangkongtetpawiteh, nang teh BAWIPA Cathut hanelah kathounge miphun doeh. Talai van kaawm e miphun hlak nange BAWIPA Cathut ni coe kamcu e miphun lah o sak nahan nang teh na rawi toe.

<sup>7</sup> Nang teh alouke miphun hlak hoe na pap dawkvah, BAWIPA Cathut ni na lungpatawnae

dawk na rawi e tho hoeh, nang teh Jentelnaw hlak hoe na youn.

<sup>8</sup> BAWIPA Cathut ni nang na lungma dawk thoseh, na mintoenaw koe lawkkam ka raphoe han ka ngai hoeh dawk thoseh, san lah na onae Izip ram ka uk e Faro siangpahrang kut dawk hoi thaonae kut hoi nangmouh na tâcokhai awh toe.

<sup>9</sup> Hatdawkvah, nangmae BAWIPA Cathut teh Cathut katang, yuemkamcu e Cathut, Bawipa ka lungpataw ni teh phunglawk katarawinaw e se a thongsang totouh lawkkam acak teh pahrennae kamnuek e Cathut,

<sup>10</sup> BAWIPA kamaithoenaw raphoe hanelah, amamouh hmalah yon pathung e Cathut tie hah panuek awh. BAWIPA kamaithoenaw minhmai khien laipalah, amamae hmaitung yon moi a pathung han.

<sup>11</sup> Hatdawkvah, sahnin na poe e phunglawknaw hoi kâpoelawknaw hoi lawkcengnaenaw hah na tarawi awh han.

### *Lawkngai yawhawinae*

<sup>12</sup> Hote lawkcengnaenaw nang ni na tarawi hanelah, lawk na ngâi pawiteh, na BAWIPA Cathut ni na mintoenaw hanlah lawk a kam e lawkkam hoi lungmanae hah nangmae lathueng a kangning sak han.

<sup>13</sup> Ahni ni nang hah na lungpataw vaiteh, yawhawinae na poe han, na pungdaw sak han. Na poe hane na mintoenaw koe lawkkam e ram dawk, na khe e na canaw hai thoseh, nange talai, a pawhik, cang, misurtui, satui, maito a

pungdaw, tuhunaw hai thoseh yawhawî ka poe han.

<sup>14</sup> Nang teh miphun pueng hlak yawhawinae hoe ka coe e lah na o vaiteh, nang dawk ka ting e tongpa napui buet touh hai awm mahoe. Saringnaw dawk ka ting e tongpa napui buet touh hai awm mahoe.

<sup>15</sup> Cathut nihai, patawpanat pueng nang koehoi ka takhoe vaiteh, na panue e Izip ram e pataw kathoutnaw nang dawk ka phat sak mahoe. Nang ka maithoe e naw koe ka pha sak han.

<sup>16</sup> Nange BAWIPA Cathut ni nang dawk na poe e miphun pueng a raphoe han. Na mit ni ahnimanaw na pahren mahoe. Ahnimae cathut na bawk mahoe. Na bawk pawiteh, na kamthui na rawp nahanelah ao han.

<sup>17</sup> Na lung thung hoi hete miphunnaw heh maimouh hlak hoe apaphnawn, bangtelamaw pâlei thai aw h han na tet aw pawiteh,

<sup>18</sup> ahnimouh taket hanh, BAWIPA Cathut ni Faro hoi Izip tami pueng koe a sak e hah pahnim hanh aw h,

<sup>19</sup> Tanouknae kalenpoung na mit hoi na hmu e naw hai thoseh, na BAWIPA Cathut ni na tâcokhai navah na patue e mitnoutnaw hai thoseh, thaonae kut a dâw e hai thoseh, kheikhei na pouk aw h han. Hot patetvanlah, nang ni na takî e miphunnaw koe nange BAWIPA Cathut ni a sak han.

<sup>20</sup> Hothloilah, ka cawi rah niteh, kâhrawknaw a due hoehroukrak nangmae BAWIPA Cathut ni, khoingannaw ahnimouh koe a patoun han.

<sup>21</sup> Ahnimouh kecu dawk na lungpuen aw h

hanh. Bangkongtetpawiteh, takikathopounge nangmae BAWIPA Cathut teh nangmouh koe ao.

<sup>22</sup> Nangmae BAWIPA Cathut ni hote miphunaw teh paiyai lahoi nangmouh koehoi na pâlei pouh han. Kahrawng e sarangnaw nangmouh koe lah pung langvaih tie puen han ao teh, ahnimouh tang pâlei kawi nahoe.

<sup>23</sup> Hatnavah Cathut ni ahnimouh nangmouh koe na poe vaiteh, koug a rawk totouh kalenpounge rawknae ka pha sak han.

<sup>24</sup> Ahnimae Siangpahrangnaw hai nangmae kut dawk na poe vaiteh, ahnimae min taluenae kalvan rahim vah raphoe han. Ahnimouh ka raphoe hoehroukrak nangmae hmalah apihai kang dout thai e awm mahoe.

<sup>25</sup> A sak e meikaphawknaw pueng hmai pau pouh han. Kutsak dawk kaawm e sui ngun na noe mahoe, na lat mahoe, na lat pawiteh yon lah ao hane ngaihri kawi ao. Nangmae BAWIPA Cathut ni a panuet.

<sup>26</sup> Panuet kawi na im dawk thokhai hanh, na thokhai pawiteh, nang teh hot patetlah thoebo han kawi lah doeh na o tie taki ao. Hot patet e hno hah nang ni khoeroe na panuet han, thoebo kawi e hno doeh.

## 8

### *Na Cathut hah pahnim hanh*

<sup>1</sup> Nang teh na hring vaiteh na pungdaw nahan BAWIPA Cathut ni na mintoenaw koe kam pouh e ram dawk na cei vaiteh, na coe nahanelah, sahnin kai ni lawk na poe e kâpoelawk pueng na tarawi nahanlah na kâhruetcuethan.

<sup>2</sup> Nange BAWIPA Cathut ni kâpoelawk tarawi ngainae lung na tawn hoi tawn hoeh e na tanouk awh teh, ka loum tangcoung kum 40 touh thung kahrawngum vah na hrawinae naw hah na pahnim awh mahoeh.

<sup>3</sup> Hottelah na lungthin rahnoum awh teh, kahaikahlam lah na o sak navah, na panue e nahoeh, na mintoenaw ni panue boihoeh e manna hoi na kawc awh teh, tami teh vaiyei hoi dueng hring hoeh, BAWIPA e lawk lahoi doeh hring tie a panue sak.

<sup>4</sup> Kum 40 touh thung hnicu hai pawn hoeh na khok hai phing hoeh.

<sup>5</sup> A na pa ni a ca a toun e patetlah na BAWIPA Cathut ni na toun tie na lung hoi na pouk han.

<sup>6</sup> Hatdawkvah, a lamthung na dawn teh BAWIPA taki lahoi kâpoelawknaw na tarawi han.

<sup>7</sup> Bangkongtetpawiteh, na BAWIPA Cathut ni kahawi e ram, tanghling, mon dawc hoi ka phuek e tuipui, sokca, tuihnu, tuiim hoi ka kawc e ram,

<sup>8</sup> catun, barli, misurkung, thaibunglungkung-naw, talekung, hoi ka kawc e ram, olive satui, khoitui hoi ka kawc e ram,

<sup>9</sup> voutnae awm laipalah, ka boum lah canae ram, sumtalung hoi a kawc teh, mon dawc hoi rahum tainae ram koe nangmouh hah na hrawi awh.

<sup>10</sup> Kahawi poung e ram na poe awh dawkvah, kaboumcalah na ca awh toteh, na BAWIPA Cathut e a lungmanae na pholen awh han.

<sup>11</sup> Sahnin kai ni na poe e kâpoelawknaw, phunglawknaw, hoi lawkcengnaenaw tarawi-

hoehnae lahoi Cathut na pahnim aw h hoeh nahanlah sahnin kai ni kâ na poe aw h.

<sup>12</sup> Ka boum lah na ca teh im kahawi daw k na o navah,

<sup>13</sup> nangmae tu, maito, sui, ngun hoi hnopai naw apung toteh,

<sup>14</sup> na kâoup teh, yampa vah santoungnae Izip ram hoi na ka tâcawtkhai e,

<sup>15</sup> hmai tahr un, aikamnaw apap teh, tui kahran ti ohoehnae hmuen, takikathopoung kahrawngum daw k na ka hrawi niteh, hmai talung thung hoi tui ka tâcaw t sak e,

<sup>16</sup> nang hah na tanouk teh, a hnukteng na pahren nahanelah, na mintoenaw ni panue boi-hoeh e mana hoi kahrawngum na kakawkkung nange BAWIPA Cathut hah na pahnim aw h teh,

<sup>17</sup> Ka Bahu, ka thaonae kut hoi hete hno kai ni ka tawn toe telah na lungthung hoi na pouk hoeh nahan kâhruetcu et aw h.

<sup>18</sup> Na BAWIPA Cathut duengdoeh na pouk han, Bangkoktetpawiteh, na mintoenaw kam pouh e lawkkam hah, sahnin e patetlah caksak nahanelah, hnopai hmuthainae na kapoekung teh Cathut doeh.

<sup>19</sup> Na BAWIPA Cathut na pahnim aw h teh, alouke cathutnaw na hnai aw h teh na baw k aw h pawiteh, rawknae daw k na pha katang aw h han. Sahnin kai teh nangmouh koe kapanuekkhaikung lah ka o.

<sup>20</sup> Na BAWIPA Cathut e lawk hah na ngâi aw h hoeh dawkvah Jentelnaw nangmae na hmalah ka raphoe e patetlah nangmouh hai na raphoe aw h han.



## 9

*Kanaan ram e miphunnaw BAWIPA ni a raphoe*

<sup>1</sup> Oe Isarelnaw thai aw haw. Nangmouh hlak a thakasai e miphun hai thoseh, kalvan kadeng e rapan hoi ka kawi e khopuinaw hai thoseh,

<sup>2</sup> Anakim miphun hmalah bangtelah vai kangdue thai tie lawk na thai teh, na panue e Anakim miphun tie kalenpounge miphun hai thoseh, tuk nateh lawp hanelah atu Jordan tui raka tawmlei toe.

<sup>3</sup> Hatdawkvah, na BAWIPA Cathut ni na hmalah a cei teh, ka kang e hmai patetlah ao teh, ahnimouh a raphoe vaiteh, na hmaitung vah, a tabo han tie hah na lungkuep aw h. Cathut ni a dei e patetlah nang ni ahnimouh na pâlei aw h vaiteh karang poung lah na raphoe aw h han.

<sup>4</sup> BAWIPA na Cathut ni ahnimouh nang koehoi a pâlei hnukkhu, nang ni kaie lannae dawk doeh BAWIPA ni hete ram ka kut dawk na poe telah na pouk payon vaih. Hote miphunnaw hawihoe h e dawk BAWIPA ni ka hmaitung hoi a pâlei telah pouk aw h.

<sup>5</sup> Na sak aw h e hnokahawi dawk hai thoseh, lannae dawk hoi hai thoseh, hote ram a coe aw h hane nahoe h. Hete miphunnaw hawihoe h dawk hoi thoseh, BAWIPA ni na pa Abraham, Isak, Jakop koe lawkkam e lawk hah, a caksak nahan na Cathut ni ahnimouh na hmalah hoi a pâlei e doeh.

<sup>6</sup> Hatdawkvah, na BAWIPA ni nama e na hawinae dawk hoi, kahawipoung e ram na poe

e nahoeh, nang teh na lahuen ka cak e miphun doeh.

<sup>7</sup> Nang ni kahrawngum vah BAWIPA lung na khuek sak e hah, pahnim hanh. Izip ram hoi na tâco pasuek nah, hete hmuen koe na pha a totouh, BAWIPA koe taran lah na thaw awh.

<sup>8</sup> Horeb vah BAWIPA a lung na khuek sak awh teh, nangmouh raphoe hane totouh, BAWIPA hah a lungkhuek.

<sup>9</sup> BAWIPA hoi lawkkamnae thutnae talung, lungphen la hanelah, mon lah ka luen navah, hnin 40 touh thung vaiyei hoi tui ka catnet laipalah, mon vah ka o.

<sup>10</sup> BAWIPA Cathut ni lungphen kahni touh Cathut e kut hoi thut e na poe. Na kamkhueng hnin vah, mon som hmai dawk hoi a dei e lawknaw ao.

<sup>11</sup> Ahnin 40 arum 40 akupe navah hote lawkkam lungphen kahni touh e teh, BAWIPA Cathut ni kai koe na poe.

<sup>12</sup> Hahoi BAWIPA ni Thaw nateh karang cathuk leih. Izip ram hoi na tâcokhai e taminaw a rawk awh toe, tarawi hane ka poe e lamthung a phen awh toe. Kutsak meikapawk doeh a bawk awh toe.

### *Suimaitoca*

<sup>13</sup> BAWIPA ni, hete miphunnaw ka khet nah, a lahuen mangkhak e miphunnaw doeh.

<sup>14</sup> Ka madueng na awm sak awh. Ahnimouh kai ni ka raphoe han. A min hai kalvan rahim vah ka raphoe han. Nang teh ahnimouh hlak tha na sai sak vaiteh, miphun ka pungdaw sak han telah a ti.

<sup>15</sup> Hatnavah lawkkam talung kahni touh ka sin teh, ka kamlang teh hmai ka kang e mon dawkhoi ka kum.

<sup>16</sup> Nangmouh ni, BAWIPA Cathut koe na yon awh teh, maito meikaphawk hlun awh teh, Cathut ni lawk na poe e lamthung karang poung lah, na phen awh toe tie ka hmu navah,

<sup>17</sup> Kut roi hoi ka patuep e lungphen, kahni touh e hah nangmae hmaitung vah ka raphei.

<sup>18</sup> Nangmouh ni, BAWIPA lung na khuek sak nahanelah, a hmalah yonnae na sak awh e yon pueng dawkvah, yampa e patetlah BAWIPA hmalah ka tabo teh, hnin 40 rum 40 touh vaiyei hoi tui catnet laipalah ka o.

<sup>19</sup> Bangkongtetpawiteh, BAWIPA ni nangmouh na raphoe hanlah, puenghoi lungkhueknae a tâco sak e kai ni ka taki. Hatnavah BAWIPA ni kaie ka lawk bout na thai pouh.

<sup>20</sup> BAWIPA ni Aron raphoe hanelah a lung puenghoi a khuek dawkvah, Aron hane lahai ka ratoum.

<sup>21</sup> Yonnae tie na sak awh e maitoca hah ka la teh, a tui lah kalawng sak. A kanuikapin lah rekrek ka kanawi teh, mon dawkhoi ka lawng e palang dawkhoi ka tâkhawng.

<sup>22</sup> Taberah, Messah hmuen, Kiborthhattaavah hmuen koe hai, nangmouh ni BAWIPA hah a lungkhuek nahanlah na sak awh.

<sup>23</sup> Kadeshbarnea hoi BAWIPA ni cet awh nateh, kai ni na poe e ram hah lat awh. Nangmouh na patoun awh navah, nangmouh ni nangmae BAWIPA e kê poe e na kangek awh. BAWIPA na yuem awh hoeh, lawk hai ngâi laipalah na o awh.

<sup>24</sup> Ka panue hnin hoi nangmouh teh BAWIPA hah na taran aw h toe.

<sup>25</sup> BAWIPA ni nangmouh na raphoe han telah a dei dawkvah, kai teh yampa e patetlah hnin 40 rum 40 touh ka tabo.

<sup>26</sup> BAWIPA koe, Oe Bawipa Jehovah, lentoenae hoi na ratang teh, thaonae kut hoi Izip hoi na tâcokhai e, nange râw lah kaawm e hete taminaw hah raphoe hanh loe.

<sup>27</sup> Nange san Abraham, Isak, Jakop hah pahnim hanh. Hete miphunnaw teh a lungpatanae, a yonnae hoi a hawihoehnae pâkuem pouh hanh.

<sup>28</sup> Hottelah hoeh pawiteh, tâconae ram daw k e taminaw ni, Cathut ni a kam pouh e ram daw k, a thokhai thai hoeh dawkvah, a hmu ngaihoeh daw k na ou, kahrawngum thei hanelah a ngai daw k na ou ati han nahoehmaw.

<sup>29</sup> Hetnaw teh lentoenae hoi, na kut na dâw teh, na tâcokhai e nange râwnaw doeh telah kai ni ka ratoum.

## 10

### *Kâlawk talung apâhni e*

<sup>1</sup> Hat navah, Cathut ni ahmaloe e talung kahni touh e patetlah talung kahni touh bout bo e, kai ka onae koe takhang loe, thingkong hai sak loe.

<sup>2</sup> Na raphei e hmaloe e talung daw k thut e lawk patetlah apâhni e talung daw k bout ka thut han rak, hote talung teh thingkong thung na hruek han ati.

<sup>3</sup> Kai ni Anri thing e thingkong ka sak teh ahmaloe e talung patetlah talung kahni touh ka bo teh, hote talung ka sin teh mon lah ka luen.

<sup>4</sup> Na kamkhueng awh hnin vah, BAWIPA ni mon vah hmai thung hoi a dei e kâpoelawk 10 touh hah, ahmaloe e ca thut e patetlah BAWIPA ni a thut teh kai hah na poe.

<sup>5</sup> Ka kamlang teh mon hoi ka kum. Ka sak tangcoung e thingkong thung hote lungphen ka hrueh teh, BAWIPA ni dei e patetlah hote thingkong thung vah atu ao.

<sup>6</sup> Mon dawkvah yampa ka onae tueng patetlah hnin 40 rum 40 touh bout ka o teh, hat nahai BAWIPA ni nangmouh raphoe hoeh nahan kaie ka lawk hah a thai.

<sup>7</sup> BAWIPA ni, thaw haw, hete miphunnaw koe poe hanelah, na mintoenaw koe lawkkamnae ram koe lah a cei awh vaiteh, a lawp awh nahan ahnimae hmalah cet telah ati.

<sup>8</sup> Isarelnaw teh Moserah hmuen koehoi a cei awh teh, Bennejaakan hmuen dawk a roe awh.

<sup>9</sup> Hote hmuen koehoi a kamthaw awh teh, Horakeikat hmuen koe a roe awh. Hote hmuen koehoi bout a kamthaw awh teh, sawkca tui apapnae koe Jotbathah hmuen koe a roe awh. Haw hoi bout a cei awh teh, Eziongeber hmuen koe a roe awh. Hote hmuen koehoi a cei awh teh, Zinahtokadesh hmuen koe a roe awh. Hote hmuen koehoi bout a cei awh teh, Moserah mon dawk a roe awh. Hote hmuen koe Aron a due teh a pakawp awh. A capa Eleazar ni a na pa yueng lah a tawk.

<sup>10</sup> Levih miphunnaw teh Cathut lawkkam thingkong a hrawm sak hanelah thoseh, a hmalah kangdue vaiteh a thaw tawk sak hanelah thoseh, a kâtawnnae hoi yawhawinae poe sak hanlah thoseh, sahnin totouh ahnimae lah ao.

<sup>11</sup> Hatdawkvah, Levih miphunaw teh a hmau-nawnganaw hoi ham reirei coe aw h mahoe h. Râw hah coe aw h mahoe h. Na BAWIPA Cathut ni lawk na kam pouh e patetlah BAWIPA teh a coe aw h hane râw la doeh ao.

*Na lungthin vuensomanae*

<sup>12</sup> Oe Isarel, BAWIPA na Cathut taket haw, a lamthung dawnnae, na BAWIPA Cathut hah na lungthin abuemlahoi, na hringnae abuem lahoi lungpataw nateh a thaw tawknae,

<sup>13</sup> na hawi nahanlah sahnin ka dei e BAWIPA e phunglawk tarawinae hoeh laipalah teh na BAWIPA ni bang thaw mouh a hei va.

<sup>14</sup> Kalvan hoi kalvannaw hai thoseh, talai hoi talai hno pueng hai thoseh, na BAWIPA ni a tawn e doeh.

<sup>15</sup> Hatnavah, na BAWIPA ni na mintoenaw hah a lungpataw teh, sahnin e patetlah ahnimouh miphun lah kaawm e nang hah alouke miphunaw hlak na rawi e lah ao.

<sup>16</sup> Hatdawkvah, na lungthin vuensoma haw. Na lung bout patak sak hanh.

<sup>17</sup> Bangkongtetpawiteh, na Cathut teh cathut-naw e Cathut, bawipanaw e BAWIPA, kalen-pounge Cathut, a thakaawmpounge, taki ka tho e, tami minhmai khen hoeh, tadawng hno hai cat hoeh.

<sup>18</sup> Lahmainu hoi naranaw lawk a ceng teh, imyin a lungpataw teh ca hane hoi khohna hane ka poe e BAWIPA doeh.

<sup>19</sup> Hatdawkvah, imyinnaw hah lungpataw aw h. Bangkongtetpawiteh, nangmouh Izip ram lah Imyin lah ouk na o boi aw h toe.

<sup>20</sup> Nangmae BAWIPA hah na taki aw h vaiteh, a thaw na taw k aw h han. BAWIPA koe na kâhnai aw h han, a min lahoi lawkkamnae sak aw h hanh.

<sup>21</sup> BAWIPA teh na lentoenae na Cathut doeh. Nang ni na mit hoi na hmu e patetlah takikathopounge naw hah ka sak e lah ao toe.

<sup>22</sup> Na mintoenaw teh, Izip ram lah a ceicathuk aw h navah, tami 70 duengdoeh ka phat, atuteh kalvan Âsi patetlah Cathut ni apap sak toe.

## 11

### *BAWIPA lungpataw nateh a thaw taw k*

<sup>1</sup> Hatdawkvah, nang teh na BAWIPA na Cathut lungpataw han, kâ na poe e phunglawk, lawkcengnae hoi kâpoelawknaw hah pou na tarawi han.

<sup>2</sup> Nange BAWIPA ni na toun aw h e hai thoseh, a lentoenae thoseh, a thaonae kut a dâw e thoseh,

<sup>3</sup> mitnoutnae thoseh, Izip ram daw k, Izip siangpahrang, Faro siangpahrang hoi khocanaw koe a sak e hno hai thoseh,

<sup>4</sup> Izip ransanaw lah kaawm e a marang, rangleng lathueng hno a sak e thoseh, nangmouh na ka pâlei e naw hah tuipui paling a ramuk sak teh, sahnin totouh a thei e hai thoseh,

<sup>5</sup> Hete a hmuen koe na pha totouh, kahrawng vah na kâhei aw h navah nangmouh han a sak e hno hai thoseh,

<sup>6</sup> Reuben mip hun Eliab capa Dathan hoi Abiram ti koe ka sak e hno hai thoseh, talai ni a ang teh a imthungkhu abuemlah, a rimnaw, a tawnta e hnopainaw hoi Isarelnaw e rahak vah, a payon

e thoseh, kahmawt awh hoeh e na canaw koe kai ni ka dei hoeh, hotteh namamouh ni panuek awh.

<sup>7</sup> BAWIPA ni a sak e hno kalenpoungnaw pueng hah namamouh roeroe ni na hmu awh toe.

<sup>8</sup> Hatdawkvah nangmouh ni na cei awh vaiteh, na coe a hane ram sanutui hoi khoitui a lawngnae ram.

<sup>9</sup> Na mintoe hoi catounnaw koe poe hane BAWIPA ni lawk a kam e ramnaw dawk, moikasawlah kho na sak a thai nahan, a tu kê na poe e kê lawknaw pueng na tarawi a han.

<sup>10</sup> Nangmouh ni na cei awh teh na coe a hane ram laikawk patetlah cati ka hei teh khok hoi tui awi e ram nangmouh na tâconae Izip ram hoi kê van hoeh.

<sup>11</sup> Nangmouh ni na cei awh teh na coe awh hane ram teh monnaw, tanghlingnaw hoi a kawi vaiteh, kho ratui hah ka net e ram.

<sup>12</sup> BAWIPA cathut ni a khetyawt e kum touh thung a khetyawt e ram doeh.

<sup>13</sup> Nangmae BAWIPA Cathut hah na lungthin abuemlahoi, na hringnae abuem lahoi lungpataw awh. A thaw na tawk awh nahanelah, sahnin kai ni kê na poe e naw kêpoelawknaw hah na tarawi awh pawiteh,

<sup>14</sup> nangmouh teh cakang, misurtui, satuinaw hah na pâkhueng sak nahanelah, ratui kho, a hnukteng e kho hah nangmae ram ka rak sak han.

<sup>15</sup> Kaboumcalah na ca nahan, na saringnaw han remke dawk hram kanaw e ka sai sak han.

<sup>16</sup> Nangmouh teh kahawihoehe koe lah na lungthin na kamlang awh vaiteh, Cathut alouk-



naw na bawk awh hoeh nahan namamouh kâhruetcueth awh.

<sup>17</sup> Hoehpawiteh BAWIPA a lungkhuek vaiteh, khorak laipalah talai dawk a pawhik tâcawt laipalah, kalvan hah a khan han. BAWIPA ni na poe e kahawipoung e ram dawk karangpoung lah na kahmakata awh han.

<sup>18</sup> Hatdawkvah, kai ni ka dei e lawk hah na lung dawk pâkuem nateh, nout nahan na kut dawk nout hanelah na kawm awh vaiteh, na mit rahak e rui patetlah na kawm awh han.

<sup>19</sup> Hote lawk hah nangmouh ni im dawk na tahung nah thoseh, lam na cei nahai thoseh, na i na thaw nahai thoseh na dei awh vaiteh, na canaw hai na cangkhai awh han.

<sup>20</sup> Im takhang dawk hai thoseh, longkha dawk hai thoseh na thut awh han.

<sup>21</sup> Hottelah na sak awh pawiteh, na mintoenaw ka poe hanelah lawk ka kam e ram dawk nangmae hringnae, na canaw hringnae, kalvan hring sawnae patetlah talai van a hring a saw awh han.

<sup>22</sup> Nangmouh teh namamae BAWIPA Cathut hah lungpatawnae hoi a lamthung dawk na dawn awh vaiteh, BAWIPA dawk na kâhnai thai nahan kai ni lawk na poe e hete kâpoelawk pueng hah tawksak hanlah kâhruetcueth lahoi na tarawi awh pawiteh,

<sup>23</sup> BAWIPA ni miphunnaw pueng hah nangmae hmalah hoi be pâlei vaiteh, nangmouh hlak athakaawme kapappoung e miphunnaw hah na uk awh han.

<sup>24</sup> Nangmouh ni na khok hoi na coungroe e pueng namamouh hanlah na la awh vaiteh,

kahrawng hoi kamtawng vaiteh, Lebanon mon totouh Euphrates tuipei hoi kamtawng teh, talîpei totouh thoseh, pou kâbet e talai hah nangmae ram lah ao han.

<sup>25</sup> Nangmae hmalah apihai kangdout thai ma-hoeh. Nangmouh ni na coungroe e hmuen dawkaawm e naw teh, nangmanaw hah na taki awh vaiteh, nangmae BAWIPA Cathut ni, lawk a kam e patetlah a sak han.

<sup>26</sup> Khenhaw! Sahnin vah nangmae hmalah yawhawinae hoi thoebonae ka hruek.

<sup>27</sup> Sahnin ka dei e nangmae BAWIPA Cathut e kâpoelawknaw hah na tarawi awh pawiteh, Yawhawi poenae,

<sup>28</sup> nangmae BAWIPA Cathut e kâpoelawknaw na tarawi laipalah, sahnin lawk na thui e lamthung dawka hoi na phen awh teh, na panue boihoeh e alouke cathut hah na bawka awh pawiteh, thoebo lah na o awh han.

<sup>29</sup> Nangmouh ni na cei awh teh, na coe awh hane ram BAWIPA Cathut ni na kâenkhai awh toteh, yawhawinae teh Gerizim mon dawka na hruek awh vaiteh, thoebonae teh Ebal vah na hruek awh han.

<sup>30</sup> Hote monnaw teh, Jordan tuipei kanîloumlah, Kanaannaw a onae Moreh kathenkungnaw, Gilgal khopui, hoi kâkuen e na ram dawka ao awh nahoehmaw.

<sup>31</sup> Nangmae BAWIPA Cathut ni na poe awh e ram hah na coe awh hanlah, Jordan tuipei namran lah na raka awh vaiteh, hote ram hah na coe awh vaiteh, na o awh han.

<sup>32</sup> Sahnin nangmae hmalah ka hruek e phunglawka hoi lawkcengnae pueng na hringkhai

awh han han.

## 12

### *Cathut ni a rawi e bawknae hmuen*

<sup>1</sup> Nangmouh ni talai dawk na hring nathung na coe awa nahanelah, na mintoenaw ni a bawk awa e BAWIPA Cathut ni na poe e ram dawk na tarawi awa hane phunglawknaw hoi lawkcengnae hateh,

<sup>2</sup> nangmouh ni na uk awa e miphunnaw ni, bawknae monnaw, monruinaw dawk e thingkungnaw rahim kaawm e cathutnaw hai thoseh, bawknae hmuen puenghai thoseh koung na raphoe pouh awa han.

<sup>3</sup> Ahnimae thuengnae khoungroenaw hai na raphoe pouh han. Meikaphawknaw hai na raphoe pouh han. Asherimnaw hai hmai hoi na sawi pouh han. Ahnimae cathut kutsaknaw hah na tâtueng awa han. Hote hmuen dawk hote cathut min na raphoe awa han.

<sup>4</sup> Hot patet lae hnonaw hno lahoi BAWIPA Cathut na bawk awa mahoe.

<sup>5</sup> Hateiteh, BAWIPA Cathut ni na miphun thung hoi a min ao nahanelah, a rawi e hmuen hah na tawng awa vaiteh hote hmuen koe na cei awa han.

<sup>6</sup> Hote hmuen koe nangmouh ni hmaisawi thuengnae naw hoi pung hra pung touh thueng e hno, kahek e hno lawkkamnae hoi kâkuen e thueng e hno, mahmawk sak e thueng e hno hoi maito, hmaloe ka khe e tunaw hah na thokhai awa han.

<sup>7</sup> Hote hmuen koe nangmae BAWIPA Cathut hmalah na ca awa han. Na sak nah tangkuem

dawk nangmae BAWIPA Cathut ni yawhawi na poe dawkvah, nangmouh teh, nama hoi na imthungnaw, na kut hoi na tawk e naw pueng dawkvah na lunghawi han.

<sup>8</sup> Atu e tueng, hete hmuen koe na sak e patetlah hote hmuen koe tami pueng ma pouknae rum-ram hoi na sak aw h mahoe h.

<sup>9</sup> Bangkongtetpawiteh, nangmouh teh, kâhatnae ram dawk thoseh, nangmae BAWIPA Cathut ni râw lah na poe e ram dawk thoseh, na kâen aw h hoe h rah.

<sup>10</sup> Nangmouh teh Jordan palang na raka aw h toteh, na coe aw h hane nangmae BAWIPA Cathut ni râw lah na poe e ram dawk na o aw h vaiteh, tarannaw e kut dawk hoi nangmouh na rungngang teh karoumcalah na o aw h han.

<sup>11</sup> A min ao nahanelah, nangmae BAWIPA Cathut ni a rawi e hmuen haw vah ao han. Hote hmuen koe kai ni lawk na thui e patetlah nangmae hmaisawi thuengnae, satheinaw, pung hra pung touh, na kut hoi na sak e hnonaw, BAWIPA koe lawk na kam e patetlah lawkkam e naw pueng hah na thokhai aw h han.

<sup>12</sup> Namamouh hoi nangmae capanaw, canunaw, sanpanaw, sannunaw, râw pang hane ao hoe h dawkvah, nangmae longkha thung kaawm e Levihnaw hoi cungtalah nangmae BAWIPA Cathut hmalah na lunghawi aw h han.

<sup>13</sup> Nangmouh teh, na hmu aw h e hmuen pueng dawk hmaisawi thuengnae na sak aw h hoe h nahanelah, na kâhruetcu et aw h han.

<sup>14</sup> Hatei, nange mip hun thung dawk hoi phun touh koe kaawm e BAWIPA ni a rawi e hmuen

dawkvah hmaisawi thuengnae hah na sak han. Hote hmuen koevah, kai ni lawk na thui e naw pueng hah na sak aw h han.

<sup>15</sup> Hatnavah, BAWIPA Cathut ni yawhawi na poe e patetlah na onae kho tangkuem kaawm e na ca ngai e pueng na thei vaiteh longkha ca thinae kâ na tawn aw h. Kathounge hoi kathounghoehe ni hai sayuk sakhi patetlah hote moi hah a ca thai.

<sup>16</sup> Hatnavah, a thi na cat aw h mahoe h. Tui rabaw k e patetlah talai daw k na rabaw k aw h han.

<sup>17</sup> Na kho thung kaawm e nange cakang, nange misurtui, nange satui, nange maito, nange tu camin, lawk na kam e nange lawkkam abuemlah, na mahmaw k na poe hno, na kut hoi na sak e hno pung hra pung touh hah na cat mahoe h.

<sup>18</sup> Hatei, nama hoi cungtalah, nange capa, nange canu, nange sanpa, nange sannu, nange longkha thung kaawm e Levih naw ni nangmae BAWIPA Cathut ma ni a rawi e hmuen koe nangmae BAWIPA Cathut e hmalah na ca aw h han.

<sup>19</sup> Na ram thung na o aw h roukrak, Levih miphun naw na pahnim aw h hoe h nahanelah kâhruetcuet aw h.

<sup>20</sup> Nange BAWIPA Cathut ni nang hanelah lawkkam e patetlah na ram ramri a kaw sak toteh, nang ni moi ka cat haw nei telah na ti vaiteh, na lungthin ni moi ca hane a ngai dawkvah, nang ni na lungngai e patetlah moi na ca han.

<sup>21</sup> Nangmae BAWIPA Cathut ni a min ao nahanelah na rawi pouh e hmuen teh, nang hoi

hlatpoung pawiteh, nang koe ka dei e patetlah BAWIPA ni na poe e maito hoi tu hah na thei vaiteh, na longkha thungvah na lungngai patetlah na ca thai.

<sup>22</sup> Sayuk sakhi moi na ca e patetlah hote moi hah na ca thai. Kathounge hoi kathounghoehe ni hai hote moi hah reirei a ca thai.

<sup>23</sup> A thi na ca aw hoh hoh nahanelah kâhruetcueth sak aw hoh. Bangkongtetpawiteh, thi teh hringnae doeh. Hringnae hoi a moi reirei na cat mahoe hoh.

<sup>24</sup> Na cat aw hoh roeroe mahoe hoh. Tui rabawk e patetlah talai daw k na rabawk han.

<sup>25</sup> Nang teh BAWIPA e hmalah kalan e hno hah na sak daw kvah, nang hoi cungtalah, na catounnaw hawinae na coe aw hoh nahan, a thi hah na cat aw hoh mahoe hoh.

<sup>26</sup> Nang daw k kaaw m e kathounge hnonaw hoi nange lawkkamnaw dueng hah na sin vaiteh, BAWIPA ni a raw i e hmuen koe na cet aw hoh.

<sup>27</sup> A moi hoi a thi na kalaw t vaiteh, nange BAWIPA Cathut e hmaisawi thuengnae khoun-groe van na thueng han. Sathei e a thi hah nange BAWIPA Cathut e thuengnae khoun-groe van na aw i vaiteh, a moi hah na ca han.

<sup>28</sup> Nange BAWIPA Cathut hmalah kahaw i ni teh kalan e hno na sak daw kvah, nang hoi na catounnaw hoi cungtalah, hawinae pou na coe aw hoh nahan, nang koe kâ na poe e hete lawknaw hah na taraw i nahanelah kâhruetcueth loe.

*Kutsak na baw k mahoe hoh*

<sup>29</sup> Na cei vaiteh na coe hane ram daw k kaaw m e miphun naw hah, nange BAWIPA Cathut ni na hmalah a raphoe toteh, nang ni ahnimanaw hah

na pâlei vaiteh, ahnimae ram dawk kho na sak han.

<sup>30</sup> Na hmalah ahnimouh a rawk awh hnukkhu, ahnimouh ni a sak awh e patetlah na sak awh teh na yon awh hoeh nahanelah, hete miphunnaw ni amamae cathut hah bangtelamaw a bawk awh, kai hai hottelah ka bawk van han telah dei teh, ahnimae cathut kong pacei hoeh nahanelah mahoima kâhruetcuete loe.

<sup>31</sup> Ahnimouh ni a sak awh e patetlah na BAWIPA Cathut koe na sak awh mahoe. Bangkoktetpawiteh, BAWIPA Cathut ni a ngai-hoeh e panuetho e hno hah amamae cathut koe a sak awh teh, amamae capanaw hoi canunaw patenghai amamae cathut hanelah hmai a sawi awh.

<sup>32</sup> Nang teh kai ni kâ na poe e pueng hah na sak nahanelah na kâhruetcuete han. Nang ni bout thapsin hanh, bout rayu hanh.

## 13

<sup>1</sup> Nangmouh koe profet hoehpawiteh, mang ka mang thai e buetbuet touh tâcawt boilah, mitnoutnae hoehpawiteh, kângairunae na poe awh teh,

<sup>2</sup> hote mitnoutnae hoehpawiteh kângairunae hah akuiep nakunghai, nang ni na panue hoeh e alouke cathut koe cet awh sei, bawk awh sei telah ahni ni dei pawiteh,

<sup>3</sup> hote e profet hoehpawiteh, mang ka mang e lawk hah na tarawi mahoe. Bangkoktetpawiteh, nangmouh teh nangmae BAWIPA Cathut hah na lungthin buemlahoi thoseh, na hringnae buemlahoi thoseh lung na pataw ou, pataw hoeh

ou tie hah panue nahanelah nangmae BAWIPA Cathut ni nangmouh na tanouknae doeh.

<sup>4</sup> Nangmae BAWIPA Cathut hnuk na kâbang aw hah. Takinae lung hoi kâpoelawknaw hah na tarawi aw hah. A lawk ngâi laihoi na baw hah aw hah vaiteh, BAWIPA daw k rek na kâhnai aw hah han.

<sup>5</sup> San lah na onae hmuen Izip ram hoi nangmouh na katâcawtkhai e nangmae BAWIPA Cathut koehoi phen sak hanelah thoseh, nangmae BAWIPA Cathut ni lawk na thui e lam daw hoi phen sak hanelah a dei aw hah dawkvah, hote profet hai thoseh, mang ka mang thai e hai thoseh, a due nahanelah na thei aw hah han. Hottelah nangmouh koehoi yonnae hah na takhoe aw hah han.

<sup>6</sup> Nang ni na panue hoeh e, na mintoenaw ni hai a panue hoeh e alouke cathutnaw koe, cet aw hah sei, baw hah aw hah sei, telah a dei teh, na hmaunawngaha, na capanaw, na canunaw

<sup>7</sup> Talai apoutnae koehoi avanglah apoutnae koe totouh, na tengpam vah, a hnai ahlanae koe kaawm e taminaw e cathutnaw ni na ka tacuek nakunghai thoseh,

<sup>8</sup> nang ni na tarawi mahoe hah. A lawk na ngâi pouh mahoe hah. Na mit ni pahren mahoe hah. Ahni hah na pasai mahoe hah. Na hrawk mahoe hah.

<sup>9</sup> Na thei roeroe hah. Na thei nahanelah na kut hmaloe na pho vaiteh, hathnukkhuh tami pueng ni kut a pho aw hah van hah.

<sup>10</sup> Santoungnae koe Izip ram hoi nangmouh na katâcawtkhai e na BAWIPA Cathut koehoi pâlei hanelah a kâcai daw kvah, ahni hah talung hoi na dei vaiteh na thei hah.



<sup>11</sup> Hote kamthang hah Isarelnaw pueng ni a thai awh vaiteh, hot patetlah e hno hah nangmouh thung dawk bout sak laipalah ao awh nahane doeh.

<sup>12</sup> Tami kahawi hoeh naw teh nangmouh thung hoi a tâco awh teh, nangmouh ni na panue awh hoeh e alouke cathut koe cei awh vaiteh bawk awh sei telah a dei awh teh,

<sup>13</sup> ahnimouh ni khocanaw a dum awh e hah, nange BAWIPA Cathut ni na o nahanelah na poe e kho buetbuet touh dawk kamthang na thai pawiteh, hote kong hah kamcengcalah na pacei han.

<sup>14</sup> Kamthang na thai e patetlah kamceng boilah, hot patet e panuettho e hno sak katang pawiteh,

<sup>15</sup> hote khocanaw hah tahloi hoi na thei han. Khopui hoi khopui dawk kaawm e tami hoi saringnaw pueng koung na raphoe han.

<sup>16</sup> Na lawp awh e hnopainaw pueng kho lungui lam dawk na hmouk awh vaiteh, hote khopui dawk hoi na lawp awh e pueng, nangmae BAWIPA Cathut hanelah hmai na sawi awh han. Hote khopui teh songnawng lah pou ao han. A hnukkhu bout kangdout mahoe toe.

<sup>17</sup> BAWIPA ni a lungkhueknae hue a roum sak teh, na mintoenaw koe lawkkam e patetlah na rungngang vaiteh na pungdaw sak nahanelah, thoebo e hno buet touh boehai lat laipalah, abuemlahoi na tâkhawng han.

<sup>18</sup> Sahnin kai ni lawk na thui e patetlah BAWIPA Cathut e lawk hah ngâi awh nateh, kâpoelawk pueng hah na tarawi vaiteh, BAWIPA Cathut e hmalah, kalan e hno hah sak awh nateh,

BAWIPA Cathut e lawk hah tarawi aw h.

## 14

### *Kathounge rawca hoi kathounghoehe rawca*

<sup>1</sup> Nangmouh teh, BAWIPA Cathut e ca lah na o aw h. Kadoutnaw hanelah na tak na kâbouk mahoe h. Na mitmuen hai na ngaw mahoe h.

<sup>2</sup> Nangmouh teh BAWIPA Cathut hanelah kathounge miphun lah na o aw h. BAWIPA ni talai van daw k kaawm e miphun pueng hlakvah, ama ni tawn e miphun lah na o aw h nahanelah nangmouh na rawi aw h toe.

### *Kathoung hoi kathounghoehe rawca*

<sup>3</sup> Panuetkatho e na cat mahoe h.

<sup>4</sup> Na ca hane saringnaw teh, maito, tu, hmae,

<sup>5</sup> sakhi, sazuk, saya, atha, savi, kahrawng-maito, mon daw k e tu ti e

<sup>6</sup> khoksamen samka ni teh a thepkaai e pueng teh na ca thai aw h.

<sup>7</sup> Hatei, a thepkaai niteh, a khoksamen ka samka e naw thung daw k na ca hoe h hane naw teh, kalauk, saveh, cahi, naw heh athepai eiteh, a khoksamen a samka hoe h daw kvah kakhin e lah ao.

<sup>8</sup> Vok teh a khoksamen a samka eiteh, athepai hoe h daw kvah, nangmouh hanelah a khin. a moi na cat aw h mahoe h. A ro hai na tek aw h mahoe h.

<sup>9</sup> Tui daw k kaawm e naw thung daw k hetnaw heh na ca aw h han. A pathuet hoi a lakep kaawm pueng na ca thai aw h.

<sup>10</sup> A pathuet hoi a lakep kaawm hoe h e pueng na cat aw h mahoe h, nangmouh hanelah a khin.

- 11 Kathounge tava aphunphun na ca thai aw.  
12 Na ca hoeh hane tavanaw teh, langta,  
tuilangta, mataw,  
13 masi, ungang,  
14 vonga,  
15 kalaukva, basairek, batuling, pingpit,  
16 bukbu, kawhna, balengek,  
17 tuicawmpai,  
18 kahrawngcawmpai, bongpi,  
19 a rathei a tawn ei, kâva e saring pueng teh  
nangmouh hanelah a thoung hoeh dawkvah, na  
cat aw mahoe.  
20 Kathounge tava pueng na ca thai aw.  
21 A mahmawk kadout e moi na cat mahoe.  
Na tengonaw ni a ca hanelah na poe han.  
Hoehpawiteh, ramlouk e tami longkha thung  
kaawmnaw koe na yo han. Nangmouh teh  
nangmae BAWIPA Cathut hanelah kathounge  
miphun lah na o aw. Hmaeca hah a manu e  
sanutui hoi mek na thawng mahoe.

*Hra touh daw buet touh poenae*

- 22 Kum tangkuem na law daw hoi ka tâcawt  
e pueng pung hra pung touh na kapek aw han.  
23 Nangmae BAWIPA Cathut ni a min ao na-  
hanelah a rawi e hmuen koe cakang, misurtui,  
satui hoi tuhu, maitohu naw daw e camin pung  
hra pung touh hah a hmalah na ca aw han.  
24 Nangmae BAWIPA Cathut ni yawhawi na  
poe aw toreih teh, a min ao nahanelah a rawi e  
hmuen teh, ekvoi ahla dawkvah, pung hra pung  
touh na phawt thai aw hoeh pawiteh,

<sup>25</sup> hote hno hah na yo vaiteh, tangka na sin vaiteh, na BAWIPA Cathut ni a rawi e hmuen koe na cei vaiteh,

<sup>26</sup> ca han na ngai e patetlah maito, tu, misurtui, yamu tie ca han na ngai e pueng hah na ran vaiteh, BAWIPA Cathut e hmalah, na imthung abuemlahoi na ca aw h vaiteh, kanawm lah na o aw h han.

<sup>27</sup> Hatei, nangmae longkha thung kaawm e Levih miphunnaw teh, a ham awm hoeh, râl hai ao hoeh dawkvah, na hnoun aw h mahoe h.

<sup>28</sup> A kum thum daw k na hmu aw h e pueng hah pung hra pung touh na tâcokhai aw h vaiteh, khothung longkha vah na pâkueng aw h han.

<sup>29</sup> Nangmouh koe kaawm e ham kaawm hoeh e, râl kaawm hoeh e Levih naw koe kaawm van e Jentelnaw, naranaw, na longkha thung kaawm e lahmainaw a tho aw h vaiteh, a ca aw h han. Hottelah na sak pawiteh, nangmae BAWIPA Cathut ni na sak e pueng daw k yawhawi na poe aw h han.

## 15

### *Sabbath kum laiba hloutnae*

<sup>1</sup> Kum sari touh daw k vai touh laiba hloutnae na sak aw h han.

<sup>2</sup> Laiba hloutnae phung hateh, imri hah hno kacawi sak e ni, hote laiba hah a hlout sak han. BAWIPA e hloutnae tueng lah ao dawkvah, hote laiba hah na imri koe, na hmaunawng ha koe na het mahoe h.

<sup>3</sup> Ramlouk koe teh heinae kâ ao. Na hmaunawng ha koe teh het laipalah na hlout sak han.

<sup>4</sup> Nang dawk mathoe ao hoeh nahanelah hottelah na sak han. BAWIPA Cathut ni nama han râw lah na poe e ram dawk nang hah yawhawi moikapap na poe han.

<sup>5</sup> Sahnin kai ni kê na poe e hete kêpoelawk hah na tarawi nahanelah, nangmae BAWIPA Cathut e lawk hah takuetluet thai haw.

<sup>6</sup> Na BAWIPA Cathut ni lawk a kam e patetlah yawhawi na poe vaiteh, nang ni ayânaw hah na cawi sak han. Ahnimouh ni teh nang na cawi sak mahoeh. Nang ni miphunnaw hah na uk han. Ahnimouh ni nang na uk aw h mahoeh.

*Mathoenaw câwisak e hno*

<sup>7</sup> Na BAWIPA Cathut ni na poe ram dawkvah, na longkha thung ka roedeng e na hmaunawnggha reira awm pawiteh, hote ka roedeng e na hmaunawnggha koe na lungmouk hanh. Na kut hai kasum hanh.

<sup>8</sup> Na kut hah kakaw lah na kadai vaiteh, a roedengnae a kahma totouh na cawi sak han.

<sup>9</sup> A kum sarinae hloutnae kum a pha han a hnai toe. Ka roedeng e hmaunawnggha hah utsin laihoi banghai poe hane ngai laipalah, na lungthin daw k kahawi hoeh khopouknae ao hoeh nahanelah kâhruetcu et aw h. Hottelah nahoe h pawiteh, ahni ni BAWIPA koe hram vaiteh, nang daw k yon a pha hoeh nahanelah kâhruetcu et.

<sup>10</sup> Bangkongtetpawiteh, nang na onae koe ka roedeng pout mahoeh.

<sup>11</sup> Hatdawkvah, na onae ram daw k, ka roedeng e hmaunawngghanaw hanelah na kut ka kaw lah na kadai nahanelah lawk na thui.

### *Sannaw hloutsaknae*

<sup>12</sup> Na hmaunawnggha reira, Hebru tami napui tongpa teh, nang koe san lah ao teh, kum taruk touh ao hnukkhu, a kum sarinae dawk teh na hlout sak han.

<sup>13</sup> Na hlout sak toteh kuthrawng na hlout sak mahoe.

<sup>14</sup> Na BAWIPA Cathut ni yawhawi na poe e patetlah na tuhu thung e thoseh, cang katinnae thung e thoseh, misur na katinnae thung e thoseh moikapap na poe han.

<sup>15</sup> Nang teh, Izip ram vah, san lah ouk na o boi e hai thoseh, na BAWIPA Cathut ni nang hah na hlout sak e hai thoseh na pouk han. Hatdawkvah, hete kâpoelawk hah sahnin kai ni na poe.

<sup>16</sup> Hatei, san niyah, tâco hane ka ngai hoeh. Nang hoi na imthungkhunaw hoi o e a nawm doeh tetpawiteh,

<sup>17</sup> nang ni phuengvang na la vaiteh, takhang koe a hnâ na kavi pouh vaiteh, ahni teh san lah pou ao han. Hot patetvanlah sannu koehai na sak awh han.

<sup>18</sup> Na san na tha navah, arupoung telah pouk hanh. Bangkongtetpawiteh, kum taruk touh thung san thaw a tawk teh, aphu hoi hlai e hlak let hni touh hoi thaw a tawk toe. Na BAWIPA Cathut ni hai na tawksak e tangkuem dawk yawhawi na poe han.

### *Camin thuengnae*

<sup>19</sup> Na maitohu hoi tuhu naw thung daw, camin atan kaawm e pueng teh, na BAWIPA

Cathut hanelah a thoung han. Maito camin, tu camin hah na hno mahoe.

<sup>20</sup> BAWIPA Cathut ni a rawi e hmuen koe, na BAWIPA Cathut e hmalah, a kum tangkuem pout laipalah, na imthungnaw hoi rei na ca aw h han.

<sup>21</sup> Hote maito tu naw dawkvah, khokkhem, mit ka dawn, a tak dawk yonnae, alouke toun han kawi lah kaawm e buetbuet touh awm pawiteh, na BAWIPA Cathut koe thuengnae na sak mahoe.

<sup>22</sup> Na longkha thung na ca han. Sayuk sakhi moi na ca e patetlah kathounge tami, kathounghoehe taminaw ni hai reirei a ca aw h han.

<sup>23</sup> Hatei, a thi teh na cat aw h mahoe. Tui rabawk e patetlah talai daw k na rabawk aw h han.

## 16

### *Ceitakhai Pawi*

<sup>1</sup> Abib thapa hah ya e thapa lah pâkuem aw h nateh, ceitakhai paw i lah hno aw h. Bangkongtet-pawiteh, Abib thapa dawkvah, BAWIPA ni Izip ram hoi karum vah nangmouh na tâcokhai aw h.

<sup>2</sup> BAWIPA Cathut ni a min o nahanelah a rawi e hmuen koe maito hoi tu naw hah na thueng vaiteh, na BAWIPA Cathut hanelah ceitakhai paw i na to han.

<sup>3</sup> Nang ni Izip ram hoi na tâconae hnin hah na hringyung thung pahnim hoe h nahanelah ceitakhai paw i na to navah, tonphuene vaiyei hah na cat mahoe. Tonphuenehoehe tie runae vaiyei hah hnin sari touh thung na ca aw h han.

Bangkongtetpawiteh, Izip ram hoi karangpoung lah na tâco awh toe.

<sup>4</sup> Hnin sari touh thung, na onae ram dawк tonphuene vaiyei awm sak hanh. Apasuek hnin tangmin vah, na thueng e sathei moi hah karuem tuettuet amom totouh na cawi sak mahoe.

<sup>5</sup> Na BAWIPA Cathut ni na poe e kho longkha koe vah, ceitakhai pawî sak thainae kâ kaawm e nahoe.

<sup>6</sup> Na BAWIPA Cathut ni a min ao nahanelah a rawi e hmuen koevah, nang teh Izip ram hoi na tâconae tueng, kanî a khup nah tangmin vah, ceitakhai pawî thuengnae hah na sak awh han.

<sup>7</sup> Na BAWIPA Cathut ni a rawi e hmuen koe hmai na pahai awh vaiteh, na ca awh hnukkhu, amom vah im bout na ban awh han.

<sup>8</sup> Hnin taruk touh thung tonphuenehoehe hah na ca awh han. A hnin sari hnin teh na BAWIPA Cathut hanelah kathounge kamkhuengnae hah na sak han. Hote hnin dawк thaw na tawк awh mahoe.

### *Yat pawî*

<sup>9</sup> Canga kamtawngnae koehoi na touk vaiteh, yat sari touh aloum hnukkhu,

<sup>10</sup> na BAWIPA Cathut e hmalah na BAWIPA Cathut ni yawhawî na poe e patetlah lungthocalah hoi thueng hane hno hah na sin han.

<sup>11</sup> Na BAWIPA Cathut ni a min ao nahanelah a rawi e hmuen dawк, na BAWIPA Cathut hanelah yat sari pawî hah na to vaiteh, na capa, na canunaw, na sanpa sannu naw, nang koe kaawm e Levihnaw, imyinnaw, lahmai naranaw pueng ni a lunghawi awh han.



<sup>12</sup> Nang teh Izip vah san lah ouk na o e hah na pouk vaiteh, phunglawknaw hah na tarawi han.

*Lukkarei im pawî*

<sup>13</sup> Cakang hoi misurtui hah na pâkhueng vaiteh, hnin sari touh thung lukkareiim pawî na to han.

<sup>14</sup> Hote pawî na to navah, nama hoi na capa, na canunaw, na sanpa sannu naw, nang koe kaawm e Levihnaw, imyinnaw, lahmai naranaw na longkha thung kaawmnaw pueng ni a lunghawi awh han.

<sup>15</sup> BAWIPA Cathut ni a rawi e hmuen koe hnin sari touh thung na BAWIPA Cathut hanelah kathounge pawî na to han. Na BAWIPA Cathut ni na kampungnae pueng koe, thaw na tawknae pueng koe, yawhawi na poe dawkvah, lunghawinae na sak han.

<sup>16</sup> Ton phuen hoeh pawitonae tueng, yat sari pawitonae tueng, lukkareiim pawitonae tueng tie naw hah, kum touh dawk vai thum touh, nangmouh tongpanaw pueng teh, na BAWIPA Cathut ni a rawi e hmuen koe a hmalah na tâco awh han. Hatnavah, Cathut hmalah apihai kuthrawng hoi na tâcawt mahoeh.

<sup>17</sup> Na BAWIPA Cathut ni yawhawi na poe e patetlah tami pueng ni amamouh a coung thai e patetlah lengkaleng a sin awh han.

<sup>18</sup> Na BAWIPA Cathut ni yawhawi na poe e longkha kaawm e pueng dawc, lawkcengkung, bawinaw hah na onae kho tangkuem dawc na hruek awh han. Ahnimouh ni lawkceng kawinaw hah kalan lah lawc a ceng awh han.

<sup>19</sup> Nang teh phunglawk dawk hoi na phen mahoeh. Tami minhmai khet na tawn mahoeh. Tadawngnae na dâw mahoeh. Tadawngnae ni tami a lungkaang mit a dawn sak. Tami kalannaw e lawk hah a longkawi sak.

<sup>20</sup> Na BAWIPA Cathut ni na poe e ram hah nang ni na hring teh na coe nahanelah, kalan e phunglawk dawk dueng na dawn han.

*Bawknae koe sak hoeh hane hno*

<sup>21</sup> Na BAWIPA Cathut hanelah na sak e thuengnae khoungroe teng vah, bangpatet e Asherah thing hai na ung mahoeh.

<sup>22</sup> Na BAWIPA Cathut ni a hmuhma e talung nama hanelah na ung mahoeh.

## 17

<sup>1</sup> Maito thoseh, tu thoseh, toun kaawm e, kakuep hoeh e hoi na BAWIPA Cathut koe thuengnae na sak mahoeh. Hot patetlah e thuengnae BAWIPA Cathut ni a panuet e lah ao.

<sup>2</sup> Na BAWIPA Cathut ni na poe e khonaw dawkvah,

<sup>3</sup> kanî, thapa, kalvan hno tie patetnaw, kai ni ka pasoung hoeh e alouke cathutnaw koe na cei awh teh, na bawk awh teh, na BAWIPA Cathut e lawkkam na tapuet awh teh, a hmalah yonnae ka sakpayon e napui tongpa ao telah,

<sup>4</sup> nang ni kamthang na thai teh akung na kheï navah, Isarel miphun dawk hot patetlah e panuetho e hah sakpayon katang pawiteh,

<sup>5</sup> hote yonnae ka sak e napui tongpa hah kho longkha koe na ceikhai awh vaiteh, talung hoi na dei awh vaiteh na thei awh han.

<sup>6</sup> Lawkpanuesaknae kapanuekkhaikung kahni touh kathum touh awm pawiteh, due kamcu e tami teh na thei awh katang han. Lawkpanuesaknae kapanuekkhaikung buet touh dueng awm pawiteh, thet mahoe.

<sup>7</sup> Hote tami hah thei hanelah kapanuekkhaikungnaw ni hmaloe a kut a pho aw hnukkhu, tami pueng ni kut a pho aw h han. Hottelah na sak aw h pawiteh, nangmouh koehoi yonnae teh takhoe lah ao han.

*Vaihmanaw hoi lawkcengkungnaw ni lawk tâtueng e*

<sup>8</sup> Na kothung vah tami kâtheinae, kâyuenae, kâhemnae naw hah nang hanlah lawkcengnae ru poung pawiteh, na BAWIPA Cathut ni a rawi e hmuen koe na cei aw h vaiteh,

<sup>9</sup> hatnae tueng dawkvah, lawkcengkung thaw ka taw k e, vaihma, Levihnaw e hmalah lawkceng lah ao aw h han. Ahnimouh ni hai lawkcengnae hah a pathang aw h han.

<sup>10</sup> BAWIPA Cathut ni a rawi e hmuen koe kaawm e naw ni a dei e patetlah nang ni na sak han. Ahnimouh ni na cangkhai e patetlah na sak nahanelah na kâhruetcu et han.

<sup>11</sup> Ahnimouh ni na cangkhai e lawkcengnae hoi a dei aw h e lawk tâtueng e patetlah na sak han. Ahnimouh ni na patue e cangkhae nae daw k hoi avoilah aranglah na phen mahoe.

<sup>12</sup> BAWIPA Cathut hmalah thaw ka taw k e vaihmabawi, lawkcengkungnaw e lawk ngâi laipalah, tarankahawi lah ka sak e teh thei hanlah ao. Hottelah hoi, Isarelnaw thung hoi hot patet e yonnae hah na takhoe aw h han.

13 Hote kamthang hah tami pueng ni a thai aw h toteh, a taki aw h vaiteh, hottelah taranhawi laihoi bout sak aw h mahoe h toe.

*Isarel siangpahrangnaw hoi kâkuen e kâlawk*

14 Na BAWIPA Cathut ni na poe e ram daw k na pha teh, hawv ah kho na sak toteh, ka tengpam vah kaawm e Jentelnaw patetlah siangpahrang buetbuet touh tawn aw h sei na tetpawiteh,

15 Na BAWIPA Cathut ni a rawi e na hmaunawng ha reirei duengdoeh siangpahrang lah na tawm a han. Na hmaunawng ha lah kaawm hoe h e Jentelnaw hah siangpahrang lah na tawm aw h mahoe h.

16 Hote siangpahrang teh ama hanelah marang moikapap paca mahoe h. Marang moikapap a tawn nahanelah Izip ram tami ban sak mahoe h. Bangkongtetpawiteh, hote lamthung koe bout na ban mahoe h telah BAWIPA ni ati.

17 Ahnie a lungthin a rawp hoe h nahanelah, yu moikapap lat mahoe h. Suingun hai moikapap pâkhueng mahoe h.

18 Hettelah ao han. A uknaeram bawitungkhung daw k a tahung toteh, Levih tami, vaihma bawinaw ni a tarawi aw h e kâlawk hah cauk lah ama hanelah a thut han.

19 Hote cauk teh ama koe ao vaiteh, hnintangkuem a touk han. Hottelah tetpawiteh, BAWIPA Cathut hah a taki nahanelah thoseh, hete kâlawnaw pueng a kuem nahanelah thoseh, a tarawi nahanelah thoseh, a kamtu thai han.

20 Ama e a lungthin hah a hmaunawng hanaw lathueng kâta w m thai hoe h. Kâlawk daw k hoi avoilah aranglah kamlang thai hoe h. Hottelah

tetpawiteh, a ram thung Isarelnaw rahak vah, ama hoi a canaw teh a hring a saw aw h han.

## 18

### *Vaihmanaw hoi Levihnaw e Ham*

<sup>1</sup> Vaihmanaw, Levih miphunnaw pueng Isarelnaw hoi cungtalah râw tawn aw h mahoe h. Ahnimouh teh BAWIPA koe hmai hoi thuengnae a hamnaw hah a ca aw h han.

<sup>2</sup> Ahnimouh teh a hmaunawngghanaw hoi râw rei coe aw h mahoe h. BAWIPA ni kâ a poe e patetlah ahnimae râw teh ao.

<sup>3</sup> Taminaw ni thuengnae a sak aw h toteh, maito hai thoseh, tu hai thoseh, vaihmanaw e ham aloung vang, a tangboung roi, a ruennaw hai thoseh,

<sup>4</sup> ahmaloe na a e cang, misur, satui hoi tumuen na ngaw e naw hah na poe han.

<sup>5</sup> Bangkongtetpawiteh, ahni koehoi a ca catounnaw teh BAWIPA min lahoi a thaw pou tawk nahanelah, na BAWIPA Cathut ni na miphunnaw thung dawkvah ahni hah a rawi toe.

<sup>6</sup> Isarel kho daw k kaawm e Levih tami buet-buet touh ni BAWIPA Cathut ni a rawi e hmuen koe bari laihoi tho pawiteh,

<sup>7</sup> BAWIPA hmalah hmuen ka tawn tangcoung e Levihnaw patetvanlah, BAWIPA Cathut min lahoi athaw hah a tawk han.

<sup>8</sup> Ama e râw a yo teh a hmu e hno touk laipalah, Levihnaw hoi reikâvan lah a coe van han.

### *Thoebo kawi kâroenae*

<sup>9</sup> Na BAWIPA Cathut ni na poe e ram na pha aw h toteh, hote ram daw k kaawm e taminaw ni

a sak aw h e panuetho e hno hah na sak aw h mahoe h.

<sup>10</sup> Nangmou h thung daw k a canaw hah hmai hoi ka thueng e, ka tho hane naw hah ama pou k lahoi ka dei e, kutkhetkathou m e, kahawihoehe thoumthainae ka sak e,

<sup>11</sup> ân ka thou m e, kahrai kamyawng e, hmaui lah kaawm e, tami kadout ka pacei e tami buet tou h boehai aw m mahoe h.

<sup>12</sup> Hottelah ka sak e pueng teh BAWIPA Cathut ni a panuet. Hote panuetho e hnonaw kecu dawkvah, BAWIPA Cathut ni hote miphun naw teh nang na hmalah hoi a pâlei toe.

<sup>13</sup> Nang teh, BAWIPA Cathut hmalah toun kaawm hoe h lah na o aw h han.

<sup>14</sup> Na uk e taminaw teh kutkhetkathou m e, ka tho hane naw hah ama pou k lahoi kadeinaw e lawk hah ou k a ngâi aw h. Nang teh hottelah na sak nahanelah na BAWIPA Cathut ni kâ na poe hoe h.

### *Mosi patetlah e profet katha*

<sup>15</sup> Na BAWIPA Cathut ni, nange na hmau-nawng hanaw thung daw k hoi, kai patetlah e profet buet tou h nangmou h hanelah a tâco sak han. Hote profet lawk hah na ngâi aw h han.

<sup>16</sup> Horeb vah na kamkhuengnae hnin navah nang ni, BAWIPA Cathut e a lawk hah bout ka thai aw h hanh lawiseh. Hote kalenpou nge hmai hah kahmaw t aw h hanh lawiseh. Ka due han doeh toe telah BAWIPA Cathut hmalah na kâhei e patetlah,

<sup>17</sup> BAWIPA ni, ahnimae lawk teh ahawi doeh.

<sup>18</sup> Amamae hmaunawnggha thung dawkvah, ahnimouh hanelah profet buet touh ka tâco sak vaiteh, ahnie pahni dawk, ka lawknaw hah ka hruek pouh vaiteh, ahni ni patuen a dei pouh han.

<sup>19</sup> Hote profet ni ka min lahoi a dei e lawk hah tarawi laipalah kaawm e teh, kai ni ka yue han.

<sup>20</sup> Kai ni lawk ka poe laipalah, ka min lahoi ka dei e profet hoehpawiteh, alouke cathut min lahoi ka dei e profet teh kadout lah thei han telah kai ni kê na poe.

<sup>21</sup> Nang ni, BAWIPA Cathut ni a dei e hah bangtelah hoi maw ka panue han telah na pouk pawiteh,

<sup>22</sup> profet ni BAWIPA min lahoi a dei e patetlah phat hoeh, a dei lawk kuep hoehpawiteh, hote lawk teh BAWIPA ni a dei e nahoeh. A taranhawi lahoi a dei e doeh. Ahni hah na taket mahoeh.

## 19

### *Kânguenaë kho hoi kâkuen e kâlawk*

<sup>1</sup> Na BAWIPA Cathut ni na poe e ram dawk kaawm e miphunnaw hah, na BAWIPA Cathut ni a pahma teh, ahnimae kho, ahnimae im dawk na o toteh,

<sup>2</sup> BAWIPA Cathut ni na poe e hote ram thung kaawm e khopui kathum touh na hmoun han.

<sup>3</sup> Tami ka thet payon e pueng hote khopui dawk a yawng thai aw h nahan, na BAWIPA Cathut ni nama hanlah na poe e ram hah, kathum touh lah na kapek vaiteh, lamthung hai koun na rasoun han.

<sup>4</sup> Tami ka thet payon e ni a hring hlout nahanelah, hote kho dawk a yawng nahane hateh hettelah doeh.

<sup>5</sup> Thing tâtueng hanelah a hui hoi kahrawng reirei a cei roi teh thing a tâtueng roi navah, cakâ pawk a kârakhing teh a hui a cusin teh a due dawkvah, tami ka thet hoi a kâvan. Hatei, hmuhmanae awm laipalah, a hui hah pouk laipalah a thei payon dawkvah, hote kho buetbuet touh dawk a yawng vaiteh, a hringnae a hlout han.

<sup>6</sup> Hottelah hoehpawiteh, moipathung han ka ngai e ni hote tami hah pâlei vaiteh, lamhla dawkvah rekpatawt vaiteh a thei payon han doeh. Hottelah thei kawi nahoe. Bangkoktet-pawiteh, ahni ni a hui hah hmuhmanae a tawn hoeh dawkvah, thei hane kawi lah kamcu mahoeh.

<sup>7</sup> Hatdawkvah, kho kathum touh na hmoun han telah kê a poe.

<sup>8</sup> Sahnin kai ni lawk na thui aw h e hete kêpoelawknaw hah na tarawi aw h teh, BAWIPA Cathut lungpatawnae lahoi a lamthung daw k pou na dawn aw h pawiteh,

<sup>9</sup> na BAWIPA Cathut ni na mintoenaw koe poe hanelah lawk a kam e ram kaawm e pueng hah na poe vaiteh, na mintoenaw koe lawk a kam e patetlah na ram hah kaw sak pawiteh,

<sup>10</sup> na BAWIPA Cathut ni nama hanlah na poe e ram dawkvah, kadout kawi hoe h e ni a due teh, tami thei yonnae na kut daw k a pha hoe h nahanelah, ka dei tangcoung e khopui kathum touh hloilah, alouke khopui kathum touh bout na hmoun han.



<sup>11</sup> Hatei, a hui hah a hmuhma teh, thei hanelah a pahluem teh a thei dawkvah, hote khopui dawka yawng ni teh hawvah ka phat nakunghai,

<sup>12</sup> kacuenaw ni tami a patoun awh vaiteh, hote tami hah bout a hrawi awh vaiteh, moi ka pathung hane kut dawka a poe awh han.

<sup>13</sup> Ahnimouh na lungma mahoe. Na hlout nahanelah, tami thei yonnae hah Isarelnaw koehoi na takhoe han.

### *Khori tahruet hanh*

<sup>14</sup> Na BAWIPA Cathut ni nama hanlah na poe e ram dawka, raw lah na coe e talai dawkvah, ayan mintoenaw ni a ung tangcoung e na imri e lawrilung hah tahruet hanh.

### *Kapanuekkhaikung hoi kâkuen e kâlawk*

<sup>15</sup> Tami ni a sakpayon e yon hah lawkceng toreih teh, kapanuekkhaikung buet touh dueng pawiteh hote lawk teh cak mahoe. Kapanuekkhaikung kahni kathum touh awm pawiteh, hote e lawk pueng teh a cak han.

<sup>16</sup> Kahmanhoe e kapanuekkhaikung buet touh ni, ayânaw koelah kahmanhoe e kapanuekkhaikung lah kangdout pawiteh,

<sup>17</sup> ka kâtoe roi e roi teh BAWIPA hmalah thoseh, hatnae tueng dawka vaihma, lawkcengkungnaw hmalah thoseh a tho awh teh,

<sup>18</sup> lawkcengkungnaw ni kamcengcalah a pacei navah, hote kapanuekkhaikung ni a hui koe lahoi, kahmanhoe lah kampangkhai pawiteh,

<sup>19</sup> a hui koe ka sak han telah a pouk e patetlah ahni dawka na sak han. Nangmouh koehoi yonnae hah hottelaho na takhoe awh han.

<sup>20</sup> Alouknaw ni hai hote kamthang hah thai awh vaiteh, hot patet e yon hah bout sak laipalah ao awh han.

<sup>21</sup> Na lungma mahoeh. Hringnae hanelah hringnae, mit hanelah mit, hâ hanelah hâ, kut hanelah kut, khok hanelah khok na pathung awh han.

## 20

### *Tarantuknae hoi kâkuen e kâlawk*

<sup>1</sup> Taran tuk hanelah na kamthaw navah, namamouh hlak kapap e marang thoseh, rangleng thoseh, taminaw thoseh, na hmawt pawiteh taket hanh. Bangkongtetpawiteh, Izip ram hoi nangmanaw katâcawtkhai e BAWIPA Cathut teh nangmouh koe ao.

<sup>2</sup> Taran tuk nahane tueng a hnai toteh, vaihmanaw ni a hnai awh vaiteh,

<sup>3</sup> Oe Isarelnaw, sahnin taran tuk hanelah taran koe na hnai awh toe. Ahnimouh kecu dawk na lungpout awh hanh, taket awh hanh, pâyaw awh hanh, kalue awh hanh.

<sup>4</sup> Bangkongtetpawiteh, nangmouh na ka rungngang hanelah, BAWIPA Cathut teh nangmouh hoi rei a kamthaw teh, na tarannaw hah na tuk pouh telah taminaw koe dei awh naseh.

<sup>5</sup> Ransa kacuenaw nihai, im katha ka sak niteh, Cathut koe kâhnawng hoeh rae awm pawiteh, ama im ban yawkaw seh, a im hah hnawng naseh. Hoehpawiteh, taran tuknae koe dout pawiteh, alouke ni im hah a hnawng han doeh tie ngaihri han ao.

<sup>6</sup> Misur takha ka sak niteh, a paw ka cat hoeh rae awm pawiteh, a im ban yawkaw seh. Hoehpawiteh, taran tuknae koe dout pawiteh, alouke ni hote misur paw a ca han doeh tie ngaihrinae ao.

<sup>7</sup> A yu sut ka pacei niteh, ka paluen hoeh rae awm pawiteh, a im ban yawkaw seh. Hoehpawiteh, taran tuknae koe dout pawiteh, alouke ni a paluen han doeh tie ngaihrinae ao.

<sup>8</sup> Hahoi, ransa kacuenaw teh, ka taket ni teh a lung ka pout e awm pawiteh, a im ban yawkaw seh. Hoehpawiteh, ahni a lungpout e patetlah a huinaw hai a lungpout han doeh tie ngaihrinae ao telah taminaw koe a dei awh han.

<sup>9</sup> Ransa kacuenaw ni hottelah a dei awh hnukkhu, kâ kapoekungnaw ni taminaw hah taran tuk hanlah a kamthaw sak han.

<sup>10</sup> Kho buetbuet touh tuk hanelah na ceisin navah, roum nahanelah hmaloe na dei pouh han.

<sup>11</sup> Hote kho teh, roum nahane lawk a dei teh kho longkha sut paawng pawiteh, hote kho daw k kaawm e pueng ni aphawng na poe aw h vaiteh, na thaw a taw k aw h han.

<sup>12</sup> Roum nahane lawk hah ngâi aw h hoeh lah, nangmouh na tuk aw h pawiteh, hote kho hah na kalup aw h vaiteh,

<sup>13</sup> na BAWIPA Cathut ni nangmae kut daw k hote kho hah na poe torei, tongpa pueng hah tahloi hoi na thei han.

<sup>14</sup> Napui camo saring khothung na hmu e pueng teh, nama hanelah na la vaiteh, na BAWIPA Cathut ni taran kut daw k hoi na poe e hno hah na ca han.

<sup>15</sup> Hete miphun onae kho hloilah, ahlanae koe e kho kaawm e pueng koe hottelah na sak han.

<sup>16</sup> Na BAWIPA Cathut ni râw lah na coe hane kawi dawk hete miphunnaw e kho dawkvah, ka kâha e tami buet touh boehai na hring sak mahoe.

<sup>17</sup> Hitnaw, Amornaw, Kanaannaw, Periznaw, Hivnaw, Jebusitnaw ni amamae cathutnaw koe a sak aw̄h e panuetho e hno hah nangmouh na cangkhai aw̄h teh,

<sup>18</sup> na BAWIPA Cathut koe na yon hoe hanelah, na BAWIPA Cathut ni na cangkhai e patetlah hote tami pueng hah peng na raphoe han.

<sup>19</sup> Kho buetbuet touh tuk hanelah, kasawlah na kalup pawiteh, thingkungnaw hah na tâtueng mahoe. Talai daw̄k kapâw e thingkungnaw teh, tami kâkawk nahanelah ao dawkvah, a paw dueng na ca han. Kho na kalup navah akung na tâtueng mahoe.

<sup>20</sup> Hatei, cakawi hoe h e thingkungnaw teh na tâtueng vaiteh, na tuk e kho na tâ hoehroukrak, taran tuk nahanelah hnopai na sak na thai.

## 21

*Tami kathetkung panue pha hoe hanelah yontha thuengnae*

<sup>1</sup> Na BAWIPA Cathut ni coe hanelah na poe e ram daw̄k kahrawng vah, tami ni a thei e ro na hmu teh kathetkung na panuek hoehpawiteh,

<sup>2</sup> kacuenaw hoi lawkcengkungnaw a tho aw̄h vaiteh, ro hoi a tengpam e khonaw hah a hnai ahla e a bangnue aw̄h han.

<sup>3</sup> Ro hoi kahnai poung e kho dawk e kacuenaw ni hno boihoeh rae maitola a hrawi aw h han.

<sup>4</sup> Hote kacuenaw ni, hote maitola hah, thawn hoeh rae, cati kahei hoeh rae, pou kalawng e palang koe a hrawi aw h vaiteh, hote hmuen koe palang vah maitola e lahuen a tâtueng pouh aw h han.

<sup>5</sup> Levih miphun vaihmanaw ni a thosin aw h han. Bangkongtetpawiteh, a thaw taw k hane hoi BAWIPA e min yawhawi poe sak hanelah, ahnimanaw hah BAWIPA ni a rawi toe. Ahnimae pahni daw k hoi, kâyuenae pueng hoi kutkhok payonnae pueng teh pâbaw e lah ao han.

<sup>6</sup> Ro hoi kahnai poung e kho daw k e kacuenaw pueng ni, palang vah a lahuen tâtueng pouh tangcoung e maito van a kut a pâsu aw h han.

<sup>7</sup> Hathnukkhu ahnimouh ni a dei aw h hane teh, kaimae kut ni hete a thi palawng hoeh, kaimouh ni kahmaw t aw h hoeh. Oe BAWIPA, na rawi teh na rungngang e na tami Isarelnaw yontha pouh haw. A yonnae kaawm hoeh e tami e a thi palawngnae yon hah na tami Isarelnaw koe baw t sak hanh loe. Thi palawngnae yon teh tha pouh loe, telah a dei aw h han.

<sup>8</sup> Oe! BAWIPA na ratang e na tami Isarelnaw hah pahren haw. Due kamcu hoeh e tami theinae yon teh na tami Isarelnaw koe phat sak hanh loe telah na dei han. Hottelah na tet pawiteh, tami theinae yontha lah ao han.

<sup>9</sup> Hottelah nang ni BAWIPA hma lah hawinae na sak navah, due kamcu hoeh e thi teh a takhoe han.

<sup>10</sup> Nang ni taran na tuk teh, na BAWIPA Cathut ni na kut daw k na poe teh na man torei teh,

<sup>11</sup> na man e taminaw hah a meikahawi e napui hah na hmu teh yu lah la hane na ngai pawiteh,

<sup>12</sup> nama im na kaw vaiteh, ahni ni a lû a ngaw vaiteh, a kutpatin a raimen vaiteh,

<sup>13</sup> na mannae khohna a rading vaiteh, thapa yung touh thung a manu na pa rabui laihoi na im vah ao hnukkhu, na yu lah na la vaiteh, ahni teh nange yu lah ao han.

<sup>14</sup> Hathnukkhu ahni hah na ngai hoeh toung pawiteh, ama ngai nah koe na cei sak han. Ahni hah na kaya sak dawkvah, tangka lah na yawt mahoeh. San lah na tat mahoeh.

<sup>15</sup> Vâ ka pahren e hoi vâ ka hmuhma e yu roi ni a ca a khe roi teh, camin hah vâ ka hmuhma e capa lah awm pawiteh,

<sup>16</sup> ahni ni a râw hah a rei toteh, hmuhma e capa hah pabo vaiteh, a pahren e capa hah na tawmtakhang mahoeh.

<sup>17</sup> Hmuhma e capa teh camin doeh telah na pâpho vaiteh, let hni touh e râw hah na poe han. Bangkongtetpawiteh, hote capa teh na pa e tha kamtawngnae doeh. Caminnae hmuen hoi a kamcu doeh.

<sup>18</sup> Na pa koe capa kathout, a lungpata ni teh manu na pa e lawk ka ngai hoeh e, manu na pa ni a yue ei, banglah ka noutna hoeh e awm pawiteh,

<sup>19</sup> manu na pa ni hote capa hah a sawn vaiteh, kho thung kacuenaw onae koe kho longkha koe a ceikhai vaiteh,

<sup>20</sup> kaimae capa teh ka mathout e lah doeh a o. Ka carawng ni teh yamuhri lah kaawm e doeh telah kho thung kacuenaw koe a dei pou han.

<sup>21</sup> Khoça tongpa pueng ni, hote capa hah talung

hoi a dei awh vaiteh, a thei awh han. Hottelah nangmouh thung hoi payonnae hah na takhoe awh vaiteh, Isarelnaw pueng ni hote kamthang hah a thai awh vaiteh a taki awh han.

<sup>22</sup> Due kamcu e yon ka tawn e tami hah thing dawк na kaithi sak pawiteh,

<sup>23</sup> hote ro hah thing dawк karum tuettuet na tat mahoe. Ama hot hnin roeroe vah talai dawк na pakawp roeroe han. Thing dawк kaithi sak e tami teh thoebo lah kaawm e tami doeh. Na BAWIPA Cathut ni na pang hanelah na poe e râw hah na khin sak awh hoe h nahanlah hottelah na sak awh han.

## 22

### *Kâlawk aphunphun*

<sup>1</sup> Na hmaunawngaha e maito hoehpawiteh tu kahmat e hah na hmu nahlangva laplap khen hanh.

<sup>2</sup> Na hmaunawngaha ahlanae koe ao e hah na panue hoe h nakunghai na im vah na hrawi pouh han. Na hmaunawngaha ni a tawng hoe h roukrak na im vah na hruек pouh han. Hathnukkhu, na hmaunawngaha koe bout na poe han.

<sup>3</sup> La hai thoseh, hnicu hai thoseh, buetbuet touh a kahma e hah na hmawt pawiteh, laplap khen laipalah, hottelah na sak han.

<sup>4</sup> Na hmaunawngaha e maitotan nakunghai, la nakunghai lam dawк sut kamlet e na hmawt pawiteh, na kâhrawk takhai mahoe. Na pathaw roeroe han.

<sup>5</sup> Napui ni tongpa e khohna hah khohnat mahoe. Hottelah ka khohnat e teh nangmae BAWIPA Cathut ni a panuet.

<sup>6</sup> Lamthung teng thingkung dawk na ou, talai dawk na ou, tavačanaw hoi hoehpawiteh, a tadinaw khuehoi tavatabu na hmu teh, a manu ma ni awt boipawiteh, a canaw khuehoi a manu mek na lat mahoe.

<sup>7</sup> Nang ni hnokahawi na coe teh na hringyung vang nahanelah, a canaw na la nakunghai, a manu ma teh na tha han.

<sup>8</sup> Im katha na sak navah, lempu hah na tumdum han. Hottelah na sak pawiteh, tami buetbuet touh bawt payon pawiteh, nange im teh thipalawngnae im lah awm mahoe.

<sup>9</sup> Misur dawk kâvan hoeh e atimu na kahei mahoe. Hottelah na kahei pawiteh, misur paw hoi atimu paw mek a rawk han.

<sup>10</sup> Maito hoi la cungtalah laikawk na thawn sak mahoe.

<sup>11</sup> Pahla hoi tumuen kacokalei e khohna na khohnat mahoe.

<sup>12</sup> Na kâkayo e hni hah, arai pali touh dawk na yep han.

### *Kathoung yuvâ*

<sup>13</sup> Tami buet touh ni a yu a Paluen teh a ikhai hnukkhu a ma teh,

<sup>14</sup> kai ni hete napui teh ka yu lah ka la toe. Ka ikhai hnukkhu, ahni teh, kacuem e nahoe tie ka panue telah ati teh, dudamnae lahoi a min mathout sak pawiteh,

<sup>15</sup> hote napui e a manu hoi na pa ni, tanglakacuem lah a onae hah, kacuenaw koe kho longkha koe a thokhai aw h han.



<sup>16</sup> Hote napui e a na pa ni kacuenaw koe a dei hane teh, kai ni ka canu teh, hete tongpa koe a yu lah ka poe toe. Hatei, ahni ni a pahnawt.

<sup>17</sup> Khen haw, nange canu teh kacuem e nahoe h ati teh, dudamnae lahoi a min a mathoe sak. Hatei, hetnaw teh ka canu tanglakacuem lah a onae doeh, telah a dei han. Ahnimouh ni kacuenaw e hmalah hni hah a kadai awh han.

<sup>18</sup> Hathnukkhu, kacuenaw ni hote tongpa hah a hem awh vaiteh a yue awh han.

<sup>19</sup> Ahnimouh ni ahni hah shekel 100 touh a rawng sak awh vaiteh, napui e a na pa hah a poe awh han. Bangkongtetpawiteh, Isarelnaw e tanglakacuem koe min mathoenae hah a sak daw k doeh. Hote napui teh ahnie a yu lah ao han. A due hoeh roukrak hote napui hoi kampek mahoeh.

<sup>20</sup> Hatei, tongpa ni a dei patetlah, awm boi, napui e tanglakacuem lah a onae patue thai hoeh pawiteh,

<sup>21</sup> kothung e tongpanaw ni hote napui hah a na pa im takhang koe a tâco khai awh vaiteh, talung hoi ka dout lah a dei awh han. Bangkongtetpawiteh, a na pa im vah tak a kâyo e lahoi Isarelnaw koe min mathoenae a kamnue sak toe. Hatdawkvah, nangmouh thung hoi yonnae hah na takhoe awh han.

<sup>22</sup> Tongpa buet touh teh, a vâ ka tawn e napui buet touh hoi a i roi e hah hmawt pawiteh, napui koe ka ip e tongpa hoi hote napui mek thei han. Hottelah Isarelnaw thung hoi yonnae hah na takhoe awh han.

<sup>23</sup> Tanglakacuem hah tongpa ni a hâ hnukkhu, alouke tongpa ni a kho thung vah a hmu teh,

ipkhai pawiteh,

<sup>24</sup> hote napui ni kho thungvah a hram hoeh dawk thoseh, tongpa hai a imri e a yu thama lahoi a ikhai dawk thoseh, nangmouh ni ahni maroi hah kho longkha koe na ceikhai awh vaiteh, talung hoi kadout lah na dei awh han. Hottelah hoi nangmouh thung hoi yonnae hah na takhoe awh han.

<sup>25</sup> Tongpa buet touh ni tongpa buet touh hoi sut kâhâ tangcoung e napui hah a hmu teh, a man teh hote napui hah ipkhai pawiteh, hote napui ka ipkhai e tongpa dueng hah na thei han.

<sup>26</sup> Hatei, hote napui hah bangtelah hai na tet mahoeh.

<sup>27</sup> Bangkongtetpawiteh, tongpa ni hote napui hah kahrawngum a hmu teh, a hâ tangcoung e napui ni a hram eiteh, ahni kabawm hanelah apihai ao hoeh dawkvah, hote lai teh tami reira kâthei e hoi a kâvan.

<sup>28</sup> Tongpa buet touh ni hâ hoeh rah e tanglakacuem hah a hmu teh a man teh, ipkhai pawiteh,

<sup>29</sup> ahni ka ipkhai e tongpa teh shekel 50 touh napui e a na pa koe a poe vaiteh, hote napui teh, hote tongpa e yu lah ao han. Ahni ni hote napui hah thama lahoi a ikhai dawk doeh. Ahni ni hote napui hah a hringyung thung kapek mahoeh.

<sup>30</sup> Apinihai na pa e yu hah lat pouh mahoeh. A na pa e hni hawng pouh mahoeh.

## 23

*Rangpui thung hoi takhoenae*

<sup>1</sup> Tuenla hoehpawiteh, tongpa e puengcang tâtueng lah kaawm e teh BAWIPA e tamihu dawk kâen mahoeh.

<sup>2</sup> Cataca teh, BAWIPA e tamihu dawk kâen mahoeh. Se hra totouh kâen mahoeh.

<sup>3</sup> Amon miphun hoi Moab miphun hai BAWIPA e tamihu dawk kâen mahoeh. Se hra totouh kâen mahoeh.

<sup>4</sup> Bangkongtetpawiteh, nangmouh ni Izip ram hoi na tâco aw h navah, ahnimouh ni vaiyei hoi tui a sin aw h teh na dawn aw h hoeh. Nangmouh thoebo sak hanelah, Mesopotamia ram, Pethor kho e Beor capa Balaam hah a h lai aw h.

<sup>5</sup> Hatei, nange BAWIPA Cathut ni Balaam e lawk tarawi pouh hoeh. Nang na pahren dawkvah, thoebonae hah yawhawinae lah a kâthungsak.

<sup>6</sup> Nang teh ahnimae bawirengnae hoi a hnopai na hringyung thung na khen mahoeh.

<sup>7</sup> Edom miphunnaw hah, na pahnawt aw h mahoeh. Ahni teh nange hmaunawng ha lah ao. Izipnaw hai na pahnawt mahoeh. Ahnimae ram daw k san lah ouk na o boi toe.

<sup>8</sup> Ahnimae catoun teh se thum touh hnukkhu BAWIPA e tamihu daw k a kâen thainae kâ ao.

### *Thoungnae phunglawk*

<sup>9</sup> Taran tuknae koe na kamthaw nah, kam-soumhoeh e hno pueng rounh.

<sup>10</sup> Nangmouh thung daw k tami bangpatet hai amae a tâco daw k thounghoehnae aw m pawiteh, roena e alawilah a tâco han. Roena e thung kâen mahoeh.

<sup>11</sup> Tangminlasa a pha toteh tui hoi a pâsu han. Kanî a khup torei roena e thung bout a kâen han.

12 Vaipuen ceinae teh roenae alawilah na ta aw hah. Hote hmuen koe alawilah na cei aw hah.

13 Na hnopainaw daw k sumtaboung na tawn hah. Nang ni a alawilah na tahung toteh, hot hoi tangkawm na tai vaiteh, na kamlang sin vaiteh, na vaipuen hah na pakawp hah.

14 Bangkongtetsapawiteh, nange BAWIPA Cathut ni nang hah na rungngang vaiteh, na tarannaw hah nang koe na poe nahanelah, roenae thung a kâhlai toe. Hatdawkvah, BAWIPA teh nang koe a tho navah, nangmouh koe kathounghoehe hah hmawt vaiteh, nangmouh koehoi a kamlang hoeh nahanelah, roenae teh a thoung hah.

*Khosak nahane phunglawknaw*

15 A bawipa koehoi ka yawng niteh, nang koe ka tho e san teh a bawipa koe na ban sak mahoe.

16 Nangmouh koe kho a sak thai nahan a ngai poung e hmuen a rawi vaiteh, ao van hah. Na pacekpahlek mahoe.

17 Isarel napuinaw thung takkâyawt e awm hanh naseh. Napuitongpanaw awm hanh naseh.

18 Takkâyona phu hoi ui phu hah na BAWIPA Cathut e im daw k poe hanelah na sin mahoe. Hot patetlah e hno teh, na BAWIPA Cathut hanelah panuettho e lah ao.

19 Na hmaunawng hah koe apung la hanelah, tangka, rawca, apung la thai e hnopai pueng na cawi mahoe.

20 Jentelnaw koe apung la hanelah na cawi sak aw hah. Na cei aw hah teh na coe aw hah hane ram, na BAWIPA Cathut ni yawhawi na poe

awh nahanelah, na hmaunawngaha koe apung la hanelah na cawi sak awm mahoe.

<sup>21</sup> Nange BAWIPA Cathut koe lawk na kam pawiteh, na kam e patetlah sak laipalah awm hanh. Nange BAWIPA Cathut ni atangcalah, a hei han. Na sak laipalah na awm pawiteh, nang koe a yonae a pha han.

<sup>22</sup> Hatei, lawk na kam hoehpawiteh, yon mahoe.

<sup>23</sup> Na pahni dawkh hoi ka tâcawt e lawk hah na kâhruetcuet han. Na BAWIPA Cathut koe nama lungtho lahoi na kam e patetlah na sak han.

<sup>24</sup> Nang teh, na imri e misur takha koe na kâen navah, misur paw na ngai totouh na ca han, hatei, na yawngya dawkh hoi na phawt pouh mahoe.

<sup>25</sup> Na imri e laikawkh na cei navah, na kut hoi cavui hah na pahroe thai. Hatei, na imri e cavui hah tangkoun hoi na ca mahoe.

## 24

### *Yuvâ kampheinae*

<sup>1</sup> Tongpa buet touh ni yu a la teh, a paluen hnukkhu, yon pen hanelah ao dawkvah, a lungkuiep hoehpawiteh, manae ca a thut vaiteh, a poe hnukkhu a cei sak han.

<sup>2</sup> Hote napui teh a vâ im hoi a cei hnukkhu alouke tongpa e yu lah o thainae kâ ao.

<sup>3</sup> Bout a vâ e ni hai hmawt ngai hoehpawiteh, manae ca a thut teh a kut dawkh a poe teh, a im dawkh hoi a ceisak nakunghai thoseh, a vâ kadout nakunghai thoseh,

<sup>4</sup> ahmaloe e tongpa ni hote kamhnaung e napui hah a yu lah bout lat mahoe. BAWIPA hmalah panuetho e lah ao. Na Cathut BAWIPA ni râw lah na poe ram daw k yon na thokhai mahoe.

<sup>5</sup> Yu nuengnueng ka paluen e teh taran tuknae koe cet mahoe. Rangpui thaw hai patoun mahoe. Kum touh thung im ao vaiteh, a yu hah a khetyawt han.

<sup>6</sup> Talung sum avan lae hai thoseh, athung lae hai thoseh, apini hai laiba daw k na lat pouh mahoe. Hottelah na lat pawiteh, a hringnae na la pouh e hoi a kâvan.

<sup>7</sup> Tami ni amae hmaunawngaha hai thoseh, Isarelnaw hah a paru teh san lah a ta hai thoseh, a yo hai thoseh, hote tamru hah na hmawt pawiteh, na thei awh han. Nang koehoi yonnae hah hottelah na takhoe awh han.

<sup>8</sup> Hrikbei patawnae dawkvah, Levih ca vaihmanaw ni na pâtu e patetlah na sak awh han.

<sup>9</sup> Nangmouh teh, Izip ram hoi na tâco awh teh, kahlawng na cei awh lahun nah, nangmae BAWIPA Cathut ni Miriam koe a sak e hno hah pouk awh.

<sup>10</sup> Nang ni nama e pacanaw koe hno na cawi sak pawiteh, pâhung e hno la hanelah ahnie im thung na kâen mahoe.

<sup>11</sup> Nang teh alawilah na kangdue vaiteh, a pâhung e hno hah nang na onae koe alawilah a sin han.

<sup>12</sup> Ahni teh roedeng pawiteh, a pâhung e hno poe hanelah kanî na loum sak mahoe.

<sup>13</sup> Ahni ni amae hni a kâkhu laihoi a i vaiteh, nang yawhawi na poe nahanelah, a pâhung e hno hah kanî khum pawiteh, na poe mingming han. Hottelah sak e teh, na BAWIPA Cathut hmalah kalan e hno doeh.

<sup>14</sup> Paca reira thoseh, na kho dawk kaawm e Jentelnaw hai thoseh, ka roedeng e hah na rektap mahoe.

<sup>15</sup> A hnintangkuem amae thaw tawk phu hah na poe han. Poe laipalah kanî loum sak hanh. Ahni teh a mathoe dawkvah, a hmu hane aphu dawk a lungpen han. Poe laipalah na awm pawiteh, ahni ni BAWIPA koe hram vaiteh, nang koe yonpennae phat langvaih tie ngaihrinae ao.

<sup>16</sup> Na pa teh capa e yon kecu dawk thoseh, capa teh na pa e yon kecu dawk thoseh, thet mahoe. Tami pueng amae yon kecu dawk duenae a khang aw hah.

<sup>17</sup> Kalan lah lawkcengnae koe, Jentelnaw hoi naranaw hah na phen mahoe.

<sup>18</sup> Nang teh Izip ram vah san lah ouk na o e hai thoseh, na BAWIPA Cathut ni hote ram thung hoi na ratang e hai thoseh, na pouk han. Hatdawkvah, hete phunglawk hah na hruék pouh aw hah.

<sup>19</sup> Nang ni na laikawk dawc cang na a toteh, na pahnim e cabong hah bout na lat mahoe. Na tawksak e pueng dawc na BAWIPA Cathut ni yawhawi na poe nahanelah, hote cabong hah, Jentelnaw hane, naranaw hane, lahmainaw hanelah na hruék han.

<sup>20</sup> Nange olive paw na karuek toteh, kacawie naw hah bout na karuek mahoe. Jentelnaw,

naranaw, lahmaw hanelah na hruek pouh aw hah.

<sup>21</sup> Na misur takha daw, misur paw na khi toteh, kacawiraenaw hah bout na khi mahoe. Jentelaw, naranaw, lahmaw hanelah na hruek pouh aw hah.

<sup>22</sup> Nangmouh teh Izip ram vah san lah ouk na o aw hah na pouk aw hah. Hatdawkvah, hete phung lawk hah na hruek pouh aw hah.

## 25

<sup>1</sup> Tami reira kâyue pawiteh, lawkcengim vah a cei aw hah vaiteh, lawkcengkung ni ahnimanaw hah lawk a ceng hah. Kalan e tami hah yon hloutsak nahanelah thoseh, ka yon e teh sungsak nahanelah thoseh lawk na ceng hah.

<sup>2</sup> Ka yon e hah hem kamcu pawiteh, lawkcengkung ni a hmalah ao sak vaiteh, a yon hoi kamcu lah nâyittouh tie hoi a hem hah.

<sup>3</sup> Hatei, avai 40 hlak kapap lah na hem mahoe. Hot hlak kapap lah na hem pawiteh, na hmaunawngah teh na hmalah yeirai a phu hah doeh.

<sup>4</sup> Cangkatin lahun e maito hah a pahni moum pouh hah.

### *Levihaw e kâpaluennae*

<sup>5</sup> Reirei kaawm e hmaunawnganaw thung dawkvah, buetbuet touh ni ca sak laipalah dout pawiteh, hote napui teh alouke tamikathan hoi kâyuva mahoe. A vâ e nawngah ni a paluen vaiteh, a yu lah awm khai naseh.



<sup>6</sup> Isarel miphun daw k hmau min a kahma hoeh nahanelah, camin teh, kadout e na pa kacue e min a phu han.

<sup>7</sup> A nawng ha ni a hmau e yu hah la hane ngai hoeh pawiteh, napui ni kacuenaw onae koe, kho longkha koe a cei vaiteh, ka vâ e nawng ha ni, a hmau e min hah Isarel miphun thung caksak hanelah ngai hoeh. A sak hane kaw i hai sak hane ngai hoeh telah dei pawiteh,

<sup>8</sup> khothung vah kacuenaw ni ahni hah a kaw aw h vaiteh, a pacei aw h han. Ahni ni hai hote napui hah ka lat ngai hoeh telah muentakuen lah aw m pawiteh,

<sup>9</sup> a hmau e yu ni kacuenaw e hmalah, ahni koe rek a cei vaiteh, ahnie khokkhaw m hah a rading pouh vaiteh, a minhmai daw k a tamthawi pouh vaiteh, hmau e im kangdue sak hanlah ka ngai e tami koe hettelah ti hanelah ao telah a dei pouh aw h han.

<sup>10</sup> A hnukkhu vah, ahni hah khokkhaw m rading e miphun telah kaw lah ao han.

<sup>11</sup> Tami reira a kâyue aw h navah, buet touh e a yu ni amae vâ kabaw p han a ngai daw kvah, alouke tongpa e minro hah sawn pouh boipaw iteh,

<sup>12</sup> hote napui e kut hah tâtueng pouh han. Na pahren mahoe h.

<sup>13</sup> Na yawng ya daw k kalen e khinglung, kathoung e khinglung tie kâvan hoeh e khinglung na aw m sak mahoe h.

<sup>14</sup> Nama im vah khingnae kalen kathoung na aw m sak mahoe h.

<sup>15</sup> Na BAWIPA Cathut ni na poe e ram daw k

na hringyung a vang nahanelah, kahman e khinglung, kahman e yawcu dueng hah na hno han.

<sup>16</sup> Dei tangcoung e hno ka sak e tami pueng hoi kamsoum hoeh lah ka sak tami pueng teh, nange BAWIPA Cathut ni a panuet.

<sup>17</sup> Nang teh Izip ram hoi na tâco teh kahlawng na cei toteh,

<sup>18</sup> na tha a baw teh na tawn lahun nah, na hnukkâbangnaw, a thakayounnaw hah Amaleknaw ni lamthung dawkvah a thei aw h e hai thoseh, Cathut hah a taki aw h hoeh e hai thoseh, pouk la a.

<sup>19</sup> Hatdawkvah, BAWIPA Cathut ni râw lah na poe e ram daw k, na tengpam kaawm e taran pueng e kut daw k hoi na hlout sak teh yawhawi na poe toteh, Amaleknaw heh pouknae ao hoeh nahanelah, kalvan rahim vah na raphoe aw h han. Hot hah na pahnim mahoe h.

## 26

*Aluepaw hoi Hra touh daw k buet touh thueng-nae*

<sup>1</sup> Nange BAWIPA Cathut ni râw lah na poe e ram daw k, na kâen teh, na coe hnukkhu haw vah kho na sak aw h toteh,

<sup>2</sup> nange na BAWIPA Cathut ni na poe e na ram daw k e na khi e talai a paw hik a phunphun daw k e aluepaw na la vaiteh, tangthung daw k na raseng vaiteh, na BAWIPA Cathut e min ao nahanelah raw i e hmuen koe na ceikhai han.

<sup>3</sup> Hatnae tueng daw kvah, vaihmanaw koe na cei vaiteh, ahnimouh koe na dei pouh han e teh,

maimouh na poe hanelah mintoenaw koe Cathut ni a kam e ram dawk pha awh toe, telah nange BAWIPA Cathut koe sahnin ka pathang telah na dei awh han.

<sup>4</sup> Vaihma ni tangthung a la vaiteh, BAWIPA e hmalah a pâhung han.

<sup>5</sup> Nang ni na BAWIPA e hmalah na dei haneh, ka kâva e Aram miphun teh kaie na pa doeh. Ahni teh Izip ram lah a ceicathuk teh, tami youn touh hoi imyin patetlah ao. Hatei, hote hmuen koevah, puenghoi a kampung awh teh, a thao awh.

<sup>6</sup> Izipnaw ni kaimanaw hah na rektap awh teh, kaimouh van vah, thaw karunaw hah a toung awh.

<sup>7</sup> Hat toteh, kaimouh ni BAWIPA koe ka hram awh teh, BAWIPA ni kaimae lawk hah a thai teh, kaimae runae, thatawnae, hoi rektapnae hah na hmu pouh.

<sup>8</sup> Hatdawkvah, BAWIPA ni a dâw e thaonae kut hoi, takikatho poung e hoi, mitnout hoi, kângairu hnonaw hoi kaimanaw hah Izip ram thung hoi na tâcokhai awh.

<sup>9</sup> Hete khoitui hoi maito sanutui a lawngnae hmuen hah kaimouh na poe awh.

<sup>10</sup> Atu khenhaw! Oe BAWIPA, nang ni na poe e ram thung e aluepaw hah na thokhai toe telah na dei awh han. Hathnukkhu, nang ni hote aluepaw hah na BAWIPA Cathut e hmalah na pâhung vaiteh, na BAWIPA Cathut e hmalah na bawk han.

<sup>11</sup> Na BAWIPA Cathut ni na poe e kahawi e hno pueng dawkvah, nama hoi na imthungkhu

hoi, Levihnaw hoi, nangmouh koe kaawm e imyinnaw hoi cungtalah na lunghawikhai aw h han.

<sup>12</sup> Nang ni, na hmu e thung daw k, hra touh daw k buet touh poenae kum a kum thum kum daw kvah, pung hra pung touh na hruek toteh, Levihnaw, imyinnaw, naranaw, hoi lahm ainunaw hah na poe han. Hottelah na sak paw iteh, ahnimouh hai a von a paha van han.

<sup>13</sup> Hathnukkhu, nang ni na BAWIPA Cathut e hmalah na dei hane teh, kai ni ka talue sak e poe hane hno im hoi ka takhoe teh, nang ni na dei kâpoelawknaw patetlah imyinnaw, Levih naranaw, hoi lahm ainunaw hah ka poe toe. Kai teh nange kâpoelawknaw ka tapoe hoeh. Ka pahnim hoeh.

<sup>14</sup> Kai teh kadoutnaw hanelah ka lungmathoe toteh, hote hnonaw hah ka cat hoeh. Ka khin nah hote hno hah kai ni ka takhoe hoeh. Kadoutnaw hanelah hote hno hah ka poe hoeh. Ka BAWIPA Cathut e lawk hah ka tarawi toe. Kai hanelah na dei pouh e patetlah ka tawksak toe.

<sup>15</sup> Kathounge na onae hmuen kalvan hoi na khet navah, na tami Isarelnaw hoi kaimae mintoenaw koe lawk na kam e ram, khoitui hoi maitosanutui a lawngnae ram yawhawi poe haw telah na dei han.

<sup>16</sup> Sahnin hete phunglawknaw hoi lawkcengnaenaw hah na tarawi nahanelah na BAWIPA Cathut ni na poe toe.

<sup>17</sup> Sahnin vah a lamthung dawn laihoi phunglawk, kâpoelawk, lawkcengnae hoi a lawk ngâi hanelah BAWIPA teh na Cathut lah ao nahan na pathang toe.

<sup>18</sup> BAWIPA ni nang teh amae miphun lah na o titeh a pathang toe. Hatdawkvah, nang ni amae kâpoelawk pueng hah na tarawi hanelah ao toe.

<sup>19</sup> Hathloilah, a sak e miphun pueng e lathueng vah oupnae, kamthangnae, barinae lah na o sak han. Ama ni lawk a kam tangcounge e patetlah nang teh BAWIPA Cathut hanelah kathounge miphun lah na o han.

## 27

### *Lunghen dawk thut e kâlawk*

<sup>1</sup> Hathnukkhu, Mosi hoi Isarel kacuenaw ni taminaw koe a dei awh e teh, sahnin kai ni ka hruek e kâpoelawk pueng hah tarawi awh.

<sup>2</sup> Nang ni Jordan palang na raka teh, BAWIPA Cathut ni na poe e ram dawk na pha toteh, kalen e talungnaw hah ung nateh, thungpangaw hoi na hluk han.

<sup>3</sup> Mintoenaw ni a bawk awh e Cathut BAWIPA ni a lawkkam ao e patetlah nang na poe e ram, khoitui hoi maitosanutui a lawngnae ram kâen hanelah na raka hnukkhu, hete kâlawk dawk e lawklung pueng hah hotnaw dawk na thut han.

<sup>4</sup> Jordan palang raka hnukkhu, sahnin kai ni lawk na thui e talungnaw hah, Ebal mon dawk na ung vaiteh, mirangtalai hoi na kanan han.

<sup>5</sup> Hote hmuen koehai na BAWIPA Cathut hanelah,

<sup>6</sup> thuengnae khoungroe hah talung hoi na sak awh han. Sum hno laipalah, pathei hoehe talung hoi na sak han. Nang BAWIPA Cathut hah hote khoungroe dawk hmaisawi thuengnae na thueng han.

<sup>7</sup> Roum thuengnae hai na thueng vaiteh, hote hmuén koe na canei awh vaiteh, a hmalah nawmnae na sak awh han.

<sup>8</sup> Hote talung dawkvah, hete lawknaw hah kamcengcalah na thut han.

<sup>9</sup> Hathnukkhu, Mosi hoi vaihmanaw, Levihnaw niyah, Oe Isarel miphun, kâhruetcuet laihoi thai haw. Sahnin nang teh, BAWIPA Cathut e miphun lah na o toe.

<sup>10</sup> Hatdawkvah, na BAWIPA Cathut e lawknaw hah na tarawi han. Sahnin kaimouh ni patuen ka dei awh e kâpoelawknaw hoi phunglawknaw hah tarawi telah Isarelnaw pueng hah a dei pouh awh.

*Ebal mon hoi thoebonae*

<sup>11</sup> Mosi ni hot hnin vah, taminaw koe kâ a poe e teh,

<sup>12</sup> nangmouh ni Jordan palang na raka awh hnukkhu, taminaw yawhawi poe hanelah Gerizim mon daw k ka kangdout hane naw teh: Simeon, Levih, Judah, Issakhar, Joseph, hoi Benjamin tinaw doeh.

<sup>13</sup> Thoebo hanelah Ebal mon daw k ka kangdout hane naw teh: Gad, Reubeb, Asher, Zebulun, Dan, hoi Napthali tinaw doeh.

<sup>14</sup> Hatnavah, Levihnaw ni Isarelnaw koe puenghoi a hramkhai hane lawk teh,

<sup>15</sup> BAWIPA ni a panuet e hno, kutsak hlun e meikaphawk ka sak niteh, a kamnuenhoehnae koe ka tat e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

16 Manu hoeh pawiteh na pa ka dudam e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

17 Imri e lawrilung ka puen e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

18 Mitdawn lam ka phen sak e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

19 Kalan lah lawkceng navah, miphun alouknaw, naranaw, lahmainunaw hah kamsoum hoeh lah ka sung sak e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

20 Na pa hoi dueng kâkuen e na pa e a yu hah ka ipkhai e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

21 Saringnaw buetbuet touh ka ipkhai e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

22 Na pa e canu, manu e canu, mae tawncanu ka ipkhai e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

23 Yu e manu ka ipkhai e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

24 Imri hah arulahi ka thet e tami teh yawthoenae awm lawiseh telah thoe a bo awh vaiteh, tami pueng ni Amen ati awh han.

25 Yon ka tawn hoehe tami thei hanelah apu ka lat e tami teh yawthoenae awm lawiseh telah

thoe a bo awh vaiteh, tami pueng ni Amen ati awh han.

<sup>26</sup> Hete kâlawk dawk e lawklungnaw ka cak sak hoehe teh yawthoenae awm lawiseh telah thoe a bo awh vaiteh, tami pueng ni Amen ati awh han.

## 28

### *Lawkngainae dawk yawhawinae*

<sup>1</sup> Sahnin kâ na poe e kâpoelawknaw na tarawi nahanelah, na BAWIPA Cathut e lawk hah na ngai pawiteh, BAWIPA Cathut ni nang teh mi-phunnaw lathueng na tawm han.

<sup>2</sup> Na BAWIPA Cathut e lawk hah na tarawi pawiteh, nang koe ka tho hane yawhawinaw hateh:

<sup>3</sup> Nang teh kothung vah yawhawi, kahrawngum hai yawhawi lah na o han.

<sup>4</sup> Canaw lahoi thoseh, talai a pawhik lahoi thoseh, saring ni a khe e a canaw lahoi thoseh, tu hoi maitonaw lahoi thoseh, yawhawi lah na o han.

<sup>5</sup> Tangthung dawk thoseh, tavai kanawknae kawlung dawk thoseh, yawhawi ao han.

<sup>6</sup> Na im thung na kâen nah yawhawi ao han. Alawilah na tâco nah yawhawi ao han.

<sup>7</sup> Nang na ka tuk hane tarannaw hah na hmalah BAWIPA ni a sung sak han. Ahnimouh teh lamthung buet touh hoi nang koe a tho awh eiteh, lamthung sari touh hoi a yawng awh han.

<sup>8</sup> Nange hnoim dawk thoseh, na tawksak-nae tangkuem dawk thoseh, BAWIPA nang koe yawhawi pha sak hanelah a dei pouh awh han.



BAWIPA Cathut ni na poe e ram dawk nang yawhawinae na poe han.

<sup>9</sup> Nang teh na BAWIPA Cathut e kâpoelawk na tarawi teh, a lamthung dawk na dawn pawiteh, BAWIPA ni thoebo e patetlah nang hah BAWIPA hanlah, kathounge miphun lah pou na o sak han.

<sup>10</sup> Nang teh, BAWIPA e min lahoi kaw lah na o tie miphun pueng ni a panue teh, na taki awh han.

<sup>11</sup> BAWIPA ni nang koe na poe hanelah, mintoenaw koe thoebo e ram dawk hnopai, na canaw, saring pungdawnae hoi talai dawk a pawhik a pung sak han.

<sup>12</sup> BAWIPA ni atueng a pha torei teh, nange ram dawk kho a rak sak hane thoseh, na sak nah tangkuem dawk yawhawi poe hane thoseh, kalvan hnoim a paawng han. Nang ni miphunaw hah câwisaknae kâ ao han. Ahnimouh ni nang na cawi sak mahoe.

<sup>13</sup> BAWIPA ni nang teh a mai lah na awm sak laipalah, a lû lah na o sak dawkvah, nang teh rahim lah na awm laipalah, lathueng lah onae kâ na tawn han.

<sup>14</sup> Sahnin kai ni kâ na poe e lawknaw thung hoi avoilah, aranglah phen laipalah, alouknaw e cathut bawk laipalah na awm awh pawiteh, hottelah e hawinae hah na coe awh han.

*BAWIPA lawk kangaihoehnaw thoebo yawthoena*

<sup>15</sup> Sahnin ka dei e BAWIPA Cathut ni lawk na poe e pueng na tarawi hanelah, lawk na ngâi hoehpawiteh, na lathueng ka phat hane theobonae hateh:

<sup>16</sup> Nang teh khothung hai thoseh, kahrawngum hai thoseh yawthoe lah na o awh han.

<sup>17</sup> Tangthung dawk thoseh, tavai kanawknae kawlung dawk thoseh, theobo lah ao han.

<sup>18</sup> Canaw lahoi thoseh, talai a pawhik lahoi thoseh, saring ni a khe e a canaw lahoi thoseh, tu hoi maitonaw lahoi thoseh, theobo lah na o han.

<sup>19</sup> Na im thung na kâen nah theobo lah na o han. Alawilah na tâco nah theobo lah ao han.

<sup>20</sup> BAWIPA na pahnawt teh na sakpayon e yon kecu dawk, karang pounng lah rawknae koe na pha hoehroukrak, na tawksak e pueng dawk rektapnae, tarawknae, pathoenae naw teh na lathueng vah a pha sak han.

<sup>21</sup> Na cei teh na coe hane ram dawk hoi be na raphoe hoehroukrak, lacik ka pha sak han.

<sup>22</sup> BAWIPA ni laheipatawnae, vairoe, ekkhu, vuenpatawnae, tahloi hoi theinae, kahlî hoi thingthairompo due saknae, ahri ni ca e lahoi thingthairompo due saknae, khokangnae naw hoi na rawk totouh, hote laciknaw ni na pâlei han.

<sup>23</sup> Na lathueng e kalvan teh na lû dawk rahum patetlah thoseh, na rahim e talai hai sum patetlah ao han.

<sup>24</sup> BAWIPA ni na ram dawk ka rak e kho hah lailo hoi vaiphu lah ao sak dawkvah, na rawk hoehroukrak kalvan lahoi na van a bo sak han.

<sup>25</sup> Na tarannaw hmalah BAWIPA ni lacik na poe han. Lamthung buet touh dueng dawk hoi na cei sin ei, lamthung sari touh dawk hoi na yawng aw h vaiteh, talai van kaawm e khoram tangkuem na kampuen aw h han.

<sup>26</sup> Na ro teh tavanaw, kahrawng e moithangnaw ni ca hanelah ao han. Hote moithangnaw hah apinihai pâlei mahoe.

<sup>27</sup> BAWIPA ni nang hah Izip ram e âhlut, baksa, takpatha e lahoi lacik na poe han.

<sup>28</sup> Pathunae, mitdawnnae, lungpuennaec lacik a pha sak vaiteh,

<sup>29</sup> mitdawn ni hmonae koe a payam e patetlah nang teh kanîthun vah thupthup na payam han. Na sak e hno dawc na cum laipalah, rektapnae, lawpnae na khang vaiteh, apinihai na rungngang mahoe.

<sup>30</sup> Yu na paluen eiteh, ayânaw ni a ikhai han. Im na sak eiteh, na awm nah mahoe. Misur na ung eiteh, a paw na khi mahoe.

<sup>31</sup> Na maito hah na hmalah a thei awc eiteh, nama ni na cat mahoe. Nange la hah na hmalah thama lahoi a ceikhai awc eiteh, bout na poe awc mahoe toe. Nange tunaw hah taran kut dawc poe toteh, ka rungngang hane awm mahoe.

<sup>32</sup> Na canaw teh ayâ kut dawc a pha teh, na mit ni kanîrui a khet vaiteh, a tha a baw han. Na kut hai a tha awm mahoe.

<sup>33</sup> Na panuepaca hoe e mipun ni na ram dawc e a pawhik hai thoseh, na tawc teh na hmu e hnonaw hai thoseh a ca awc han. Nang teh rektapnae dueng doeh pout laipalah na khang ti.

<sup>34</sup> Hottelah, ma ni khei kâhmo e dawcvah, nang teh na pathu han.

<sup>35</sup> BAWIPA ni na khokpakhu hoi na khok hloilah, na khoktabei koehoi kamtawng teh, na laduem koe totouh, kahmat thai hoe e lacik a pha sak han.

<sup>36</sup> BAWIPA ni nang ni na tawm e siangpahrang hah, nang hoi na mintoenaw ni a panue boihoeh e miphun koe, na thak vaiteh, nang teh alouke cathut, thing cathut, talung cathutnaw hah na bawk han.

<sup>37</sup> BAWIPA ni nang na thaknae ram tangkuem dawkvah, nang teh, kângairunae, bangnue-bangta nahane, pathoe hanelah na o han.

<sup>38</sup> Nang ni cati moikapap laikawk koe na sin eiteh, awsinaw ni a ca dawkvah, cakang youn touh ca doeh na a ti.

<sup>39</sup> Misur takha na sak teh, misur ka ung nakunghai, ahri ni a ca dawkvah, nama ni misur paw na khi mahoe. Misur tui hai na net mahoe.

<sup>40</sup> Na onae koe olivekung ao eiteh, a paw hmin hoehnahlan a sarut dawkvah, nang teh olive satui na kâhluk mahoe.

<sup>41</sup> Canu capa na khe eiteh, ahnimouh hoi na nawm mahoe. Taran ni san lah a man han.

<sup>42</sup> Na onae ram dawkvah, thing kaawm e pueng, talai a pawhik kaawm e pueng, awsi ni a ca han.

<sup>43</sup> Nang hoi rei kaawm e imyinnaw teh, rasang vaiteh, nang van a luen aw h han. Nang law teh rahim lah na kum han.

<sup>44</sup> Ahni ni nang na cawi sak vaiteh, nang ni ahni na cawi sak mahoe. Ahni ni a lû lah awm vaiteh nang law teh a mai lah na o han.

<sup>45</sup> Bawi ni na poe e kâpoelawknaw hoi BAW-IPA e phunglawknaw hah tarawi nahanelah na BAWIPA Cathut e lawk na ngâi hoe dawkvah, nang teh, na rawk totouh hete thoebonae teh nang lathueng phat vaiteh, na pâlei vaiteh rek

na patawt han.

<sup>46</sup> Nang lathueng thoseh, na catounnaw lathueng thoseh, pout laipalah mitnoutnae kângairu hno lah ao han.

<sup>47</sup> Hnopai na tawn toteh, lunghawinae hoi BAWIPA Cathut e a thaw hah na tawk aw h hoeh dawkvah,

<sup>48</sup> BAWIPA ni a patoun e tarannaw e thaw hah vonhlam hoi, tui kahran hoi, caici lah onae hoi bangpueng daw k roedeng laihoi na taw k aw h han. Na raw k aw h hoehroukrak na lahuen daw k sumkahn am a bang aw h han.

<sup>49</sup> Ahla poungnae koe e miphunnaw hah nang-mouh tuk sak hanelah, BAWIPA ni patoun vaiteh, mataw kam leng e patetlah a tho aw h han.

<sup>50</sup> A law k na thai aw h hoeh e miphun, kacue-naw hai ka bari hoeh e miphun, kanawnaw hai ka pahren hoeh e miphun, ka matheng e miphun lah ao aw h han.

<sup>51</sup> Na raw k aw h hoehroukrak, taran ni na tuca, maitoca, talai a pawhik ca hane, cakang, misurtui, satui pueng nang hanelah pek mahoe h.

<sup>52</sup> Na ram daw k e na kâuep e khopui rapan-naw pueng a tip aw h hoehroukrak, na khoram kaawm e pueng a kalup aw h han. Na BAWIPA Cathut ni na poe e na ram kaawm e pueng, na khoram kaawm e pueng daw k hai thoseh a kalup aw h han.

<sup>53</sup> Na taran ni khik na kalup daw kvah, na BAWIPA Cathut ni na poe e canu capa camosennaw e moinaw hah na ca aw h han.

<sup>54</sup> Na onae kho hah taran ni khik a kalup toteh,

<sup>55</sup> a nuen kahawi e tongpa ni a takang lawi vah, amae hmau, a pahren e a yu, hoi a pek e

a canu capanaw patenghai yah, rei van laipalah a ca han.

<sup>56</sup> Na onae kho hah taran ni khik a kalup teh runae na kâhmo toteh, a takthai a naw lawi vah, talai patenghai ka coungroe boihoeh e napui ni hai, a pahren e a vâ, a canu hoi a capa patenghai hmawt ngai mahoe.

<sup>57</sup> A khe e camonaw hoi a thunnaw patenghai arulaoi a ca awh han.

<sup>58</sup> Na BAWIPA Cathut, ka lentoe ni teh takikatho poung e min hah taki hanelah thoseh, hete kâlawk dawk thut lah kaawm e hete lawk-lungnaw pueng hah kâhruetcueth lahoi na tarawi hoe pawiteh,

<sup>59</sup> nange lacik hoi na ca catounnaw koe ka phat hane lacik hah atueng ka saw sak vaiteh, dam thai hoe e kângairu han kawi hah BAWIPA Cathut ni a tho sak han.

<sup>60</sup> Hotnaw e hmalah, nang ni na taki e Izip ram e patawnae pueng hai BAWIPA ni nang dawk a pha sak han. Hotnaw teh nang dawk a kâbet awh han.

<sup>61</sup> Hothloilah, hete kâlawk cauk dawk thut lah kaawm hoe e patawpanatnae lacik kaawm naw pueng hai, na rawk hoehroukrak BAWIPA ni nang dawk a pha sak han.

<sup>62</sup> Kalvan e âsi yit touh na kapap awh nakung-hai, BAWIPA Cathut e lawk na ngâi awh hoe dawkvah, kayounca lah na o awh han.

<sup>63</sup> BAWIPA ni nangmouh hanlah hawinae sak e hoi pungdaw sak hanelah a ngai e patetlah nangmouh lathueng rawknae pha sak hane hoi nangmouh raphoe e dawk a lunghawi teh, coe

hanelah na kâen sin aw h e ram thung hoi phawk lah na o aw h han.

<sup>64</sup> BAWIPA Cathut ni talai poutnae koehoi avanglah apoutnae koe totouh, miphun pueng koe na kâkahei sak han. Hawvah, na mintoenaw ni a panue aw h hoeh e thing cathut, talung cathutnaw hah na baw k aw h han.

<sup>65</sup> Hote miphunnaw rahak vah, nang teh roumnae aw m mahoe h. Na khok kâhatnae aw m mahoe h. Lungtâsuenae, mit thayounnae, hoi lungthoengnae hah BAWIPA ni na poe han.

<sup>66</sup> Nang teh karum khodai pout laipalah, lungpuenna e hoi, kadout han na ou, ka hlout han na ou tie panue k laipalah na o han.

<sup>67</sup> Na lungthung vah takinae, na mit hoi na hmu e hno dawkvah, nang ni amom vah tangmin a pha lei saw na ti vaiteh, tangmin vah, amom a pha lei saw na ti han.

<sup>68</sup> Hote lam hah bout na hmaw t aw h mahoe h toe ka tie lam daw k hoi BAWIPA ni nang hah Izip ram lah lawng hoi bout na thak dawkvah, hote ram daw k sanpa sannu lah o hanelah, tarannaw koe na yo aw h han. Hateiteh, apinihai nang hah na ran ngaihoeh telah Isarelnaw koe a dei aw h han.

## 29

*Moab ram vah BAWIPA hoi Isarelnaw lawkkamnae*

<sup>1</sup> Hethateh, Horeb hmuen koe Isarelnaw hoi BAWIPA ni lawkkam e hloilah, Moab ram daw k Isarelnaw hoi lawkkam hanelah, Mosi koe a dei pouh e lawkkam law k doeh.

<sup>2</sup> Mosi ni Isarelnaw pueng ama koe a kaw teh, nangmouh ni patuen bout na dei awh hane teh, Izip ram Faro siangpahrang hoi a taminaw hoi a ram pueng e lathueng na mithmu roeroe vah, BAWIPA ni a sak e pueng teh be na hmu awh toe.

<sup>3</sup> Tanouknae, mitnoutnaw, hoi kângairu hnonaw hah na mit hoi roeroe na hmu awh.

<sup>4</sup> Hatei, thaipanueknae lung, hmuthainae mit, thaithainae hnânaw hah sahnin ditouh na poe awh hoeh rah.

<sup>5</sup> A kum 40 touh thung kahrawngum vah nangmouh na hrawi awh toe. Nangmae khohna pawn hoeh. na khokkhawm hai pawn hoeh.

<sup>6</sup> BAWIPA teh nangmae BAWIPA Cathut lah ao tie na panue awh nahanelah, nangmouh ni vaiyei na cat awh hoeh, misur hoi yamu hai na net awh hoeh.

<sup>7</sup> Hete hmuen koe na pha awh navah, Heshbon siangpahrang Sihon hoi Bashan siangpahrang Og tinaw teh, kaimouh na tuk hanelah a tho awh teh, kaimouh ni ka tâ awh.

<sup>8</sup> Aram ka la awh hnukkhu Reuben, Gad, Manasseh miphun tangawn naw hah râw lah ka poe awh.

<sup>9</sup> Na tawksak awh e hno pueng dawkvah, hawinae na coe awh nahanelah, hete lawkkam heh kuen awh nateh hringkhai awh.

<sup>10</sup> Atuvah miphun kahrawikung abuemlahoi,

<sup>11</sup> kacuenaw hoi kahrawikungnaw, Isarelnaw pueng, camosennaw, na yunaw, na imluennaw, na thing katâtuengnaw, na tui kadonaw totouh,

<sup>12</sup> sahnin BAWIPA ni nangmouh koevah, thoebo lah kaawm e lawkkam thungvah na kâen



awh thai nahane hoi,

<sup>13</sup> na pa Abraham, Isak, hoi Jakop hoi nangmouh koe lawk a kam teh a dei tangcoung patetlah nangmae Cathut lah ao thai nahane hoi a tami lah na o thai nahanelah caksak lah na o awn nahan,

<sup>14</sup> thoebonae hoi lawkkamnae hah nangmouh koe dueng ka sak e tho hoeh.

<sup>15</sup> Sahnin BAWIPA Cathut hmalah kangdout e hoi atu hi kaawm hoeh e naw koehai a sak e doeh.

<sup>16</sup> (Bangkongtetpawiteh, Izip ram vah bangtelamaw khosak awn tie hoi nangmouh ni na ceinae miphunnaw e rahak vah bangtelamaw na cei awn tie hai na panue awn.

<sup>17</sup> Ahnimae panuetho e hnopainaw hoi, ahnimouh koe kaawm e thing, talung, sui, ngun naw hoi sak e ahnimae meikaphawknaw hah nangmouh ni na hmu awn toe. )

<sup>18</sup> BAWIPA Cathut koehoi phen hane ngainae lungpouk na tawn awn teh, hote miphunnaw e cathutnaw koe na cei awn teh, tongpa, napui, imthung thoseh, miphunnaw hoi ka cet e, kakhat e a paw lungkhueknae a paw, a khongyang teh nangmouh dawk a paw han tie thoseh,

<sup>19</sup> hot patetlae tami teh, thoebonae lawk a thai navah, a lungpata e patetlah ka sak vaiteh, tui kahrannae dawk paruinae mek bawksak nakunghai, lungmawng lah ka o han ka tet e awn langvaih tie ngaihrinae ao.

<sup>20</sup> Ahni teh BAWIPA ni pasai hoeh, dipmana, lungkhueknae hmaikhu a tâco teh, Cakathoung dawk thut e thoebonae naw ahnimae lathueng

ao han. BAWIPA ni ahnie min teh, kalvan rahim a raphoe han.

<sup>21</sup> Hete kêlawk cauk dawk thut e thoebonae lawkkam e patetlah Isarel mipfun pueng thung hoi BAWIPA ni a kapek han.

<sup>22</sup> Ram thungvah BAWIPA ni a poe hane lacik hoi patawnae hah na hnuklah ka tho hane sekatha na catounnaw hoi ahlanae koehoi ka tho hane ramlouk e taminaw ni a hmu aw h toteh,

<sup>23</sup> Ram thungvah gan, palawi, hoi hmaisaaan, cati patue thaihoe hnae, apawhik a tâcohoe hnae, a lungphuenna e hoi a lungkhueknae hoi BAWIPA ni a tâkhawng e Sodom hoi Gomorra hoi Admah hoi Zeboiim patetlah a tâkhawng e a hmu aw h toteh,

<sup>24</sup> mipfun pueng ni, bangkongmaw BAWIPA ni hete ram heh hettelah a sak. Hete kalenpoung lungkhueknae heh bang nama aw ati aw h han.

<sup>25</sup> Hattoteh taminaw ni, Izip ram hoi a tâcokhai navah, ahnimouh hoi lawk a kam e ahnimae mintoenaw e BAWIPA Cathut e lawkkam hah a ceitakhai aw h teh,

<sup>26</sup> ahnimouh hanelah banghai ka pouk thai hoeh e cathut alouke, a panue aw h boihoeh e cathut thaw a tawk aw h daw k doeh ati aw h han.

<sup>27</sup> Hete cakathoung daw k thut lah kaawm e thoebonae pueng, hete ram daw k phasak hanelah, BAWIPA a lungkhuek.

<sup>28</sup> BAWIPA ni lungphuenna e, puenghoi lungkhueknae, Lungphuenna e hoi ahnimae ram daw k hoi ahnimouh hah a rasa teh, sahnin e patetlah alouke ram daw k a pâlei toe tie hah doeh.

<sup>29</sup> Kamnuek hoeh rae naw teh BAWIPA Cathut

mae doeh. Hatei, pâpho e naw teh maimouh hoi maimae canaw hanelah pout laipalah ao teh, hete kâlawnaw pueng teh tarawi nahanelah doeh.

## 30

### *BAWIPA koe bout bannae*

<sup>1</sup> BAWIPA Cathut ni na hreknae mipunnaw pueng koe kaawm e na hmalah ka hruék e yawhawinae hoi thoebonae hah na panue aw h teh,

<sup>2</sup> BAWIPA koe bout na ban aw h teh, atu kâ na poe e patetlah nama hoi na canaw hoi na lungthin, hringnae abuemlahoi a lawk na tarawi aw h pawiteh,

<sup>3</sup> BAWIPA Cathut ni san coungnae koehoi na ban sak aw h vaiteh, na pahren aw h han. Hahoi BAWIPA ni mipun pueng koe kâkayeinae koehoi bout na pâkhueng aw h han.

<sup>4</sup> Nangmouh thung daw k talai pout totouh pâlei e aw m pawiteh, BAWIPA na Cathut ni hote hmuen koehoi bout na pâkhueng aw h vaiteh, hote hmuen koehoi bout na tâcokhai aw h han.

<sup>5</sup> Mintoenaw ni a pang e ram koelah, bout na hrawi aw h vaiteh, na pang a han. Hatnavah bout na pahren aw h vaiteh mintoenaw h lak hoe na pung sak han.

<sup>6</sup> Na hring thai nahan, BAWIPA na Cathut hah lungthin, hringnae abuemlahoi lungpataw sak hanlah, BAWIPA na Cathut ni na lungthin hoi na catounnaw e lungthin vuensom a a pouh han.

<sup>7</sup> Nang na ka taran ni teh na kapacekpahleknaw, lathueng hai thoseh, ka dei tangcoung patetlah thoebonae pueng ka pha sak han.

<sup>8</sup> Bout na ban vaiteh, BAWIPA e a lawk dei e na tarawi vaiteh, sahnin na poe e kâpoelawknaw pueng na tarawi awh han.

<sup>9</sup> Nang ni na BAWIPA Cathut e lawk hah na tarawi teh,

<sup>10</sup> kâlawk cauk dawk thut e lah kaawm e phunglawk pueng na tarawi pawiteh, na BAWIPA Cathut koe na lungthin abuemlahoi bout na ban pawiteh, na tawk e pueng dawk tânae na hmu awh nahan hoi na canaw, saringnaw, apawhiknaw pung sak vaiteh, nang han hawinae na sak pouh han. BAWIPA teh na mintoenaw koe a lunghawi e patetlah nang dawk a lunghawi vaiteh, nang hanelah ahawinae lah a sak han.

### *Hringnae hoi duenae*

<sup>11</sup> Sahnin na poe e lawk teh na thaipanuek hoeh e lawk nahoeh.

<sup>12</sup> Nang hoi kâhlat hoeh. A lawk ngâi awh teh tarawi nahanelah, kalvan vah apimouh ka luen vaiteh, maimouh koe ka thokhai tie hah pacei sak hanelah kalvan vah kaawm e nahoeh.

<sup>13</sup> A lawk teh maimouh ni ngâi awh teh, tarawi awh nahan, talî apimaw ka rakat ni teh maimouh koe ka thokhai han telah ka pacei hanelah talî namran lah kaawm e nahoeh.

<sup>14</sup> A lawk teh na tarawi nahanelah nang hoi a hnai poung. Na pahni dawk thoseh, na lung dawk thoseh ao.

<sup>15</sup> Khenhaw! hringnae hoi hawinae, duenae hoi thoenaeh heh sahnin na hmalah ka hruek

<sup>16</sup> Na hring teh na pungdaw nahan hoi na pang hane ram dawk na BAWIPA Cathut ni yawhawi na poe nahan na Cathut hah na lungpataw han, a hnuk na kâbang vaiteh, kâpoelawknaw, phunglawknaw, hoi lawkcengnaenaw hah tarawi loe telah lawk na thui.

<sup>17</sup> Hatei, na lungthin hah alouklah a kamlang teh, lawkngai laipalah tami dumnae koelah na kamlang teh alouke cathut na bawk pawiteh,

<sup>18</sup> Jordan tui na raka teh na pang hane ram dawk na hring saw mahoe. Atangcalah rawknae koe na pha han telah sahnin kâhruetcuetnae na poe.

<sup>19</sup> Hringnae hoi duenae, yawhawi poenae hoi thoebonae naw na hmalah ka hruek. Nama hoi na canaw ni hring nahanlah rawi lawih. Kapanuekkung kalvan hoi talai ka kaw.

<sup>20</sup> Hatdawkvah, nang hoi na catounnaw ni na hring nahan hoi nange BAWIPA Cathut na lungpataw teh a lawk na tarawi dawkvah, hring-sawnae na kapoekung BAWIPA hah na kâhnai nahan thoseh, BAWIPA ni na mintoe Abraham, Isak, Jakop koe thoebo e ram dawk o hane hoi kâvan e hringnae rawi loe telah thoseh Isarel miphun koe a dei pouh.

## 31

### *Isarel kahrawikung katha Joshua*

<sup>1</sup> Mosi ni a cei teh Isarel miphun pueng koe bout a dei pouh e lawk teh,

<sup>2</sup> kai kum 120 a kuep toe. Nangmouh koe ka kâhlai thai hoeh toe, BAWIPA ni hai Jordan palang na rakat mahoe. ati toe.

<sup>3</sup> Nangmae BAWIPA Cathut ni na hmalah a raka teh hote khocanaw a raphoe vaiteh, ahn-  
 imae hmuen nangmouh ni na pang aw h han.  
 BAWIPA ni a dei e patetlah Joshua ni nangmae  
 hmalah a raka han.

<sup>4</sup> BAWIPA ni hai Amor siangpahrang Sihon hoi  
 Og daw k thoseh, a raphoe e ahnimae ram daw k  
 thoseh, a sak e patetlah hote khocanaw daw k a  
 sak han.

<sup>5</sup> BAWIPA ni ahnimouh nangmouh koe na poe  
 vaiteh, lawk na poe e patetlah ahnimouh daw k  
 a sak han.

<sup>6</sup> Tha kâlat aw h nateh, na taranhawi aw h.  
 Na lungtâsue aw h hanh. Ahnimouh taket aw h  
 hanh. BAWIPA teh nangmae Cathut lah ao.  
 Nangmouh hoi rei ka cet e teh BAWIPA doeh. Na  
 hnoun mahoe h, na cettak hai mahoe h telah ati.

<sup>7</sup> Joshua bout a kaw teh, tha kâlat nateh na  
 taranhawi haw. Bangkongtetpawiteh, BAWIPA  
 ni hete tami koe poe hanlah, mintoenaw koe  
 thoebo e ram koelah ahnimouh hoi rei na cei  
 vaiteh, râw na pang aw h han.

<sup>8</sup> Na hmalah BAWIPA a cei han, nang hoi rei  
 ao han, hnuklah na kamlang tak hai mahoe h,  
 tâsue hanh, na lungpout hanh, telah Isarel  
 miphunnaw hmalah a dei.

*Kum sari nah tangkuem kâlawk touk han*

<sup>9</sup> Mosi ni hete kâlawk a thut teh, BAWIPA e  
 lawkkam thingkong kâkayawn e Levih miphun  
 vaihmanaw, Isarel miphun kacuenaw koe a poe  
 teh,

10 Lawk a thui e teh, kum sari akuep nah sannaw hlout nahan sut oup e lukkareiim pawit tueng a pha navah,

11 Nangmae BAWIPA Cathut ni rawi e hmuen koe Isarel miphun pueng teh, a ham lah kâpâtuê hanelah a tho aw h toteh, hete kâlawk hah tamimaya hmalah na touk pouh han.

12 Tongpa, napui, camonaw nangmouh koe kaawm e imyinnaw ni a thai aw h teh a kamtu aw h teh BAWIPA na Cathut hah a taki aw h teh hete kâlawk pueng hah kâhruetcuê laihoi a hringkhai aw h nahanlah,

13 ka thai hoeh rae a canaw ni hai a thai aw h nahanlah Jordan palang namran lah cei vaiteh na pang aw h hane ram daw k na o aw h nathung BAWIPA na Cathut takinae a kamtu thai aw h nahanlah pâkhueng loe telah kâ a poe.

### *Isarelnaw taranthaw nahane sut a dei*

14 BAWIPA ni Mosi koe, na due nahane tueng a hnai toe, Joshua kaw nateh kamkhuengnae lukkareiim koe hnai aw h. Ahni lawk ka thui han telah atipouh. Hateh Mosi hoi Joshua teh kamnue hanelah kamkhuengnae lukkareiim koe a cei roi.

15 BAWIPA ni lukkareiim daw k tâmaikhom hoi a kamnue pouh teh, tâmaikhom ni lukkareiim takhang koe a kangdue.

16 BAWIPA ni Mosi koe, na mintoenaw hoi na i han toe. Hete miphunnaw ni atu a pâm aw h e ram daw k kaawm e Jentelnaw ni a baw k e cathutnaw hoi a yon aw h teh kai na pahnaw t aw h vaiteh lawkkam a raphoe aw h han.

17 Hat toteh, kai ka lungkhuek vaiteh, ahnimouh ka kamlang takhai han. A rawk aw h vaiteh lungpoutnae hoi rucatnae puenghoi a kâhmo aw h han, hatnavah ahnimouh ni Cathut ni maimouh koe ao hoeh daw k hete rucatnae maimouh lathueng a pha nahoehmaw telah a dei aw h han.

18 Ahnimouh ni alouke cathut koe a kamlang aw h e yonae daw k, kai ni minhmai ka hro han.

19 Hatdawkvah, hete la heh ahnimouh han thun pouh. Isarelnaw cangkhaih, Isarelnaw e kong daw k kapanuekkhaikung lah ao nahan a pahni daw k hrueng pouh.

20 Bangkongtetsawiteh, a na mintoenaw koe thoe ka bo e sanutui hoi khoitui a lawngnae ram koe ka hrawi aw h vaiteh, ka boum lah a ca aw h hnukkhu a thaw aw h vaiteh cathut alouke koelah a kamlang aw h han. A thaw taw k aw h vaiteh kai na taran aw h han, ka lawkkam a raphoe aw h han.

21 Rucatnae hoi yawthoenae pueng a kâhmo aw h navah, hete la heh amamouh kapanuekkhaikung lah ao nahan a catounnaw e pahni daw k hai pahnim aw h mahoe h. Kai ni thoeboe e ram daw k ka ceikhai hoehnahlan atu patenghai a pouknae ka panue toe telah ati.

22 Mosi ni hai hote hnin navah la a thut teh Isarelnaw a cangkhai.

23 Nun capa Joshua koe, tha kâlat nateh na taranhawi sak. Kai ni thoe ka bo e ram daw k Isarelnaw na kâenkhai han. Kai ni na okhai han, atipouh.

*Mosi ni maya lawk a thui*



24 Mosi ni hete kâlawnaw cauk dawk be a pakhum hnukkhu,

25 Lawkkam thingkong ka hrawm e Levihnaw a kaw teh,

26 Hete kâlawk cauk lat awh nateh, namamouh na kapanuekkhaikung lah BAWIPA e lawkkam thingkong hmalah hrueng awh.

27 Nangmae miphun teh taranthawnae, lungpatanae na tawn awh tie ka panue. Khenhaw! sahnin na hringkhai nah patenghai BAWIPA na taran awh nahoehmaw. Ka due hnukkhu nah tawng teh hothlak na sak awh han rah.

28 Nangmae miphun dawk kacuenaw, kaukungnaw abuemlah kai koe kamkhueng awh naseh. Hete lawknaw hah ahnimouh koe ka dei pouh vaiteh, kalvan hoi talai ka kaw han.

29 Bangkongtetpawiteh, kai ka due hnukkhu teh, khoeroe na rawk awh vaiteh, kai ni lawk na thui e lamthung dawk hoi na phen awh han tie hah ka panue. Hmalah toteh BAWIPA hmalah yonnae na sak awh vaiteh, na kut hoi na sak awh e lahoi a lungkhueknae na hroecoe awh dawkvah, nangmouh teh runae hoi na kâhmo awh han telah kâhruetcuetae a poe.

### *Mosi e la*

30 Hottelah Mosi ni Isarel maya thainae koe hettelah lawknaw heh apout totouh koung a dei pouh.

## 32

<sup>1</sup> Oe kalvannaw thai awh haw, lawk ka dei han. Oe talai ka dei e lawk thai haw.

<sup>2</sup> Kaie phunglawk teh kho patetlah masim-masim a rak han. Ka lawk teh tadamtui patetlah a bo han. Patue e naw dawk ka rak e kho patetlah thoseh, phonaw dawk moikapap e kho patetlah thoseh ao han.

<sup>3</sup> BAWIPA e min teh ka pâpho, maimae Cathut lentoenae teh pâpho awh.

<sup>4</sup> Ama teh lungsongpui doeh, a tawksak e akuep. Bangkongtetpawiteh, a lamthung teh a lan, yuemkamcu e Cathut, yon tawn hoeh, katang e hoi kalan e BAWIPA lah ao.

<sup>5</sup> Ahnimouh a rawk awh toe. Cathut e ca lah awm awh hoeh, toun hoeh kawî lah awm awh hoeh. A lungthin a longkawî teh ka payon e miphun lah ao awh.

<sup>6</sup> Oe lungangnae ka tawn hoeh e kapathunaw, BAWIPA e pahrennae hettelamaw na pathung awh han. Ka kawkhikkung na pa nahohmaw, na sak awh teh na caksak awh hoeh maw.

<sup>7</sup> Ayan e taminaw pahnim hanh awh, Se moi kaloum tangcoung e pouk awh, na pa pacei nateh na dei pouh han, kacuenaw pacei nateh ahnimouh ni a dei awh han.

<sup>8</sup> Lathueng Poug ni Adam catoun lah kaawm e naw hah a kapek teh, râw a rei navah, Isarelnaw a youn a pap e hah a khet teh miphun onae hmuen a khuen pouh.

<sup>9</sup> BAWIPA e ham teh a taminaw doeh. Jakop teh a coe e râw doeh.

<sup>10</sup> Tami kingdinae koe sarang a hram, thingyeiyawn koe Jakop a hmu toteh, khik a vuiluk teh mitmu patetlah a ring.

<sup>11</sup> Mataw ni a tabu a raphoe teh, a canaw

lathueng a rathei a kadai teh, a canaw a rathei hoi a tawm e patetlah,

<sup>12</sup> BAWIPA dueng ni doeh Jakop a hrawi, alouke cathut ahni koe awm hoeh.

<sup>13</sup> Talai rasangnae koe hmuen a poe teh, talai a pawhik hah a ca teh, lunggha dawkh e khoitui hai thoseh, lungghaw dawkh e satui hai thoseh,

<sup>14</sup> Tuca thaw, Bashannaw e tutan, maitotan, hmae thaw, satun, kuen dawkh e ahrei, maito sanutui, tu sanutui nei hane hoi misur tui thipaling na nei.

<sup>15</sup> Hatei, Jeshurun teh a thâw dawkh khok hoi a pâthui. Na thâw, na len, ahrei hoi na kawidawkhvah, na kasakkung Cathut na pahnavt teh rungngangnae lungsong banglahai na noutna hoeh.

<sup>16</sup> Ahnimouh teh alouke cathut lahoi utsin sak awh. Panuet ka tho e hno lahoi a lungkhuek sak awh.

<sup>17</sup> Cathut hoeh e kahrai, panue boihoeh e cathut, mintoenaw ni a taki awh hoeh e cathut koe thuengnae a sak awh.

<sup>18</sup> Na kasakkung lungsong banglahai na ngâi awh hoeh. Na pa lah kaawm e Cathut hah na pahnim toe.

<sup>19</sup> BAWIPA ni hot hah a hmu nah, a lungkhuek, a canu capanaw ni a pahnavt dawkhvah.

<sup>20</sup> Kai ni ka minhmai ka hro han, bangtelamaw apoutnae ao han tie ka khet han, lungkapatak e miphun, yuemkamcu hoeh e canaw lah ao awh.

<sup>21</sup> Cathut lah kaawm hoeh e hno lahoi utsinnae tawn sak hanelah a sak awh toe. Ayawmyin e hnopai lahoi lung na khuek sak awh toe. Hatdawkhvah, miphun lah kaawm hoeh e lahoi

ahnimouh utsin sak hanelah lungkaang hoeh e miphun lahoi lungkhueksak hanelah ka sak han.

<sup>22</sup> Ka lungkhuek teh hmai ka sawi. Kadung poung e sheol totouh a kak han. Talai dawk e a pawhik kamtawisak vaiteh mon kamhungnae totouh a kak han.

<sup>23</sup> Ahnimouh lathueng runae ka thueng pouh han, kaie palanaw hah koug ka ka han.

<sup>24</sup> Vonhlamrinci a khang awh han. Kâanna, puenghoi rawknae lahoi a rawk awh han. Sarangnaw e hâ thoseh, talai dawk kaawm e tahrungsue thoseh, ahnimouh koe ka patoun han.

<sup>25</sup> Alawilah tahloi hoi duenae, imthung taki ka tho e runae ni thoundoun tangla thoseh, sanu ka net lahun e camo hoi a sam ka po tangcoung e matawng thoseh a raphoe han.

<sup>26</sup> Taran kâoupnae ka taket hoeh nakunghai thoseh,

<sup>27</sup> Tarannaw a kâoup awh teh, hete hnopueng BAWIPA ni sak hoeh, ka lentoe e maimae kut ni doeh a sak ati han. Kai lungpuen han ka tawn hoeh nakunghai ahnimouh hah talai pout totouh kampek sak vaiteh, apinihai a pouk hoeh nahanlah ka raphoe han telah pouknae ka tawn.

<sup>28</sup> Bangkongtetpawiteh, lungangnae tawn awh hoeh, poukthainae hai tawn awh hoeh.

<sup>29</sup> Lungangnae tawn awh pawiteh, hete hno heh a thaipanuek awh han ei, hmalae kong hah a pouk awh han ei telah a ti.

<sup>30</sup> A kângue awh e lungsong ni ahnimouh yawt awh hoeh, BAWIPA ni ahnimouh poe hoehpawiteh, tami buet touh ni tami 1,000 touh bangtelamaw a pâlei thai han. Tami kahni touh

ni tami thong hni touh bangtelamaw yawngsak thai han.

<sup>31</sup> Maimae tarannaw ni a hmunaē dawk teh ahnimaē lungsong hoi maimae lungsong kâvan hoeh.

<sup>32</sup> Ahnimaē misurkung teh Sodom ram e doeh. Gomorrah talai dawk ka pâw e a kung doeh. Ahnimaē misurpaw teh kakhat e a kung dawk e a paw lah ao teh, misurbomnaw teh kakhat e hoi doeh a kawī.

<sup>33</sup> Ahnimaē misurtui teh khorui sue, ka pataw-poung e hrunthoe sue lah doeh ao.

<sup>34</sup> Hothateh kai koe a pâtung toe. Hnoim dawk hruek lah awm hoehnamaw.

<sup>35</sup> Moipathungnaē teh kai ni ka sak hane doeh. Atueng akuēp toteh ahnimaē khok a tâlaw han. Ahnimouh koe runaē pha nahane tueng a hnai toe. A kâhmo aw hane runaē karangpounglah a tho han toe.

<sup>36</sup> BAWIPA ni a taminaw hanelah lawk a ceng han. A taminaw teh bahu a baw toe, a paung e ka hlout e buet touh boehai ao hoeh e hah a hmu navah, ahnimouh pahren vaiteh,

<sup>37</sup> Ahnimaē cathut, ahnimouh ni a kângue aw h e talung nâne ao.

<sup>38</sup> Ahnimouh ni a thuengnaē a thâw hah a ca aw h teh, nei thuengnaē misur kanetnaw teh namaw ao. Thaw aw h naseh, nangmouh na kabawm aw h naseh.

<sup>39</sup> Kai, kama roeroe Cathut tie thoseh, kai hloilah alouke cathut awmhoeh tie thoseh, kenhaw! ka thei thai, ka hringsakthai, moihna ka thosak thai, ka damsak thai, ka kut dawk hoi apini na lawm thai mahoe h.

<sup>40</sup> A yungyoe kahring e doeh telah kalvan lah ka kut ka dâw teh thoe ka kâbo.

<sup>41</sup> Loukloukkaang e tahloi ka kata teh, lawkcengnae ka patuep teh, ka tarannaw koe moi ka pathung han. Kai na kahmuhmanaw koe kamculah ka pathung han.

<sup>42</sup> Ka palanaw hah thipaling hoi ka paruisak vaiteh, ka tahloi ni a moi a ca han. Thei lah kaawm e sannaw e thipaling hoi taranbawinaw e a lû a ca pouh han.

<sup>43</sup> Jentel miphunnaw nangmouh ni Cathut e a taminaw hoi lung rei hawi aw haw. Bangkongtetpawiteh, kaie sannaw theinae yon hoi kâki lah runae ka rek teh, a tarannaw koe yon moipathung han toe. A ram hoi a taminaw yontha pouh han.

<sup>44</sup> Mosi hoi Nun capa Joshua a tho roi teh hete la lawknaw pueng hah tami pueng koe a dei pouh roi.

<sup>45</sup> Hottelah hete lawknaw Mosi ni Isarelnaw koe he a dei hnukkhu,

<sup>46</sup> Nangmouh koe sahnin ka pâpho e lawknaw pueng heh na lungthung pâkuem aw h. Na canaw ni hete kâlawk pueng hah a tarawi aw h nahanelah, ahnimouh koe bout dei pouh aw h.

<sup>47</sup> Hete hno heh rumram e nahoeh, nangmouh na hringnae hoi kâkuen e doeh. Jordan palang na raka aw h teh na pang aw h hane ram daw k hete hno na tarawi pawiteh, na hring a saw aw h han telah a dei.

*Mosi duenae*

<sup>48</sup> Hot hnin vah BAWIPA ni Jeriko namran Moab ram Abiram monrui Nebo monsom a luen teh,

<sup>49</sup> Isarelnaw hah kai ni ka poe e ram hah khenhaw.

<sup>50</sup> Na hmau Aron teh Hor mon vah a due teh a taminaw a kamkhuengnae koe a pha e patetlah nang hai na luennae hete mon dawk dout nateh na taminaw kamkhuengnae koe phat lawih.

<sup>51</sup> Bangkongtetzpawiteh, nangmouh ni Zin thingyeiyawn, Kadesh kho Meribah tui teng vah, Isarelnaw hmalah kai barinae tawn laipalah na yon awh toe.

<sup>52</sup> Hatdawkvah, Isarelnaw koe ka poe e ram hah nang ni na mit hoi na hmu nakunghai, hote ram dawk na kâen mahoehtelah Mosi koe a dei pouh.

## 33

### *Mosi ni Yawhawi poenae*

<sup>1</sup> BAWIPA e tami Mosi ni a due hoehnahlan Isarelnaw yawhawi a poenae lawk hateh,

<sup>2</sup> BAWIPA teh Sinai mon hoi a tho. Seir mon koehoi Isarelnaw koe kanî patetlah a tâco teh, Paran mon koehoi raeng ni pheng a tue. Tami kathoung moikapap hoi rei a tho awh. Isarelnaw hanelah aranglae kut dawk hoi kâlawk hmai a tâco.

<sup>3</sup> Atangcalah BAWIPA ni a taminaw hah a lungpataw. A tami kathoungnaw pueng teh na kut dawk doeh ao awh. Ahnimouh ni na khok koe a tabo awh teh, na lawk hah a dâw awh.

<sup>4</sup> Mosi ni kaimouh hanelah kâlawk na poe awh. Jakop miphunnaw e râw lah ao.

<sup>5</sup> Taminaw kahrawikungnaw teh Isarelnaw hoi rei a kamkhueng aw h toteh, Jeshurun khovah nang teh siangpahrang lah na o.

<sup>6</sup> Reuben teh dout laipalah hring naseh. A taminaw pung naseh.

<sup>7</sup> Judah miphun hanelah a dei e teh, Oe BAW-IPA Judah e a lawk na thai teh a hmaunawng a aonae koe thokhai haw, a kutnaw hah thapoe haw. Tarannaw kut daw k hoi rungngang haw.

<sup>8</sup> Levih miphun hanelah a dei e teh, nange Thummim hoi nange Urim teh Massah vah na tanouk teh, Meribah tui teng vah na taran e na tami kathoungnaw koe poe haw.

<sup>9</sup> A manu hoi a na pa koe vah ka hmawt boi-hoeh ka tet e ni, a hmaunawng a hah nout hoeh. A canaw hai panuek hoeh. Bangkongtetpawiteh, na lawk a ngâi aw h teh na lawkkam hah a tarawi aw h.

<sup>10</sup> Ahnimouh ni nange lawkcengnaenaw hah Jakop miphun koe thoseh, na kâlawk hah Isarelnaw koe thoseh a cangkhai aw h han. Ahnimouh ni hmuitui hah na hmalah thoseh, abuemlah hmaisawi thuengnae hah thuengnae khoungroe daw k thoseh a ta aw h han.

<sup>11</sup> Oe BAWIPA, ahnie hnopai hah yawhawi na poe teh a kut hoi a sak e hah dâw pouh haw. Ahnimouh kahmawt ngaihoeh naw a kâroe thai hoeh nahanlah ahnimae a keng hah khoe pouh haw.

<sup>12</sup> Benjamin miphun hanelah a dei e teh, BAW-IPA ka pahren e teh, BAWIPA koe karoumcalah ao han. Pou ramuk vaiteh, a loung rahak vah a ta han.



<sup>13</sup> Joseph miphun hanelah a dei e teh, ahnie a ram teh aphu kaawm e kalvan e hno, tadamtui hoi rahimlah kaawm e adungnae koe e tui hoi cungtalaw yawhawinae poe naseh.

<sup>14</sup> Kanî koehoi e aphu kaawm hnonaw hoi thoseh, thapa koehoi e aphu kaawm hnonaw hoi thoseh,

<sup>15</sup> ayan e monnaw dawk e kahawipoung e hnonaw hoi thoseh, pou kangning e monruinaw e aphu kaawm hnonaw hoi thoseh,

<sup>16</sup> talai dawk e aphu kaawm e hno, hote kuepnae hoi hmai ka kang e buruk dawk kaawm e pahrennae hoi thoseh, yawhawinae na poe seh. Yawhawinae teh Joseph e lû van thoseh, a hmaunawngghanaw dawk kacuenaw e lû van bawilakhung dawk thoseh, phat lawiseh.

<sup>17</sup> A raimonae teh maito camin a lentoenae patetlah, a kinaw teh Savitannaw e kinaw patetlah awm lawiseh. Hot ni vah miphun pueng hah talai pout totouh a deng han. Ahnimouh teh Ephraim 10,000, Manasseh 1,000 touh lah ao a ti.

<sup>18</sup> Zebulun miphun hanelah a dei e teh, Zebulun, na tâconae dawk hai thoseh, Issakhar, na rim dawk hai thoseh, lunghawi haw.

<sup>19</sup> Ahnimouh ni miphunnaw hah mon koe kaw awh vaiteh, hote hmuen koe nei thuengnae hah a thueng awh han. Bangkongtetpawiteh, tuipei bawirengnae hoi sadi thung kâhrawk e hnonaw hah a rasa awh han.

<sup>20</sup> Gad miphun hanelah a dei e teh, Gadnaw ka pakaw e teh a yawkahawi e lah awm naseh. Hote

miphun teh sendek manu patetlah ao vaiteh, kutbuembue hoi lû vuen hah a hlip han.

<sup>21</sup> Ahni teh ama hanelah kahawipoung e a kârawi toe. Atangcalah kâlawkkapoekung e ham hah hote hmuen koe aloukcalah a ta pouh toe. BAWIPA e lannae hoi lawkcengnae hah Isarel miphun hoi cungtalah a tawk telah a ti.

<sup>22</sup> Dan miphun hanelah a dei e teh, Dan teh sendekca lah ao teh Bashan kho hoi a dawkcawh han telah a ti.

<sup>23</sup> Naphtali miphun hanelah a dei e teh, Oe Naphtali, pahren e lah na o teh, BAWIPA e yawhawinae hoi kaw sak lah na o teh, kanîloumlae hoi akalae hah coe loe.

<sup>24</sup> Asher miphun hanelah a dei e teh, Asher teh canaw e lathueng vah yawhawinae hoe a coe. Ahni teh a hmaunawngghanaw lahoi yawhawi poe e lah ao teh, a khok hah satui dawh ranup naseh.

<sup>25</sup> Nange longkha tarennae teh sum hoi rahum lah ao vaiteh, na hringyung thung na thayung lah ao han.

<sup>26</sup> Nang kabawp hanelah kalvannaw ka kâcui niteh, lentoenae hoi tâmainaw dawh ka kâcuie Jeshurun Cathut patetlah apihai awm hoeh.

<sup>27</sup> A yungyoe Cathut teh na kângue e lah ao teh, a thaonae kut hoi nang teh na doun. Ahni ni, na tarannaw hah na hmalah hoi na pâlei pouh teh, raphoenae kâ hah na poe.

<sup>28</sup> Isarel miphun teh a hlout vaiteh, amamouh dueng ao awh han. Jakop catoun teh cakang, misurtui hoi kakawi e ram dawh hmuen a tawn awh vaiteh, kalvan hoi tadamtui hai a bo han.

<sup>29</sup> Oe Isarel miphun na yawhawi. BAWIPA ni a rungngang e miphun, nang teh api hoi maw na kâvan. Hote BAWIPA teh nang na ka ngue e bahling, na taluenae tahloi lah ao. Na tarannaw teh, na hmalah a sung awh vaiteh, nang ni ahnimae hmuen rasangnae koe na coukdouk awh han.

## 34

### *Mosi duenae*

<sup>1</sup> Hathnukkhu Mosi ni Moab tanghling koehoi a cei teh, Jeriko khopui namranlah Nebo mon Pisgah monsom vah a luen. BAWIPA ni ram pueng hah a pätue. Gilead ram Dan kho totouh,

<sup>2</sup> Napthali ram buemlah, Ephraim ram hoi Manasseh ram buemlah, Judah ram pueng tuiptui kanîloumlah totouh,

<sup>3</sup> akalae ram hoi ungtung kho tie Jeriko khopui yawn Zoar kho totouh.

<sup>4</sup> BAWIPA ni hete ram teh Abraham, Isak, Jakop tinaw koevah na catounnaw ka poe han telah thoebo laihoi lawk ka kam e ram doeh. Na mit hoi hmunaê kâ teh na poe, hatei, nang teh hote ram koe na cet mahoe h atipouh.

<sup>5</sup> Hatdawkvah, BAWIPA ni a dei e patetlah Mosi teh Moab ram dawkvah a due.

<sup>6</sup> Bethpeor namran lah Moab tanghling dawkh ahni teh a pakawp. Hatei, sahnin ditouh ahni pakawpnae hmuen hah apinihai panuek hoeh.

<sup>7</sup> Mosi a due navah a kum 120 touh a pha. A mit hai mom hoeh, a tha hai youn hoeh rah.

<sup>8</sup> Isarelnaw ni Mosi teh Moab tanghling dawк hnin 30 touh a khuikakhai awн. Hottelah hoi Mosi khuikakhainae hnin teh a pout.

<sup>9</sup> Hahoi Nun capa Joshua teh lungangnae muitha hoi a kawі. Bangkongtetpawiteh, Mosi ni ahnie van vah a kut a toung pouh. BAWIPA ni Mosi koe lawк a poe e patetlah a sak teh, Isarelnaw ni ahnie lawк a ngâi awн.

<sup>10</sup> BAWIPA ni minhmai rek kâhmo laihoi a panue e Mosi patetlah Isarel miphun dawк bangpatet e profet hai bout tâcawт hoeh toe.

<sup>11</sup> Faro e hmaitung hoi a sannaw pueng e hmaitung hoi a ram thung pueng hanelah, Izip ram dawк sak hanelah BAWIPA ni a patoun e mitnoutnae hoi kângairu hnonaw hah ahni ni a sak.

<sup>12</sup> Thaonae bahu pueng hoi Mosi ni a sak e takikatho e kângairu hno pueng hah Isarelnaw hmaitung vah Mosi ni a sak.

**Thai Phum Holy Bible**  
**The Holy Bible in the Thaiphum Chin language of**  
**Myanmar**

Copyright © 2020 Batupuei Christian Fellowship

Language: Thai Phum (Chin, Thaiphum)

Translation by: Batupuei Christian Fellowship

copyright only valid in Myanmar; Public Domain elsewhere

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2024-05-01

---

PDF generated using Haiola and XeLaTeX on 15 May 2025 from source files dated 15 May 2025

84c7fe95-3b68-5ab6-b17e-a642d33ac078